

瑜伽師地論


《菩薩地決擇筆記》

王厚華 編輯

2024.05 版

◎ 綱要層次符號：■ □ ◆ ◇ ★ ☆ ➡ ⇨

◎ 使用 pdf 電子檔閱讀時，請打開標籤，可參閱樹狀目錄綱要。



目錄

菩薩地決擇.....	1
■ 1 種性品.....	1
■ 2 發心品.....	1
□ 十發心	1
□ 隨護四種心	1
■ 3 自他利品.....	2
□ 九正行	2
□ 無哀愍	2
◆ 1 於乞求者	2
◆ 2 於危厄者	3
◆ 3 於有恩者	3
◆ 4 於樂樂者	3
◆ 5 於樂法者	3
◆ 邪行	3
□ 五種不堪任性	4
■ 4 真實義品.....	4
□ 唄陀南 1	4
◆ 總舉(五事).....	4
◆ 別分別	5
◆ 有/無.....	5
◆ 實/假.....	5
◆ 世俗/勝義.....	6
◆ 生	6
◆ 異	6
◆ 相	7
◆ 行相	7
◆ 色等	9
□ 唄陀南 2	15
◆ 思擇	15
◆ 自性	16
◆ 取	17
◆ 薩迦耶、有、世間	20
◆ 真實	20
◆ 尋思	20
◆ 如實遍智	21
◆ 密意	21
◆ 次第	22
□ 唄陀南 3	22
◆ 總舉(三種自性).....	22
◆ 別分別	22
◆ 緣差別	24
◆ 依止	25
◆ 亦微細執著	25

□ 唵陀南 4	26
◆ 攝	26
◆ 無性	26
◆ 知	26
◆ 密意	26
◆ 所行	27
◆ 通達	27
◆ 隨入	27
◆ 差別	27
◆ 依	27
□ 唵陀南 5	28
◆ 若無有	28
◆ 作業	28
◆ 微細	28
◆ 無體	28
◆ 生	29
◆ 執	29
◆ 知	29
◆ 染	30
◆ 苦	30
◆ 喻	30
◆ 無分別	30
■ 5 威力品	31
■ 6 成熟品	31
■ 7 菩提品	32
□ 大菩提五種相	32
◆ 1 自性	32
◆ 2 功能	33
◆ 3 方便	33
◆ 4 轉	33
◆ 5 還	33
□ 如來	33
◆ 讚歎	33
◆ 二種事	34
◆ 如來功德六相	34
◆ 諸天非所歸依	35
◆ 四清淨	36
■ 8 力種性品	36
■ 9 施等品	37
□ 施清淨	37
◆ 1 施物清淨十相	37
◆ 2 戒清淨十相	37
◆ 3 見清淨十相	38
◆ 4 心清淨十相	38
◆ 5 語清淨十相	38
◆ 6 智清淨十相	39

◆ 7 垢清淨十相	40
□ 毗奈耶	41
□ 略說	43
◆ 五種功德	43
◆ 十隨煩惱	43
◆ 清淨	44
■ 10 菩提分品	46
□ 四念住	46
□ 四正斷	46
□ 次第	46
□ 縛	46
□ 六種想縛	47
□ 十一種後後想縛	47
■ 11 功德品	48
□ 惡取空	48
□ 思擇大乘經起因緣說	48
□ 十種無顛倒道	48
□ 八殊勝	49
□ 勝義諦有五種相	49
◆ 如理請問菩薩(1 離名言相及 2 無二相)	49
◆ 法涌菩薩(3 超過尋思所行相)	51
◆ 善清淨慧菩薩(4 超過諸法一異性相)	52
◆ 長老善現(5 遍一切一味相)	54
□ 廣慧菩薩(心、意、識祕密)	56
□ 德本菩薩(一切法相)	57
□ 勝義生菩薩(諸法無自性)	58
□ 慈氏菩薩(攝奢摩他、毗鉢舍那)	65
◆ 何依何住	65
◆ 四種所緣境事	65
◆ 能求能善	65
◆ 隨順	65
◆ 有異無異	66
◆ 一向修/俱轉	66
◆ 幾種	66
◆ 依法/不依法	67
◆ 別法/總法	67
◆ 尋/伺	68
◆ 止/舉/捨相	68
◆ 知法知義	68
◆ 智、見	71
◆ 除遣諸相	71
◆ 空能除遣十種相	72
◆ 攝	72
◆ 因果	72
◆ 作業	73
◆ 障	73
◆ 圓滿清淨	73

◆ 散動	73
◆ 治障	73
◆ 證得阿耨多羅三藐三菩提	74
◆ 引發廣大威德	74
◆ 無餘永滅	75
□ 觀自在菩薩(如實大乘)	77
◆ 十一地	77
◆ 名	78
◆ 愚癡/羸重	78
◆ 殊勝	79
◆ 願	80
◆ 所應學事	80
◆ 煩惱隨眠	87
◆ 密意	88
□ 曼殊室利菩薩(如來成所作事)	89
◆ 如來法身相	89
◆ 如來生起相	89
◆ 言音差別	89
◆ 如來心生起相	95
◆ 如來所行/境界	95
◆ 成正覺/轉法輪/入涅槃相	96
◆ 奉事因緣	96
◆ 法身/解脫身	96
◆ 威德住持	96
◆ 穢土	97
■ 12 住品	98
■ 13 地品	98
■ 14 建立品	101
■ 15 行品	102
□ 1 邪行	102
◆ 邪行八種相	102
□ 2 正行	105
◆ 1 令智退失因緣	105
◆ 2 令念忘失因緣	105
◆ 3 壞鮮白法因緣	106
◆ 4 惡意現行因緣	106
◆ 5 難可調伏因緣	106
◆ 6 行於非道因緣	107
◆ 7 親近不賢良因緣	107
◆ 8 不如其義因緣	107
□ 3 正行勝利	107
◆ 1 積集福智資糧	107
◆ 2 令障淨	107
◆ 3 集成白法	108
◆ 4 利有情事	108
□ 4 法行、平等行、善行、法住行相	108
◆ 法行	108

◆ 平等行	108
◆ 善行	109
◆ 法住行	109
□ 5 能生淨信所有譬喻	109
□ 6 安立所學	111
◆ 1 貫穿補特伽羅空性	111
◆ 2 貫穿補特伽羅無我性	111
◆ 3 貫穿法空性	111
◆ 4 貫穿法無我性	112
◆ 5 貫穿增益邊	112
◆ 6 貫穿損減邊	113
◆ 7 貫穿法現觀	113
◆ 8 貫穿法現觀迴向大菩提性	113
◆ 9 貫穿如是行者煩惱眾苦不纏繞心	113
◆ 10 貫穿差別	113
◆ 11 貫穿因性	114
◆ 12 貫穿到邊際空性	114
◆ 13 貫穿即彼空性威德	114
□ 7 聲聞、菩薩差別	115
◆ 四種聲聞	115
◆ 十三種差別	115
□ 8 由世間、出世間智，能作利益他事	116
◆ 世間智	116
◆ 出世間智	117
□ 9 於菩薩教授中聲聞所學	120
□ 10 不善學沙門	121
□ 11 善學沙門	121
□ 12 住世俗律儀	121
□ 13 住勝義律儀	122
□ 14 如來調伏方便	123
□ 15 密意語言	124
◆ 論圓滿	124
◆ 果圓滿	124
◆ 果勝利圓滿	124
□ 16 勝解勝利	125

菩薩地決擇

攝決擇分中菩薩地之一

如是已說聲聞地等決擇。菩薩地決擇，我今當說。

■ 1 種性品

謂如成立聲聞種性，當知成立菩薩種性，亦復如是。

■ 2 發心品

正性離生：入於見道
得聖道涅槃之正性，
能離煩惱之生

□ 十發心

復次，有十發心。謂

1 世俗受發心	世俗受發心者，謂諸菩薩未入菩薩正性離生所有發心。									
2 得法性發心	得法性發心者，謂諸菩薩已入菩薩正性離生，及迴向菩提諸聲聞等所有發心。									
3 不決定發心	不決定發心者，謂非彼種性，設彼種性復退還法所有發心。									
4 決定發心	與此相違，當知名為決定發心。									
5 不清淨發心	不清淨發心者，謂如有一， <table><tr><td>1 或隨他轉</td></tr><tr><td>2 或被陵逼不揆不量</td></tr><tr><td>3 或怖王難</td></tr><tr><td>4 或怖賊難</td></tr><tr><td>5 或怖鬼難</td></tr><tr><td>6 或怖退轉</td></tr><tr><td>7 或為活命</td></tr><tr><td>8 或為利養恭敬因緣</td></tr><tr><td>9 或復矯誑</td></tr></table> 如是等類而發心者，當知皆名不清淨發心。	1 或隨他轉	2 或被陵逼不揆不量	3 或怖王難	4 或怖賊難	5 或怖鬼難	6 或怖退轉	7 或為活命	8 或為利養恭敬因緣	9 或復矯誑
1 或隨他轉										
2 或被陵逼不揆不量										
3 或怖王難										
4 或怖賊難										
5 或怖鬼難										
6 或怖退轉										
7 或為活命										
8 或為利養恭敬因緣										
9 或復矯誑										
6 清淨發心	與此相違而發心者，名清淨發心。									
7 羸劣發心	羸劣發心者，謂如有一已發心菩薩，貪瞋癡纏所蔽伏故，捨於正行，處於邪行。									
8 彊盛發心	與此相違，名彊盛發心。									
9 未成果發心	未成果發心者，謂從勝解行地乃至第十地所有發心。									
10 已成果發心	已成果發心者，謂如來地所有發心。如世尊言：我已解脫難行之行，我於一切難行之行極善解脫，自正願滿，亦令於他趣證菩提。									

此十發心，幾染汙、幾不染汙等廣決擇文，更不復現。

□ 隨護四種心

復次，有四種心，菩薩應當恆常隨護。

1 聞思所成心
2 悲心
3 資糧心
4 修所成心

01種姓地
02勝解行地
1歡喜地
2離垢地
3發光地
4發慧地
5極難勝地
6現前地
7遠行地
8不動地
9善慧地
10法雲地

■ 3 自他利品

□ 九正行

復次，菩薩有九正行，依於自義及與他義。

1 於生死正行	云何菩薩於生死中行於正行？ 謂如病者於所有病、於辛苦藥。
2 於有情正行	云何菩薩於諸有情行於正行？ 謂如良醫於有病者。
3 於自體正行	云何菩薩於自體上行於正行？ 謂如善巧家長於未成就幼童。
4 於諸欲正行	云何菩薩於諸欲中行於正行？ 謂如商主行於商路於諸財貨。
5 於身語意業正行	云何菩薩於身語意業行於正行？ 謂如浣染衣者於諸衣服。
6 於不應損惱有情正行	云何菩薩於不應損惱有情行於正行？ 謂如慈父於己膝上放失便利嬰孩小兒。
7 於無間修善法正行	云何菩薩於無間修諸善法中行於正行？ 謂如求火者施功於燧。
8 於內心奢摩他正行	云何菩薩於內心奢摩他中行於正行？ 謂如其主於能致財可委付者。
9 於增上慧法毗鉢舍那正行	云何菩薩於增上慧法毗鉢舍那中行於正行？ 謂如善幻者於諸幻事。

餘決擇文，更不復現。

□ 無哀愍

復次，若於五種有情眾中起邪行時，說名無哀、無愍、無有傷歎。

1 於乞求者
2 於危厄者
3 於有恩者
4 於樂樂者
5 於樂法者

◆ 1 於乞求者

言乞求者，略有五種。

1 求飲食
2 求衣服
3 求房舍
4 求病緣醫藥資具
5 求救護

◆ 2 於危厄者

其危厄者，亦有五種。

1 住艱乏者
2 住迷亂者
3 來歸依者
4 相投委者
5 來拜觀者

◆ 3 於有恩者

其有恩者，亦有五種。

1 母
2 父
3 妻子
4 奴婢僕使
5 朋友兄弟親屬宰官

◆ 4 於樂樂者

其樂樂者，亦有五種。

1 愛樂事業興盛樂
2 愛樂事業興盛不乖離樂
3 愛樂時節變異苦遠離樂
4 愛樂解疲倦樂
5 愛樂求昇進樂

◆ 5 於樂法者

其樂法者，亦有五種。

1 樂說正法
2 樂受持讀誦
3 樂論議決擇
4 樂教授教誡
5 樂法隨法行

◆ 邪行

此中邪行者，謂於是中，

1 或作加行故
2 或不作加行故
3 或不饒益加行故
4 或中庸加行故

應知其相。

□ 五種不堪任性

復次，於有情中，有五種不堪任性。

若諸有情成就此者，諸佛如來尚難化度，況諸菩薩，或復餘者。

諸佛如來雖欲於彼作義利樂，然彼不能領受所作義利樂事，又於所作能為障礙；況諸菩薩，或復餘者。

何等為五？

1 於清淨無堪任性	於清淨無堪任性者，謂如有一， 本性無有般涅槃法。
2 於加行無堪任性	於加行無堪任性者，謂如有一， 同般涅槃法相續已熟，於此無間，造作積集能障 正加行業。 由此因緣，於現法中，無有堪能修正方便。
3 於彼果成辦無堪任性	於彼果成辦無堪任性者，謂如有一， 同般涅槃法相續未熟，不作不集能障正加行業。 由此因緣，無有功能成辦彼果。
4 於加行及彼果成辦無堪任性	於加行及彼果成辦無堪任性者，謂如有一， 同般涅槃法相續未熟，於此無間，造作積集能障 正加行業。 由此因緣，俱無堪能。
5 於攝受饒益無堪任性	於攝受饒益無堪任性者，謂如有一， 於此無間，造作積集能感定受貧窮匱乏苦惱之業。 由此因緣，於現法中，無有堪能令彼巨富無匱安樂。

與此相違，當知五種有堪任性。

■ 4 真實義品

□ 唵柁南 1

復次，若欲了知真實義者，當先了知略有五事。

唵柁南曰：

總舉別分別 有實世俗事 若生若異等 相行等色等

◆ 總舉(五事)

云何五事？

1 相
2 名
3 分別
4 真如
5 正智

◆ 別分別

1 相	何等為相？謂若略說，所有言談安足處事。				
2 名	何等為名？謂即於相所有增語。				
3 分別	何等為分別？謂三界行中所有心心所。				
4 真如	何等為真如？謂法無我所顯，聖智所行，非一切言談安足處事。				
5 正智	何等為正智？謂略有二種。 <table border="1"> <tr> <td>1 唯出世間正智</td><td>何等名為唯出世間正智？ 謂由此故，聲聞、獨覺、諸菩薩等通達真如。 又由此故，彼諸菩薩於五明處善修方便，多住如是一切遍行真如智故，速證圓滿所知障淨。</td></tr> <tr> <td>2 世間出世間正智</td><td>何等名為世間出世間正智？ 謂聲聞、獨覺以初正智通達真如已，由此後所得世間出世間正智，於諸安立諦中，令心厭怖三界過患，愛味三界寂靜。 又由多分安住此故，速證圓滿煩惱障淨。 又即此智，未曾得義，名出世間；緣言說相為境界義，亦名世間；是故說為世間出世間。</td></tr> </table> 世尊依此密意，說如是言： 我說有世間智、有出世間智、有世間出世間智。 0 若分別所攝智，唯名為世間； 1 初正智所攝智，唯名出世間； 2 第二正智所攝智，通名世間出世間。	1 唯出世間正智	何等名為唯出世間正智？ 謂由此故，聲聞、獨覺、諸菩薩等通達真如。 又由此故，彼諸菩薩於五明處善修方便，多住如是一切遍行真如智故，速證圓滿所知障淨。	2 世間出世間正智	何等名為世間出世間正智？ 謂聲聞、獨覺以初正智通達真如已，由此後所得世間出世間正智，於諸安立諦中，令心厭怖三界過患，愛味三界寂靜。 又由多分安住此故，速證圓滿煩惱障淨。 又即此智，未曾得義，名出世間；緣言說相為境界義，亦名世間；是故說為世間出世間。
1 唯出世間正智	何等名為唯出世間正智？ 謂由此故，聲聞、獨覺、諸菩薩等通達真如。 又由此故，彼諸菩薩於五明處善修方便，多住如是一切遍行真如智故，速證圓滿所知障淨。				
2 世間出世間正智	何等名為世間出世間正智？ 謂聲聞、獨覺以初正智通達真如已，由此後所得世間出世間正智，於諸安立諦中，令心厭怖三界過患，愛味三界寂靜。 又由多分安住此故，速證圓滿煩惱障淨。 又即此智，未曾得義，名出世間；緣言說相為境界義，亦名世間；是故說為世間出世間。				

◆ 有/無

問：「相」當言有耶？當言無耶？答：當言是有。

問：為如「自性」、「差別」假立故立，如是當言有耶？答：如是當言無。

問：為如「分別所行境」，如是當言有耶？答：如是當言有。

如是菩薩於相有性得善巧故，

於諸相中 1 善記為有、2 善記為無、3 善記為亦有亦無、4 善記為非有非無。

彼由如是善記別故，遠離增益、損減二邊，行於中道，善說法界。

問：此相為以言說義當言是有？

為以離言說義當言是有？

答：俱由二義當言是有。何以故？

若如語言安立足處，如是以言說義當言是有；

若如自性、差別假立不成就義，如是以離言說義當言是有。

如相，名、分別亦爾。

問：真如、正智當言有耶？當言無耶？答：當言是有。

相	有
如「自性」、「差別」假立	無
如「分別所行境」	有
以言說義	有
以離言說義	有

「相」有可以討論「如自性、差別假立不成就義」的「離言說義」

◆ 實/假

真如	有
正智	有

問：相當言實有，當言假有？答：實有行中當言實有，假有行中當言假有。

有相諸行亦有二種。

問：名當言實有，當言假有？答：當言假有，唯於相中假施設故。

問：分別當言實有，當言假有？答：二種俱有。

問：真如當言實有，當言假有？答：當言實有，勝義攝故。

問：正智當言實有，當言假有？答：當言俱有。

此中智是實有；若智眷屬諸心心所亦名為智，說之為假；故有二種。

◆ 世俗/勝義

問：相當言世俗有，當言勝義有？

答：當言世俗有。由二因緣故。

1 雜染起故

2 施設器故

1 相	實有行	實有
	假有行	假有
2 名	假有	
3 分別	二種俱有	
4 真如	實有	
5 正智	二種俱有	

問：名當言世俗有，當言勝義有？

答：當言世俗有。由三因緣故。

1 雜染起故

2 施設器故

3 言說所依故

1 相	世俗有	
2 名	世俗有	
3 分別	世俗有	
4 真如	勝義有	
5 正智	初正智	勝義有
	第二正智	俱有

問：分別當言世俗有，當言勝義有？答：當言世俗有。由四因緣故。

1 雜染起故

2 施設器故

3 言說隨眠故

4 言說隨覺故

問：真如當言世俗有，當言勝義有？答：當言勝義有，是清淨所緣境性故。

問：正智當言世俗有，當言勝義有？答：初正智當言勝義有，第二正智當言俱有。

◆ 生

問：相當言誰所生？答：當言 1 相所生，及 2 先分別所生。

問：名當言誰所生？答：當言補特伽羅欲所生。

問：分別當言誰所生？答：當言 1 分別所生，及 2 相所生。

問：真如當言誰所生？答：當言無生。

問：正智當言誰所生？答：當言由 1 聽聞正法、2 如理作意，正智得生。

◆ 異

問：相與名當言異，當言不異？答：俱不可說。何以故？俱有過故。

1 異有何過？名應實有。

2 不異有何過？若取相時，應亦取名。

問：相與分別當言異，當言不異？答：俱不可說。何以故？俱有過故。

1 異有何過？分別應非相為性。

2 不異有何過？離分別外所有諸相，應以分別為性。

問：相與真如當言異，當言不異？答：俱不可說。何以故？俱有過故。

1 異有何過？諸相之勝義，應非即真如。又修觀者應捨諸相，別求真如。又於真如得正覺時，不應於相亦得正覺。

2 不異有何過？如真如無差別，一切相亦應無差別。又得相時，應得真如。又得真如時亦如得相，應不清淨。

如諸行上，有無常、苦、無我共相，雖復是有，而不可說與彼諸行若異不異。

又如身心，羶重、輕安雖復是有，而不可說與彼身心若異不異。

又如善、惡、無記法中，種子雖有，而不可說與彼諸法若異不異。何以故？俱有過故。

又如虛空遍一切故，於諸色處雖有虛空，而不可說與彼諸色若異不異。何以故？俱有過故。

1 異有何過？不遍一切故，虛空應無常。

2 不異有何過？離色虛空應無所有。

此中道理，如其所應，當知亦爾。

聲聞乘中，有處世尊依於諸行，顯示不異亦非不異記別道理。

如說：苾芻！取非即蘊，亦不離蘊。

此中欲貪說名為取。

1 不異何過？誹謗蘊中，善、無記法不清淨過。

2 異有何過？於諸取中，增益常性不清淨過。

如相與真如不異非不異道理，名、分別、正智與真如，當知亦爾。

問：相與正智當言異，當言不異？答：如與分別俱不可說。

問：名與分別當言異，當言不異？答：當言異。

問：名與正智當言異，當言不異？答：當言異。

問：分別與正智當言異，當言不異？答：當言異。

◆ 相

問：相有何相？答：分別所行相。

問：名有何相？答：言說所依相。

問：分別有何相？答：相為所行相。

問：真如有何相？答：正智所行相。

問：正智有何相？答：真如為所行相。

	相
1 相	分別所行
2 名	言說所依
3 分別	相為所行
4 真如	正智所行
5 正智	真如為所行

◆ 行相

1 問：相有何行相？

答：應知此相，有種種行相、無量行相，由分別行相種種無量故。謂

色相、心相、心所有相、心不相應行相、無為相、

蘊相、界相、處相、緣起相、處非處相、根相、

諦相、念住相、正斷相、神足相、根相、力相、覺支相、道支相、

行跡相、法跡相、奢摩他相、毗鉢舍那相、舉相、捨相、緣相、依相、

地相、水相、火相、風相、空相、識相、

此世界相、彼世界相、日相、月相、那落迦相、傍生相、餓鬼相、人相、

四大王眾天相、三十三天相、夜摩天相、覩史多天相、樂化天相、他化自在天相、

初靜慮相、第二靜慮相、第三靜慮相、第四靜慮相、

空無邊處相、識無邊處相、無所有處相、非想非非想處相、

起相、盡相、有相、非有相、雜染相、清淨相、

見聞覺知相、已得尋求相、心隨尋伺相，如是等類餘無量相。

復有六相。

1 有相相	云何有相相？調解了事名分別所有相。
2 無相相	云何無相相？調不解了事名分別所有相。
3 狹小相	云何狹小相？調欲界事分別所有相。
4 廣大相	云何廣大相？調色界事分別所有相。
5 無量相	云何無量相？調空、識無邊處無色界事分別所有相。
6 無所有相	云何無所有相？調無所有處無色界事分別所有相。

復有餘五相。

1 相相	2 名相	3 分別相	4 真如相	5 正智相
------	------	-------	-------	-------

1 相相
2 名相
3 分別相
4 真如相
5 正智相

復有餘二相。

1 本性相	云何本性相？調先分別所生，及相所生共所成相。
2 影像相	云何影像相？調遍計所起，勝解所現，非住本性相。

2 問：名有何行相？答：由相勢力，亦有種種無量行相。

又若略說有十二種。

1 假說名
2 實事名
3 種類相應名
4 各別相應名
5 隨德名
6 假立名
7 共所知名
8 非共所知名
9 顯了名
10 不顯了名
11 總名
12 別名

	行相
2 名	無量，略說有十二種
3 分別	無量，略說有七種
4 真如	其相不可說行相
5 正智	其相不可說行相/ 取安立諦行相

3 問：分別有何行相？答：由相、名勢力故，亦有種種無量行相。

若略說者，當知有七種。

1 有相分別
2 無相分別
3 於境界任運分別
4 尋求分別
5 伺察分別
6 染汙分別
7 無染汙分別

4 問：真如有何行相？答：其相不可說行相。

5 問：正智有何行相？答：

若出世間正智，亦有其相不可說行相
若世間出世間正智，有取安立諦行相

復次，

1 相差別	若相、若影像、若顯現、若有、若戲論、若薩迦耶、若有為、若思所造、若緣生，如是等是相差別。
2 名差別	若名、若想、若施設、若假言說、若世俗、若假立、若言論，如是等是名差別。
3 分別差別	若分別、若思惟、若遍計、若邪道、若邪行、若越流、若不正取，如是等是分別差別。
4 真如差別	若真如、若實性、若諦性、若無顛倒性、若不顛倒性、若無戲論界、若無相界、若法界、若實際，如是等是真如差別。
5 正智差別	若正智、若正慧、若正覺、若正道、若正行、若正流、若正取，如是等是正智差別。

◆ 色等

1 問：如是五事，幾色？幾心？幾心所有？幾心不相應行？幾無為？

答：相通五種，

名唯心不相應行，

分別、正智通心及心所有，

真如唯無為。

	色/心/心所有/心不相應行/無為
1 相	通五種
2 名	心不相應行
3 分別	心/心所有
4 真如	無為
5 正智	心/心所有

2 問：如是五事，幾蘊所攝？幾非蘊所攝？

答：三蘊所攝，相攝不攝，真如不攝。

3 問：如是五事，幾界處所攝？幾非界處所攝？

答：一切皆是界處所攝。

4 問：如是五事，幾緣起所攝？幾非緣起所攝？

答：三緣起攝，相攝不攝，真如不攝。

	蘊		緣起
1 相	攝/不攝	1 相	攝/不攝
2 名	蘊所攝	2 名	緣起攝
3 分別	蘊所攝	3 分別	緣起攝
4 真如	不攝	4 真如	不攝
5 正智	蘊所攝	5 正智	緣起攝

如緣起攝，5 處非處攝及與 6 根攝，當知亦爾。

7 問：如是五事，幾諦所攝？幾非諦所攝？

答：諦有二種。

1 安立諦	安立諦者，謂四聖諦。
2 非安立諦	非安立諦者，謂真如。

	諦
1 相	攝/不攝
2 名	安立諦攝
3 分別	安立諦攝
4 真如	非安立諦攝
5 正智	安立諦攝

此中三是安立諦所攝，相亦攝亦不攝，真如唯非安立諦所攝。

1 五法	2 蘊	3 界/處	4 緣起	5 處非處
6 根	7 諦	8 四緣	9 四依	10 有色/無色
11 有見/無見	12 有對/無對	13 有漏/無漏	14 有為/無為	15 有諍/無諍
16 有愛味/無愛味	17 依耽嗜/依出離	18 世間/出世間	19 墮攝/非墮攝	20 內/外
21 麤/細	22 劣/勝	23 遠/近	24 有執受/無執受	25 同分/彼同分
26 因/非因	27 果/非果	28 有因/非有因	29 有果/非有果	30 異熟/非異熟
31 有/非有異熟	32 有/無所緣	33 相應/不相應	34 有行/無行	35 有依/無依
36 有上/無上	37 去來今/非	38 界繫/不繫	39 善/不善/無記	40 聞/思/修
41 空/無願/無相	42 增上戒/心/慧	43 學/無學/非非	44 見/修所斷/不斷	45 念住
46 伏斷/永害	47 入世間靜慮定	48 入出世靜慮定	49 五根	50 五力
51 覺支	52 道支	53 行跡	54 法跡	55 奢摩他
56 毗鉢舍那	57 八解脫	58 十遍處		

8 問：如是五事，幾因緣所攝？幾等無間緣、幾所緣緣、幾增上緣所攝？答：

相，一切緣所攝。

名，等無間緣所不攝。

分別、正智，四緣所攝。

真如唯所緣緣攝。

	因緣/等無間緣/所緣緣/增上緣
1 相	四緣所攝
2 名	等無間緣所不攝
3 分別	四緣所攝
4 真如	所緣緣攝
5 正智	四緣所攝

9 問：如是五事，幾法依所攝？幾義依、幾了義經依、幾智依所攝？答：

相，三依所攝。

名唯法依所攝。

如相，分別亦爾。

真如，智所行故，義依所攝。

正智唯智依所攝。

	法依/義依/了義經依/智依
1 相	法依/義依/了義經依
2 名	法依
3 分別	法依/義依/了義經依
4 真如	義依
5 正智	智依

10 問：如是五事，幾有色？幾無色？答：

相通二種。

分別、正智唯無色。

名與真如俱非二種，是假有故，不可說故。

如有色無色，11 有見無見、12 有對無對亦爾。

	有色/無色
1 相	通二種
2 名	俱非二種
3 分別	無色
4 真如	俱非二種
5 正智	無色

13 問：如是五事，幾有漏？幾無漏？答：

相通二種。

二唯有漏。

二唯無漏。

真如漏盡所緣義故，名無漏，非漏盡相義故。

正智漏盡對治義故，名無漏。

	有漏/無漏
1 相	通二種
2 名	唯有漏
3 分別	
4 真如	唯無漏
5 正智	

14 問：如是五事，幾有為？幾無為？答：

相通二種。

三唯有為。

真如唯無為，諸行寂靜所緣義故，非諸行寂靜相義故。

	有為/無為
1 相	通二種
2 名	唯有為
3 分別	
4 真如	唯無為
5 正智	唯有為

15 問：如是五事，幾有淨？幾無淨？答：

相通二種，

二唯有淨，

二唯無淨。

如有漏無漏，此中道理，當知亦爾。

如有淨無淨，如是 16 有愛味無愛味、17 依耽嗜依出離，當知亦爾。

	有淨/無淨
1 相	通二種
2 名	唯有淨
3 分別	
4 真如	唯無淨
5 正智	

18 問：如是五事，幾世間？幾出世間？答：

三是世間。

真如是出世間。

正智，一分唯出世間，一分通世間出世間。

真如，一切言說戲論寂靜所緣義，名出世間，非超過言說戲論相義故。

如世間出世間，19 墮攝非墮攝，當知亦爾。

	世間/出世間
1 相	世間
2 名	
3 分別	
4 真如	出世間
5 正智	一分唯出世間， 一分通世間出世間。

20 問：如是五事，幾內？幾外？答：

相通二種。

名唯是外。

分別生所攝，故通二種。

真如非二種。

如分別，正智亦爾。

	內/外
1 相	通二種
2 名	唯是外
3 分別	通二種
4 真如	非二種
5 正智	

21 問：如是五事，幾麤？幾細？

答：三通二種。

真如唯細，難識義故，非相漸減極略義故。

正智唯細，行細義故。

	麤/細
1 相	通二種
2 名	
3 分別	
4 真如	細
5 正智	

	劣/勝
1 相	通二種
2 名	
3 分別	
4 真如	勝
5 正智	

22 問：如是五事，幾劣？幾勝？

答：三通二種。

真如唯勝，清淨所緣義故，非從下劣勝進相義故。

正智唯勝，真如為所行義故。

	遠/近
1 相	通二種 (處/時)
2 名	通二種 (時)
3 分別	通二種 (時)
4 真如	俱非二種
5 正智	通二種 (時)

23 問：如是五事，幾遠？幾近？

答：一由處遠、時遠故，俱通二種。

名、分別、正智由時遠故，皆通二種。

真如由二故，俱非二種，以無為故。

	有執受/無執受
1 相	通二種
2 名	無執受
3 分別	無執受
4 真如	俱非二種
5 正智	無執受

24 問：如是五事，幾有執受？幾無執受？

答：相通二種，

名、分別、正智無執受，

真如俱非二種。

25 問：如是五事，幾同分？幾彼同分？

答：相通二種。餘非二種，唯依有色諸根建立同分、彼同分故。

	同分/彼同分
1 相	通二種
2 名	俱非二種
3 分別	
4 真如	
5 正智	

26 問：如是五事，幾因？幾非因？答：四是因，真如非因。

如因非因，27 果非果、28 有因非有因、29 有果非有果，當知亦爾。

	因/非因
1 相	因
2 名	因
3 分別	因
4 真如	非因
5 正智	因

30 問：如是五事，幾是異熟？幾非異熟？

答：相通二種，

名非異熟，

分別通二種，

真如俱非二種，

正智非異熟。

	異熟/非異熟
1 相	通二種
2 名	非異熟
3 分別	通二種
4 真如	俱非二種
5 正智	非異熟

31 問：如是五事，幾有異熟？幾非有異熟？

答：相通二種，

名非有異熟，

分別通二種，

真如俱非二種，

正智定非有異熟。

	有異熟/非有異熟
1 相	通二種
2 名	非有異熟
3 分別	通二種
4 真如	俱非二種
5 正智	非有異熟

32 問：如是五事，幾有所緣？幾無所緣？

答：相通二種。

名無所緣。

分別、正智俱有所緣。

真如俱非二種。

	有所緣/無所緣
1 相	通二種
2 名	無所緣
3 分別	有所緣
4 真如	俱非二種
5 正智	有所緣

如有所緣無所緣，33 相應不相應、34 有行無行、35 有依無依，當知亦爾。

36 問：如是五事，幾有上？幾無上？

答：四有上。真如無上，無為清淨所緣義故。

37 問：如是五事，幾去來今？幾非去來今？

答：四通三種，真如非三種。

	欲界繫/色界繫/無色界繫/不繫
1 相	欲界繫/色界繫/無色界繫
2 名	欲界繫/色界繫/無色界繫
3 分別	欲界繫/色界繫/無色界繫
4 真如	俱非
5 正智	若唯出世間，是不繫 若世間出世間，通繫不繫。

38 問：如是五事，幾欲界繫？幾色界繫？幾無色界繫？幾不繫？

答：欲、色界繫三。無色界繫亦爾。

正智一種，若唯出世間，是不繫；若世間出世間，通繫不繫。

真如俱非二種。

39 問：如是五事，幾善？幾不善？幾無記？

答：相及分別通三種。

名唯無記。

真如唯善，

清淨善巧所緣義故，非能攝生可愛果相義故。

正智唯善。

	善/不善/無記
1 相	通三種
2 名	無記
3 分別	通三種
4 真如	善
5 正智	善

40 問：如是五事，幾聞所成，聞所成境？幾思所成，思所成境？幾修所成，修所成境？

答：

相及分別是三種，是三種境。

名是聞思所成，是三種境。

真如唯是修所成境。

正智是修所成，是三種境。

	聞/思/修
1 相	聞思修所成/聞思修所成境
2 名	聞思所成/聞思修所成境
3 分別	聞思修所成/聞思修所成境
4 真如	修所成境
5 正智	修所成/聞思修所成境

41 問：如是五事，幾是空，是空境？幾是無願，是無願境？幾是無相，是無相境？

答：相通三種，亦三種境。

名非三種，是二種境。

分別通三種，是二種境。

真如非三種，是空、無相境。

正智通三種，是空所行境。

	空/無願/無相
1 相	空無願無相/空無願無相境
2 名	空無願境
3 分別	空無願無相/空無願境
4 真如	空無相境
5 正智	空無願無相/空

若無差別，總說為空、無願、無相，當知此中，通聞思修所成為性。

若唯以三摩地名而宣說者，當知此中，唯修所成為性，通世出世。

若唯以解脫門名而宣說者，當知此中，唯出世間修所成為性。

42 問：如是五事，幾是增上戒、增上戒眷屬？

幾是增上心、增上心所行？幾是增上慧、增上慧所行？

答：相是增上戒、增上戒眷屬，是增上心、慧，亦心、慧所行。
 名是戒眷屬，亦是增上心、慧所行。
 分別是增上心、慧，亦心、慧所行，是增上戒眷屬。
 真如是增上心、慧所行，非三種。
 正智是增上心、慧，亦心、慧所行，是增上戒眷屬。

43 問：如是五事，幾學？幾無學？幾非學非無學？

答：相及分別通三種。

名唯非學非無學。

真如亦唯非學非無學，是無為故。

正智通學及無學。

	學/無學/非學非無學
1 相	通三種
2 名	非學非無學
3 分別	通三種
4 真如	非學非無學
5 正智	學/無學

44 問：如是五事，幾見所斷？幾修所斷？幾不斷？

答：相通一切，

名唯修所斷，

分別通見、修所斷，

真如是不斷，正智亦唯是不斷。

	見所斷/修所斷/不斷
1 相	通三種
2 名	修所斷
3 分別	見所斷/修所斷
4 真如	不斷
5 正智	不斷

45 問：緣相為境修幾念住？答：四。

問：緣名為境修幾念住？答：一，法念住。

問：緣分別為境修幾念住？答：三，調受、心、法念住。

問：緣真如為境修幾念住？答：一，法念住。

又思惟身相真如，亦修壞緣法念住。

受、心、法相，當知亦爾。

問：緣正智為境修幾念住？答：三，如分別說。

	念住
1 相	身、受、心、法
2 名	法
3 分別	受、心、法
4 真如	法
5 正智	受、心、法

46 問：緣相為境，當言能捨已生、未生惡不善法，
 當言不能捨耶？

答：當言伏斷故捨，非永害隨眠故捨。

如相，名、分別亦爾。

緣真如及正智為境，當言亦由永害隨眠故捨。

1 相	伏斷故捨
2 名	
3 分別	
4 真如	伏斷故捨/ 永害隨眠故捨
5 正智	

47 問：是五事中，思惟幾事能入世間初靜慮定？

答：思惟欲界所繫及初靜慮所繫相、名、分別。

如是思惟下地所繫及第二靜慮地所繫相、名、分別，

能入世間第二靜慮。

如是所餘靜慮、無色，如其所應，當知亦爾。

1 相	入世間定
2 名	
3 分別	

48 問：是五事中，思惟幾事能入出世初靜慮定？

答：即思惟欲界所繫及初靜慮地所繫相、名、分別、真如。

如是乃至無所有處，如其所應，當知亦爾。

非想非非想處，本性法爾唯是世間。

1 相	入出世間定
2 名	
3 分別	
4 真如	

問：非想非非想處所繫相，當言是相耶？答：當言無相相，亦名微細相。

49 問：是五事中，信等諸法用何為自性，以何為所緣，於何為增上得根名耶？

答：分別為自性，名、相為所緣，於真如、正智為增上故，而得根名。

如根名，力名亦爾。

五根/五力

50 問：於何位中得力名耶？

答：即信等根，非不信等之所陵雜。若成不雜法時，轉名為力。

分別為自性
名、相為所緣
真如、正智為增上

51 如根及力，如是 1 若得菩提支名為覺支，此是世間覺支，以分別為自性。

2 若依菩提支名為覺支，此是出世間覺支，以正智為自性，真如為所緣，於覺悟安立諦為增上。

52 又正見等諸道支，1 若是世間，如前應知。

2 若出世間，以正智為自性，除諸戒支，安立、非安立真如為所緣，於所證得一切漏盡現法樂住為增上。

四行跡(聲聞地筆記 p83)

如諸道支，53 行跡、54 法跡、55 奢摩他、56 毗鉢舍那等，當知亦爾。

此中行跡，依鈍根、利根，現法樂住已得、未得，差別建立。

1 苦遲道	鈍(遲)
2 苦速道	利(速)
3 樂遲道	已得(樂)
4 樂速道	未得(苦)

若諸法跡，依能任持世俗、勝義正法，差別建立。謂

由任持增上戒世俗正法故，建立初二；

由任持所餘增上心、增上慧勝義正法故，建立後二。

四法跡(集異門論卷 7)

1 無貪	任持增上戒世俗正法
2 無瞋	
3 正念	任持增上心、增上慧勝義正法
4 正定	

又由 1 於所緣境不散亂義故，及 2 觀察彼義故，建立奢摩他、毗鉢舍那。

57 問：依能解脫相及羶重二種縛故，立八解脫。

於五事中，用誰為自性？

以誰為所緣？於誰為增上？

答：用世間出世間正智為自性。

初及第二，於諸色中以顯色相及真如相為所緣。

第三，即諸色中以攝受相及彼真如相為所緣。

次四種，各以自相為所緣，及彼真如為所緣。

最後，無所緣。

於能引發一切聖神通功德為增上。

八解脫：用世間、出世間正智為自性

1 有色觀諸色解脫	以顯色相及真如相為所緣
2 內無色想，觀外諸色解脫	
3 淨解脫身作證具足住解脫	以攝受相及彼真如相為所緣
4 空無邊處解脫	各以自相為所緣，及彼真如為所緣
5 識無邊處解脫	
6 無所有處解脫	
7 非想非非想處解脫	
8 想受滅身作證具足住解脫	無所緣

又修觀者，於諸色相及無色相，為自在障之所障故，為斷彼障起此觀行。

諸勝處中，前四如初二解脫，後四如第三解脫，由諸色相難可勝故，於此事中能勝伏時，於無色相亦得勝自在。

又此中言勝知勝見，謂諸聖者由正作意思惟諸色真如相故，得勝知見。

若諸異生，即不如是。

問：若爾，異生云何名勝？

答：由三種想故。謂

1 展轉相待
2 展轉相隨
3 清淨一味

於淨不淨色由展轉相待想

展轉相待故，於淨不淨色由展轉相隨想

展轉相隨故，於淨不淨色由清淨一味想

此最後勝，異生、聖者二所共得。

八勝處

1 內有色想，觀外色少	以顯色相及真如相為所緣
2 內有色想，觀外色多	
3 內無色想，觀外色少	
4 內無色想，觀外色多	
5 內無色想，觀外色青	以攝受相及彼真如相為所緣
6 內無色想，觀外色黃	
7 內無色想，觀外色赤	
8 內無色想，觀外色白	

58 又十遍處，由勝處所緣力，應知其相。
 此中差別者，亦以大種相為所緣，及彼真如相為所緣。
 又空、識無邊處相為所緣，及彼真如相為所緣。
 若不爾者，由所依止不遍滿故，能依不應得成遍滿。
 由彼所緣真如之相所緣境界極遍滿故，得名遍滿。
 由勝遍滿二種勢力，令諸解脫亦得清淨。
 又能引發一切眾聖神通功德。

十遍處者：
 調青、黃、赤、白、地、水、火、風、
 空無邊處、識無邊處遍處。

□ 唵陀南 2

攝決擇分中菩薩地之二

復次，唵陀南曰：

思擇自性取 薩迦有世間 真尋思實智 密意與次第

◆ 思擇

問：如是五事，幾諦所攝？

答：相，四安立諦攝。

名，一苦諦攝。

分別，三諦攝，除滅諦。

真如，四非安立諦攝。


正智，緣安立、非安立諦境道諦攝。

	四諦
1 相	四安立諦
2 名	苦諦
3 分別	苦、集、道
4 真如	四非安立諦
5 正智	道

問：諸相是名耶？設名是相耶？

答：諸名皆是相，有相而非名，調除名相餘四相。

餘隨所應，當知亦爾。



問：諸相皆相相耶？設相相皆相耶？

答：諸相相皆是相，有相非相相，調名等四相。



問：若分別相相，一切名相相合、相依而分別耶？設分別名相，一切相相相合、相依而分別耶？

答：應作四句。



有分別相相，非名相相合、相依而起分別，調分別不了其名所有相相，又於諸相已拔名隨眠。

有分別名相，非相相相合、相依而起分別，調分別不了其事所有名相。

與上相違，是俱句。

除上爾所相，是俱非句。

問：若思惟真如，即觀真如耶？設觀真如，即思惟真如耶？

答：應作四句。



有思惟真如，非觀真如，調以分別所攝如理作意思惟真如，但見真如相，不見實真如，乃至未至正通達位，及通達後作意思惟安立真如。

有觀真如，非思惟真如，調通達真如時，由勝義故，思惟其相。

有思惟真如，亦觀真如，調通達後相續思惟非安立真如。

有不思惟真如，亦不觀真如，調離如理所引作意思惟諸相。

問：若思惟相，即觀其相耶？設觀其相，即思惟相耶？

答：應作四句。

有思惟相，不觀其相，謂前第二句。
有觀其相，不思惟相，謂前初句。
有思惟相，亦觀其相，謂前第四句。
有非思惟相，亦非觀其相，謂前第三句。



◆ 自性

問：如是五事，為攝一切法，為不如是耶？答：如是。

問：彼一切法，當言以何而為自性？答：諸法自性不可言說。

問：云何應觀彼諸法相？

答：如幻事相，非全無有。

譬如幻事，有幻事性，無象馬、車步、末尼、真珠、金銀等性。

如是諸法，體性唯有名相可得，無有自性、差別施設顯現可得。

相由相名，相之自性實不可得。

如相，如是名、名自性，分別、分別自性，真如、真如自性，當知亦爾。

正智由正智名，正智自性實不可得。

何以故？於一切種隨言自性不成就故。

若謂諸相自性安立，即稱其量假立名言，此假名言依相而立。是則於相假立名前，應有彼覺，如已立名。

又於一相所立名言有眾多故、有差別故，應有眾多差別體性。

是故名言依相而立，不應道理。

若謂諸相如名安立，由名勢力，相自性起。是則彼相假立名前，應無自性；

彼既無有，假立名言亦應無有，是故二種俱成無過。

又假名言有眾多故、有差別故，應有眾多差別體性。

又依他過，由彼諸相但依於他假建立故。

是故一切假立名言如其自性，不應道理。

猶如所起種種幻類，譬如幻者造作種種幻士夫類，謂男、女、象、馬、熊、羆等類，非彼諸類如其相貌實有體性。

如是諸相，非稱名言有實體性，當知亦爾。

若謂離彼相及名言二種和合，有自性生。彼於諸相、或於名言、或二中間應現可得，然不可得。

是故此計不應道理。

由此因緣，隨言自性於一切種皆無所有。

若謂名言能顯自性，亦不應理。

若取不取假立名言，俱有過故。若取相已假立名言，便不成顯。

若不取相假立名言，無事名言不應道理。

又如前說，所立名言有眾多故、有差別故，則有眾多差別體性，成大過失。

又照了喻不相似故，不應道理。不相似者，照了因緣於一切事無有差別，種種亦爾。能取因緣，名言不爾。

問：不可言中，不可言言既現可得，是故法性不可言說，不應道理。

又造幻者所造種種幻化形類，雖彼形類非如其性，然有種種能造幻事如其自性，是故譬喻亦不相似。

答：正立宗時，不可言言亦已遮遣。

為令覺知如是義故，方便施設譬喻等故，非不相似。雖假名言非如彼性，不可言義非不是有。

問：若諸相事假立名言則便得有，若不假立則不得有。若如是者，喻可相似，不可言計亦應道理。若不爾者，不可言計則為唐捐。

答：如是由先所起八分別故，於現在世三種事生，如本地分已說其相。

即此所生三種事故，復起分別。由此道理，諸雜染法展轉相續，無有斷絕。

由此因緣其喻相似。

分別假立若斷滅時，諸雜染法皆可隨滅，證得聖智。此是量故，不可言計亦不唐捐。

問：若於爾時，分別假立皆悉斷滅，即於爾時相事隨遣。若爾，隨一獲得聖智，一切相、名、分別所攝情無情數，內外事物皆應永滅，譬如幻者所作幻事？

答：相等諸物，或由不共分別為因，或復由共分別為因。

若由不共分別所起，無分別者，彼亦隨滅。

若共分別之所起者，分別雖無，由他分別所任持故，而不永滅。

若不爾者，他之分別應無其果。

彼雖不滅，得清淨者於彼事中正見清淨。

譬如眾多修觀行者，於一事中，由定心智種種勝解異見可得，彼亦如是。

◆ 取

問：如是五事，幾是所取？幾是能取？

答：三是所取。分別、正智亦是能取，亦是所取。

問：如是五事，當知幾種取所行義？

答：略有三種。

	所取/能取
1 相	所取
2 名	所取
3 分別	所取/能取
4 真如	所取
5 正智	所取/能取

1 有言有相取所行義	是言說隨覺者取所行境	世俗諦取
2 無言有相取所行義	是言說隨眠者取所行境	
3 無言無相取所行義	是於言說離隨眠者取所行境	勝義諦取

此中最初，是言說隨覺者取所行境；第二，是言說隨眠者取所行境；

第三，是於言說離隨眠者取所行境。

又初二是世俗諦取。最後是勝義諦取。

復有遠離言說隨眠後所得取，通取一切二諦所攝取所行境。

謂世出世智以安立諦為所行故，建立彼智通用二諦為所行境。

此二種取，由二因緣，應知得成世出世性。謂曾得、未曾得故，依言說、不依言說故。

問：有相之取世間共成，無相之取非所共成。

何因何緣名無相取？無因無緣不應道理。

答：世俗名言熏習取果，是有相取，世所共成，能令雜染；

勝義智見熏習取果，是無相取，非所共成，能令清淨；

是故此二有因有緣。

如眼若有翳等過患，便有髮毛輪等翳相現前可得；

若無彼患，便不可得，但有自性無顛倒取。

問：於無相界若取其相，非無相取；若無所取，亦不得成無相之取。

若爾，云何名無相取？

答：言說隨眠已遠離故，此取雖復取無相界，不取相故，成無相取。

問：若無構獲，云何成取？

答：雖不構獲諸相差別有所增益，然取無相，故得成取。

問：若無構獲，無所增益，此取相狀云何可知？

答：取勝義故、取無相故，五種事相皆不顯現以為其相。

問：若不分明可立為取，何故不許諸取滅無？

答：滅無無有修作義故，非修觀者依於滅無有所修作。

問：若爾，云何證知其相？

答：自內證智之所證知。

問：若爾，何不如其所證如是記別？

答：此內所證非諸名言安足處故。

問：若先無有知無相智；由無有故，亦無數習無相智義；無數習故，知無相智既無其因，應不得生。

答：有相亦得為無相因，隨順彼故。

如世間智為緣生出世智，有漏智為緣生無漏智，有心定為緣生無心定，此亦如是。

問：苦等諸智，世尊說為得清淨因。若苦等智，於苦等諦分別苦等，應成有相。若不分別，苦等諸智便非是有；彼無有故，云何能得畢竟清淨？

答：由無相智增上力故，於諸諦中，極善清淨通世出世分別智生，即名已斷所斷煩惱。其無相智是苦等智因，正能斷滅所斷煩惱，於此因中假立果名，即假說此為苦等智，是故無過。

問：先說所取是能取果，即此能取當言何果？

答：此二展轉更互為果。

問：若所知境無常、積集、相續、無量、多不現見，云何修觀行者緣彼為境，及令轉滅？

答：於彼聞思增上力故，得三摩地。由彼因緣，令三摩地五種境界影像現前，即緣此事以為境界；除遣此故，彼得轉滅。

問：除遣五種所知境界，當言何相？

答：無上轉依無為涅槃以為其相。

云何為涅槃？謂法界清淨煩惱眾苦永寂靜義，非滅無義。

問：若唯煩惱眾苦永寂名為涅槃，何因緣故非滅無義？

答：如外水界，唯離渾濁得澄清性，非離濁時無澄清性。

又如真金，唯離剛彊得調柔性，非離彼時無調柔性。

又如虛空，唯雲霧等翳障寂靜得清淨性，非彼無時其清淨性亦無所有。

此中道理，當知亦爾。

云何名為法界清淨？

謂修正智故，永除諸相，證得真如。

譬如有人，於眠夢中，自見其身為大暴流之所漂溺。為欲越渡如是暴流，發大精進；

即由發起大精進故，欬然便覺；既得覺已，於彼暴流都無所見。

除相道理，當知亦爾。

問：為即於此言說隨眠正斷滅時諸相除遣，為斷滅已後方除遣？

答：斷時、遣時平等平等，如稱兩頭低昂道理。

又如畫像，采色壞時形相隨滅。

亦如翳等過患愈時，髮毛輪等相亦隨遣，愈時、遣時平等平等。

此中道理，當知亦爾。

問：修觀行者，云何除遣所緣境相？

答：由 1 正定心，於諸所知境界影像先審觀察；

後由 2 勝義作意力故，轉捨有相，轉得無相。

此無相轉復有五位。

1 少分位
2 遍滿位
3 有動位
4 有加行位
5 成滿位

問：如是成滿其相云何？

答：不為一切煩惱、一切災橫所陵雜故，究竟無惱清淨所依，說名成滿。

即此又是

1 善清淨真實義所行
2 一切現量所行
3 一切自在所行

問：於此成滿建立幾乘？齊何時證？

答：隨三種根差別證故，建立三乘。

然彼二乘，用阿耨多羅三藐三菩提乘以為根本。

又彼二乘隨緣差別、隨所成熟無決定故，證得時量亦不決定。

其最後乘，要經三種無數大劫方可證得，依斷三種羴重別故。

何等名為三種羶重？

1 惡趣不樂品在皮羶重。由斷彼故，不往惡趣，修加行時不為不樂之所間雜。
2 煩惱障品在肉羶重。由斷彼故，一切種極微細煩惱亦不現行，然未永害一切隨眠。
3 所知障品在心羶重。由斷彼故，永害一切所有隨眠，遍於一切所知境界無障礙智自在而轉。

復次，云何立聲聞乘？

謂三因緣故。

1 變化故	變化故者，謂隨彼彼所化勢力，如來化作變化聲聞。
2 誓願故	誓願故者，謂有補特伽羅，於聲聞乘已發誓願，即建立彼以為聲聞。
3 法性故	法性故者，謂有補特伽羅， 1 本性已來慈悲薄弱 2 於諸苦事深生怖畏 由此二因，於利他事不深愛樂，非為是事樂處生死。 彼由安住此法性故，立為聲聞。

又覺法性故，謂於一切安立諦中，多分修習怖畏行轉，由此因緣證得圓滿。

如聲聞乘，獨覺亦爾。出無佛世而證正覺，與此差別。

即上相違三因緣故，應知菩薩。

復次，云何聲聞失壞正法及毗奈耶？

謂有聲聞，計唯無有煩惱燒然名為寂滅，生大怖畏，謂我當斷、我當永壞、我當無有。譬如有人身嬰熱病，於無病中都無識別，謂病愈時舉體隨滅，便生怖畏，我寧不脫如是熱病，是名失壞。

由此譬喻，失壞聲聞，當知亦爾。

復次，云何菩薩失壞大乘？

謂有菩薩，聞一切法甚深無性，即執一切煩惱燒然自性本無，謂已無有生死重病。譬如有人，於己身中所生熱病，謂為無病，於此熱病不能解脫，名為失壞。

由此譬喻，失壞菩薩，當知亦爾。

◆ 薩迦耶、有、世間

問：如是五事，幾是薩迦耶？幾非薩迦耶？

答：相通二種，二是薩迦耶，一非薩迦耶，真如俱不可說。

如薩迦耶，有及世間，當知亦爾。

	真實
1 相	世間所成真實、 道理所成真實
2 名	
3 分別	
4 真如	煩惱障淨智所行真實、
5 正智	所知障淨智所行真實

◆ 真實

問：如是五事、四種真實，此中何事攝幾真實？

答：世間所成真實、道理所成真實，三事所攝。

煩惱障淨智所行真實、所知障淨智所行真實，二事所攝。

◆ 尋思

問：如是五事、四種尋思，此中何事攝幾尋思？

答：如理作意相應分別總攝四種。

◆ 如實遍智

問：如是五事、四種如實遍智，此中何事攝幾如實遍智？

答：一切皆是正智所攝。

◆ 密意

問：世尊依何密意，說一切法皆無有二？

答：即依如是所說五事，由俗自性說無自性，由別別相說有自性。

問：世尊依何密意，說一切法皆無自性？

答：由依彼彼所化勢力，故說三種無自性性。

1 相無自性性	云何相無自性性？謂一切法世俗言說自性。
2 生無自性性	云何生無自性性？謂一切行眾緣所生，緣力故有，非自然有，是故說名生無自性性。
3 勝義無自性性	云何勝義無自性性？謂真實義相所遠離法，此由勝義說無自性性。如觀行苾芻，於大骨聚生假勝解，不能除遣，於此骨聚勝義無自性想恆無間轉。如是應知勝義無自性性。

此中五事，非由相無自性性故，說無自性；

然由

1 生無自性性故

2 勝義無自性性故

隨其所應，說無自性。

謂相、名、分別、正智，皆由二種無自性性。

真如不由無自性性說無自性。

是故世尊依此密意，於伽陀中說如是言：我說一諦，更無第二。

問：世尊依何密意，說一切法無生無滅、本來寂靜、自性涅槃？

答：依相無自性性，說如是言。

問：世尊依何密意，說一切法等於虛空？

答：亦依相無自性性，說如是言。

問：世尊依何密意，說一切法皆如幻等？

答：依生無自性性、勝義無自性性，說如是言。

問：世尊依何密意，說等隨觀色乃至識有無常耶？

答：依相無自性性，說如是言。何以故？欲說等隨觀常無有，故說等隨觀有無常。

問：世尊依何密意，說等隨觀色乃至識皆有苦耶？

答：依生無自性性及勝義無自性性，說如是言。

問：世尊依何密意，說等隨觀即彼皆空？

答：即依生無自性性、勝義無自性性，諸法由遠離相無自性性，說如是言。

如依遠離性說彼為空，依異相性說為無我，當知亦爾。

問：世尊依何密意，說色乃至識如理觀故，審思慮故，乃至觀彼非有顯現？

答：依相無自性性，說如是言。

問：世尊依何密意，說彼虛偽不實顯現？

答：依生無自性性及勝義無自性性，說如是言。

問：世尊依何密意，說如是言：是故今者應知是處，謂於是中眼永寂滅，遠離色想；乃至意永寂滅，遠離法想？

答：都不依於無自性性，說如是言。

問：世尊依何密意，說由彼故，於一切處遣一切想，帝釋天等亦不能知彼依何處而起靜慮？

答：都不依於無自性性，說如是言。

問：世尊依何密意，說能隨順喜憂捨處眼所識色，乃至意所識法中，無諦、無實、無顛倒、無不顛倒，復說有聖出世間諦？

答：依於一切無自性性，或不依於無自性性，說如是言。

問：世尊依何密意，說靜慮者靜慮境界、諸佛諸佛境界皆不可思議？

答：依於一切無自性性，或不依於無自性性，說如是言。

◆ 次第

問：如是五事，何緣最初建立其相，乃至最後建立正智？答：

1 若無其事，施設於名不應道理，故此次第施設於名。

2 由此名故，施設自性、施設差別，故此次第施設分別。

3 由分別故，1 或分別相、2 或分別名、3 或俱分別，由此三法顯雜染品次第圓滿。

4 從此乃容修清淨品，謂即觀彼所有雜染諸法真如，由正智故能正觀察，能得清淨，由此二種顯清淨品次第圓滿。

是故顯示如是次第。

如是於真實義分中，已說事決擇。若欲了知真實義者，於三自性復應修觀。

□ 唵柁南 3

唵柁南曰：

總舉別分別 緣差別依止 亦微細執著 如名等執性

◆ 總舉(三種自性)

云何名為三種自性？

1 遍計所執自性	云何遍計所執自性？謂隨言說、依假名言建立自性。
2 依他起自性	云何依他起自性？謂從眾緣所生自性。
3 圓成實自性	云何圓成實自性？ 謂諸法真如，聖智所行、聖智境界、聖智所緣，乃至能令證得清淨，能令解脫一切相縛及羴重縛，亦令引發一切功德。

◆ 別分別

問：遍計所執自性緣何應知？

答：緣於相、名相屬應知。

問：依他起自性緣何應知？

答：緣遍計所執自性執應知。

問：圓成實自性緣何應知？

答：緣遍計所執自性於依他起自性中畢竟不實應知。

世尊於餘經中，說緣不執著遍計所執自性，應知此性者，依得清淨說，不依相說。今此義中，當知依相說。

問：遍計所執自性有幾種？

答：略有五種。

1 遍計義自性
2 遍計名自性
3 遍計雜染自性
4 遍計清淨自性
5 遍計非雜染清淨自性

◇ 1 遍計義自性

云何遍計義自性？謂有四種。

1 遍計自相	遍計自相者，謂遍計此事是色自性，乃至此事是識自性，此事是眼自性，乃至此事是法自性。
2 遍計差別相	遍計差別相者，謂遍計此色是可意，此色是不可意，此色是非可意非不可意，此色是有見，此色是無見，此色是有對，此色是無對，此色是有漏，此色是無漏，此色是有為，此色是無為。如是等類差別道理，遍計此色所有差別。 如色，如是餘蘊、一切處等，當知亦爾。
3 遍計所取相	遍計所取相者，謂遍計此色是眼所取，此是耳、鼻、舌、身、意所取。又復遍計此受、想、行、識是欲界意所取，此是色界意所取，此是無色界意所取，此是不繫意所取。
4 遍計能取相	遍計能取相者，謂遍計此色是色能取，此色是聲、香、味、觸、法能取。 又復遍計此受、想、行、識是色能取，此是聲、香、味、觸、法能取。

◇ 2 遍計名自性

云何遍計名自性？謂有二種。

1 無差別	無差別者，謂遍計一切法所有名。
2 有差別	有差別者，謂遍計此名為色、此名為受、此名為想、此名為行、此名為識。如是等類，無量無數差別法中，各各別名。

◇ 3 遍計雜染自性

云何遍計雜染自性？

謂遍計此色有貪、有瞋、有癡，不能遠離貪瞋癡繫，又與信等一切善法而不相應。又復遍計此受、此想、此行、此識，有貪、有瞋、有癡，不能遠離貪瞋癡繫，又與信等一切善法而不相應。

◇ 4 遍計清淨自性

云何遍計清淨自性？謂與上相違，當知其相。

◇ 5 遍計非雜染清淨自性

云何遍計非雜染清淨自性？

謂遍計此色是所取，此是能取；此受、想、行、識是所取，此是能取。

又於一切無記法中，遍計所有無記諸法。

復次，遍計所執自性，當知復有五種。

1 依名遍計義自性	云何依名遍計義自性？謂遍計此色事名，有色實性；此受、想、行、識事名，有受、想、行、識實性。
2 依義遍計名自性	云何依義遍計名自性？謂遍計此事名色，或不名色；此事名受、想、行、識，或不名受、想、行、識。
3 依名遍計名自性	云何依名遍計名自性？謂不了色事，分別色名而起遍計；不了受、想、行、識事，分別受、想、行、識名而起遍計。
4 依義遍計義自性	云何依義遍計義自性？謂不了色名，由不了名分別色事而起遍計；不了受、想、行、識名，由不了名分別受、想、行、識事而起遍計。
5 依二遍計二自性	云何依二遍計二自性？謂遍計此事是色自性，名之為色；此事是受、想、行、識自性，名受、想、行、識。

復次，遍計所執自性執，當知略有二種。

1 加行執
2 名施設執

加行執，當知復有五種。

1 貪愛加行故
2 瞋恚加行故
3 合會加行故
4 別離加行故
5 捨隨與加行故

名施設執，當知復有二種。

1 非文字所作	非文字所作者，謂執此為何物？云何此物？此物是何？此物云何？
2 文字所作	文字所作者，謂執此為此物，此物如是或色，乃至或識、或有為、或無為、或常、或無常、或善、或不善、或無記，如是等。

復次，微細執著，當知五種。

1 於無常常執
2 於苦樂執
3 於不淨淨執
4 於無我我執
5 於諸相中遍計所執自性執

◆ 緣差別

復次，由五因緣，當知愚夫如名、如言，於所詮事執有自性。所以者何？

謂因問言：此事用何以為自性？

答言：此事是色自性，非是色名。

或答言：此事是受、想、行、識自性，非受、想、行、識名。

復次，獨處空閑，精勤觀察諸法自相、共相，尋思此事是色相，非色名；

或尋思此事是受、想、行、識相，非受、想、行、識名。

復次，於此色事尋求色相，不能得時便生不樂，非求色名不能得時。

或於此受、想、行、識事，尋求受、想、行、識相，不能得時便生不樂，非求受、想、行、識名不能得時。

復次，語於名轉，名於義轉。

此中若名能顯自相義，非此能顯差別相義，非此能顯所取相義，非此能顯能取相義。

或名乃至能顯能取相義，非此能顯乃至自相義。

若即彼名於自相義轉，亦於乃至能取相義轉者，此餘諸名各別行解隨義而轉應不可得。此不應理。

如是復於各別義轉所有名中，若名於自相義轉，乃至若名於能取相義轉，此名為於有義轉耶？為於無義轉耶？

於有義轉且不應理。此不應理，如前觀五事中已辯。

若於無義轉者，是則此名於無相義轉，其理便至。

若於無相義轉，此非有義但能顯示自所增益，若取增益即是執著。

是故如名、如言，於所詮事執著自性，道理成就。

復次，一切愚夫於諸相中名言所縛故，當知如名、如言，於所詮事妄執自性。

問：何緣故知於諸相中名言所縛？

答：由理教故。云何由理？

謂若離名言，於諸事中喜樂不可得故；若名言俱，於諸事中喜樂可得故；是一道理。

◆ 依止

又復展轉相依而生。何以故？事為依止，名言得生；名言為依，事可得生故。

謂諸世間要依有事，方得生起名言分別，非於無事起此分別。

如是當知，事為依止，名言得生。

如靜慮者內靜慮時，如如意名言作意思惟，如是如是有所知事同分影像生起，方便運轉現在前故。如是當知，名言為依，事可得生。

又於名言修對治時，若安置心於無相界，一切諸相皆不現前。若不安心於無相界，不隨所欲，便為諸相漂轉其心。

由此道理，當知於相，名言是縛。

◆ 亦微細執著

云何由教？如世尊說：愚昧思凡夫，於相為言縛；牟尼脫言縛，於相得自在。

清淨見行者，安住於真智，於自性無得，不見彼所依。

由真智清淨，說彼為真明，二執不相應，故號為無二。

又如異生，於諸蘊中善知無我，雖觀蘊中所建立我但是假有，非不於彼我執隨轉，由彼隨眠未永斷故。此中道理，當知亦爾。

□ 唵陀南 4

攝決擇分中菩薩地之三

復次，唵陀南曰：

攝無性知等 密意等所行 通達與隨入 差別依為後

◆ 攝

問：三種自性、相等五法。初自性五法中幾所攝？

答：都非所攝。

問：第二自性幾所攝？

答：四所攝。

問：第三自性幾所攝？

答：一所攝。

1 相	2 依他起自性
2 名	
3 分別	
4 真如	3 圓成實自性
5 正智	2 依他起自性

問：若依他起自性亦正智所攝，何故前說依他起自性緣遍計所執自性執應可了知？

答：彼意唯說依他起自性雜染分，非清淨分。若清淨分，當知緣彼無執應可了知。

◆ 無性

復次，三種自性，三種無自性性。

謂相無自性性、生無自性性、勝義無自性性。

由相無自性性故，遍計所執自性說無自性。

由生無自性性故，及勝義無自性性故，依他起自性說無自性。

非自然有性故，非清淨所緣性故。

唯由勝義無自性性故，圓成實自性說無自性。何以故？

由此自性亦是勝義，亦一切法無自性性之所顯故。

◆ 知

問：三種自性，幾應遍知？答：一切。

問：幾應永斷？答：一。←-- 依他起自性

問：幾應證得？答：一。←-- 圓成實自性

◆ 密意

復次，由此三種自性，一切不了義經諸隱密義皆應決了。謂諸如來祕密語言，及諸菩薩隨無量教祕密語言所有要義，皆由如是三種自性應隨決了。

問：如經中說無生法忍，云何建立？答：由三自性而得建立。謂

由遍計所執自性故，立本性無生忍

由依他起自性故，立自然無生忍

由圓成實自性故，立煩惱苦垢無生忍

當知此忍無有退轉。

復次，三種解脫門，亦由三自性而得建立。謂

由遍計所執自性故，立空解脫門

由依他起自性故，立無願解脫門

由圓成實自性故，立無相解脫門

◆ 所行

問：遍計所執自性，何等智所行？為凡智耶？為聖智耶？

答：都非智所行，以無相故。

問：依他起自性，何等智所行？

答：是二智所行，然非出世聖智所行。

問：圓成實自性，何等智所行？

答：唯聖智所行。

問：諸觀行者通達遍計所執自性時，當言行於相耶？當言行於無相耶？

答：若以世

◆ 通達

問：智而通達時，當言行於相；若以出世智而通達時，當言行於無相。

如遍計所執自性，依他起自性、圓成實自性，當知亦爾。

◆ 隨入

問：若觀行者如實悟入遍計所執自性時，當言隨入何等自性？

答：圓成實自性。

問：若觀行者隨入圓成實自性時，當言除遣何等自性？

答：依他起自性。

◆ 差別

問：遍計所執自性有幾種？

答：隨於依他起自性中，施設建立自性、差別所有分量即如其量，遍計所執自性亦爾。是故當知，遍計所執自性無量差別。

又於依他起自性中，當知有二種遍計所執自性執。

1 隨覺

2 串習習氣隨眠

問：依他起自性有幾種？

答：當知如相品類差別。

復有二種依他起自性。

1 遍計所執自性執所起

2 即彼無執所起

問：圓成實自性有幾種？

答：於一切處皆一味故，圓成實自性無有安立品數差別。

◆ 依

問：遍計所執自性，當言何所依止？答：當言依止三事，謂相、名、分別。

問：依他起自性，當言何所依止？答：當言即依遍計所執自性執及自等流。

問：圓成實自性，當言何所依止？答：當言無所安住、無所依止。

□ 唵陀南 5

復次，唵陀南曰：

若無有作業 微細等無體 生執等了知 染苦喻分別

◆ 若無有

問：若無遍計所執自性，當有何過？

答：於依他起自性中，應無名言、無名言執；此若無者，應不可知雜染、清淨。

問：若無依他起自性，當有何過？

答：不由功用，一切雜染皆應非有；此若無者，應無清淨而可了知。

問：若無圓成實自性，當有何過？

答：一切清淨品皆應不可知。

◆ 作業

問：遍計所執自性能為幾業？答：五。

1 能生依他起自性
2 即於彼性能起言說
3 能生補特伽羅執
4 能生法執
5 能攝受彼二種執習氣、羶重

問：依他起自性能為幾業？答：亦五。

1 能生所有雜染法性
2 能為遍計所執自性及圓成實自性所依
3 能為補特伽羅執所依
4 能為法執所依
5 能為二執習氣、羶重所依

問：圓成實自性能為幾業？

答：亦五。由是二種五業對治生起所緣境界性故。

◆ 微細

問：遍計所執自性，當言微細，當言羶耶？答：當言微細。

如微細，難見、難了，當知亦爾。

問：依他起自性，當言微細，當言羶耶？答：當言是羶。

然難見、難了。

問：圓成實自性，當言微細，當言羶耶？

答：當言極微細。

如極微細，極難見、極難了，當知亦爾。

◆ 無體

問：此三自性，幾是無體，能轉有體？答：一。

問：幾是有體，能轉有體、無體？答：一。

問：幾是有體，而非能轉？答：一。

◆ 生

問：此三自性，幾是不生，能生於生？答：一。

問：幾是生，能生生、不生？答：一。

問：幾是非生，不能生生及不生？答：一。

◆ 執

問：遍計所執自性執、無執相，云何應知？

答：此有二種。

1 彼覺悟執或無執	若由言說假立名字，遍計諸法決定自性，當知是名彼覺悟執。若善了知唯有名者，知唯名故，非彼諸法有決定性，當知是名於彼無執。
2 彼隨眠執或無執	若未拔彼習氣隨眠，當知於彼有隨眠執，乃至未捨習氣、羶重。若永斷已，當知無執。

◆ 知

問：依他起自性執、無執相，云何應知？

答：若由遍計所執自性覺悟執故，復遍計彼所成自性，是名初執。

若善了知唯有眾相，不遍計彼所成自性，是名無執。

若於相縛未永拔者，於諸相中有所得時，名第二執。

若於相縛已永拔者，於無相界正了知故，於相無得，或於後時如其所有而有所得，當知無執。

問：圓成實自性執、無執相，云何應知？

答：此無有執，此界非執安足處故。

若於此界未得、未觸、未作證中，起得、觸、證增上慢者，當知即是遍計所執，及依他起自性上執。

問：遍計所執自性，當云何知？答：當正了知唯有其名、唯遍計執，無相、無性、無生、無滅、無染、無淨，本來寂靜、自性涅槃，非過去、非未來、非現在，非繫、非離繫，非縛、非解脫，非苦、非樂、非不苦不樂，唯是一味，遍一切處皆如虛空。以如是等無量行相，應正了知遍計所執自性。

問：依他起自性，當云何知？

答：當正了知，一切所詮有為事攝。

云何一切所詮事耶？

所謂蘊事，界事，處事，緣起事，處非處事，根事，業事，煩惱事，隨煩惱事，生事，惡趣事，善趣事，產生事，色類事，

四大王眾天事，乃至他化自在天事，梵眾天事，乃至色究竟天事，空無邊處事，乃至非想非非想處事，隨信行事，隨法行事，順決擇分善根事，見道事，修道事，預流果事，乃至阿羅漢果事，獨覺事，等正覺事，滅想受事，到彼岸事，念住事，乃至道支事，靜慮、無量、無色定事，修想事，修隨念事，解脫、勝處、遍處事，力、無所畏、願智、不護、念住、大悲、永害習氣、諸相隨好、一切種妙智、一切不共佛法事。

又當了知同於幻、夢、光影、谷響、水月、影像及變化等，猶如聚沫、猶如水泡、猶如陽焰、猶如芭蕉，如狂、如醉、如害、如怨，如飲尿友，喻如假子，喻毒蛇篋，是空、無願、遠離、無取、虛偽、不堅，如是等類差別無量。

問：圓成實自性，當云何知？

答：當正了知，如先所說差別之相，所謂真如、實際、法界，如是等類無量差別。

復當了知所餘差別。謂無形色、不可覩見、無所依住、無所攀緣、不可顯現、不可了別、不可施為、不可宣說、離諸戲論、無取無捨，如是等類差別無量。

◆ 染

問：此三自性，幾自非染，能令他染？答：一。

問：幾唯自染？答：一。

問：幾自清淨，令他清淨？答：一。

◆ 苦

如染，當知苦亦爾。

◆ 喻

問：遍計所執自性以何為喻？答：譬如虛空。

問：依他起自性以何為喻？答：如害如怨。

問：圓成實自性以何為喻？答：譬如無盡大寶伏藏。

◆ 無分別

問：遍計所執自性由何故遍計？答：由依他起自性故。

問：依他起自性由何故依他？答：由因緣故。

問：圓成實自性由何故圓成實？答：由一切煩惱眾苦所不雜染故，又由常故。

問：如說能取真實義慧是無分別，云何應知無分別相？

為 1 由不作意故？為 2 由超過彼故？為 3 由無所有故？為 4 由是彼性故？為 5 由於所緣境作加行故？

1 若由無作意故者，彼與如理作意相應不應道理，熟眠、狂醉應成此過。

2 若由超過彼故者，云何不與聖教相違，如說三界所有諸心心所皆是分別？

3 若由無所有故者，云何此慧非成非心所？

4 若由是彼性故者，云何此慧非成色自性，及非貫達相？

5 若由於所緣境作加行故者，云何不謗無分別慧離加行性？

若如是等皆不應理，

云何當知無分別慧？

答：於所緣境離加行故。

此所緣境離有無相諸法真如，即此亦是離諸分別。

由先勢力所引發故，雖離加行，若於真如等持相應妙慧生時，於所緣相能現照取。是故此慧名無分別。

如是已說真實義分決擇。

■ 5 威力品

由五因緣，當知菩薩所有威德不可思議。
何等為五？

1 菩薩所有威德，超過一切尋思境故
2 菩薩所有威德，世間譬喻不可得故
3 菩薩所有威德，唯繫屬善磨瑩心故
4 菩薩所有威德，與不定地心一向不同分故
5 菩薩所有威德，一向繫屬定地心故

■ 6 成熟品

復次，於大乘中有十法行，能令菩薩成熟有情。何等為十？
謂於大乘相應菩薩藏攝契經等法，

1 書持	
2 供養	
3 惠施於他	
4 若他正說恭敬聽聞	
5 或自玩讀	
6 或復領受	
7 受已廣音而為諷誦	
8 或復為他廣說開示	
9 獨處空閑思量觀察	加行道
10 隨入修相	淨障道

問：如是十種法行，幾是能生廣大福德道？答：一切。

問：幾是加行道？答：一。謂第九。

問：幾淨障道？答：一。謂第十。

如是種類餘決擇文，更不復現。

■ 7 菩提品

□ 大菩提五種相

復次，如聞所成地攝大乘中，說大菩提由五種相，應當了知。謂

1 自性故	2 功能故	3 方便故	4 轉故	5 還故
-------	-------	-------	------	------

而未分別，今當解釋。

◆ 1 自性

云何大菩提自性？謂勝聲聞、獨覺轉依。當知此轉依，復有四種相。

1 生轉所依相	謂佛相續出世間道生轉所依。 若不爾，不得此轉依，此道應當不生不轉。 若遠離彼而有此事，未轉依時先應有此。
2 不生轉所依相	謂一切煩惱及諸習氣不生轉所依。 若不爾，不得此轉依，一切煩惱及諸習氣便有眾緣和合，不生不轉應不可得。
3 善觀察所知果相	謂此轉依是善通達所知真實、所知真如果。 若不爾，諸佛自性應更觀察、更有所斷、更有所滅。
4 法界清淨相	謂此轉依已能除遣一切相故，是善清淨法界所顯。 若不爾，此應無常，應可思議。然此轉依是常住相，不可思議。

復次，此不可思議說名無二，由五種相應當了知。

1 由自性故	云何由自性故不可思議？ 謂或即色，或離色，如是不可思議； 或即受、想、行、識，或離受、想、行、識，如是不可思議。 或即地界，或離地界，如是不可思議； 或即水界、火界、風界，或離水界、火界、風界，如是不可思議。 或即眼處，或離眼處，如是不可思議； 或即耳、鼻、舌、身、意處，或離耳、鼻、舌、身、意處，如是不可思議。 或有，或非有，如是不可思議。
2 由處故	云何由處故不可思議？ 謂或在欲界，或離欲界，如是不可思議； 或在色界、無色界，或離色界、無色界，如是不可思議。 或在人中，或離人中；或在天上，或離天上；如是不可思議。 或在東方，或離東方；或在南西北方上下方維，或離南西北方上下方維；如是不可思議。
3 由住故	云何由住故不可思議？ 謂安住如是如是色類樂住，如是不可思議。 安住如是如是色類奢摩他住，如是不可思議。 安住有心住，如是不可思議；安住無心住，如是不可思議。 安住如是色類聖住，如是不可思議；安住如是色類天住、梵住，如是不可思議。
4 由一性異性故	云何一性異性不可思議？ 謂一切佛同安住一無漏界中，為是一性、為是異性，如是不可思議。
5 由成所作故	云何成所作故不可思議？謂如是如是如來，同界、同智、勢力、勇猛，住無漏界，依此轉依，能作一切有情義利，如是不可思議。

此復二因緣故，當知不可思議。謂

1 離言說義故

2 過語言道故

又出世間故，無有世間能為譬喻，是故不可思議。

◆ 2 功能

云何功能？謂若略說，有十自在，說名功能。謂壽自在等。
如本地分已說。

◆ 3 方便

云何加行？謂若略說，有四種化，說名加行。

1 未成熟有情令成熟故，作菩薩行化。

2 已成熟有情令解脫故，於三千大千世界百拘胝瞻部洲中，同於一時方便攝受如來之化。

3 即為彼所化有情作聲聞化。

4 即為彼所化有情作獨覺化。

當知一切諸佛世尊，於此四種變化事中，遍十方界功能無礙。

◆ 4 轉

云何為轉？當知此轉略有二種。

1 權時轉 權時轉者，謂諸有情乃至未成熟、未解脫來，諸佛世尊有變化轉。

2 畢竟轉 畢竟轉者，謂如無盡不可思議諸佛自性大光明轉，如是能作一切有情所作事轉。

◆ 5 還

云何為還？當知此還亦有二種。

1 權時還 權時還者，謂所化有情已成熟、已解脫故，從此無間，諸佛世尊現般涅槃，非畢竟滅。

2 畢竟還 畢竟還者，當知煩惱及諸習氣畢竟盡故，彼所依處眾苦亦盡。

□ 如來

◆ 讚歎

云何能讚歎者，於如來所能作饒益？

謂隨所讚歎但行自利，非由讚歎於如來所有異所作，猶如造瓶。

何以故？如來隱善，極少欲故。

復有二種於如來所稱揚讚歎甚希奇法。

1 令讚歎者純行自利，生無量福

2 於遠離一切所求諸如來所而作饒益

謂於如來所如如讚歎，如是如是攝受自利；

如如攝受自利，如是如是名以供養攝受如來。

由此因緣，生極廣大無盡福聚。

◆ 二種事

又諸如來有二種事。

1 不可意事

2 可意事

◆ 如來功德六相

復次，由六種相，當知略攝如來功德。

1 圓滿	云何圓滿？ 謂諸如來成就三界及出世間一切功德。 彼出世間所有功德，超過一切語言行路，是故如來一切歌詠所不能及。由此因緣，彌應讚歎。							
2 無垢	云何無垢？謂諸功德有七種垢。 <table><tr><td>1 欲</td></tr><tr><td>2 見</td></tr><tr><td>3 疑</td></tr><tr><td>4 慢</td></tr><tr><td>5 憍</td></tr><tr><td>6 隨眠</td></tr><tr><td>7 慳</td></tr></table> 彼於如來一切永無。 何以故？由諸如來所有功德不求他知，謂欲令他知我成就如是功德。又於此德無執著見。 又於此德無有疑惑為功德耶？為過失耶？ 又不以己所有功德與他校量。 又不觀己所有功德，憍醉掉舉，生欣生喜。 非彼功德為諸煩惱之所隨眠，永害煩惱并習氣故。 又於功德無慳吝心，謂勿令他同所證得。	1 欲	2 見	3 疑	4 慢	5 憍	6 隨眠	7 慳
1 欲								
2 見								
3 疑								
4 慢								
5 憍								
6 隨眠								
7 慳								
3 不動	云何不動？ 謂諸外道不能動故，一切魔軍不能動故，一切盜賊不能奪故，一切親屬不能壞故，一切國王不能壞故，火水風大不能變故，壽命雖盡亦無退故。由諸如來功德無盡，是故不動。							
4 無等	云何無等？ 謂諸如來所有功德，極廣大故、極尊勝故、極眾多故、大威力故，若淨不淨一切有情無與等者，是故無等。							
5 能作有情利益事業	云何能作有情利益事業？ 謂捨所得廣大無罪所有安樂，方便示現利他加行，是故能作利益他事。							
6 功能	云何功能？ 謂於所作利有情事，不待作願而圓證故，彼加行智為親屬故，於彼恆時而專志故。							

◆ 諸天非所歸依

復次，由五因緣，當知諸天非所歸依。何等為五？

1 由形相故	云何諸天由形相故，非所歸依？謂 <table><tr><td>1 由不現見，無交議故</td></tr><tr><td>2 由形暴惡，有怖畏故</td></tr><tr><td>3 由習放逸，有貪愛故</td></tr><tr><td>4 由捨利他，無悲愍故</td></tr><tr><td>5 由不了知作與不作</td></tr></table> 於真實義不通達故。 云何如來由形相故，是真歸依？謂 <table><tr><td>1 由現見，有交議故</td></tr><tr><td>2 由形憺怕，無怖畏故</td></tr><tr><td>3 由無縱逸，離貪愛故</td></tr><tr><td>4 由常不捨利有情事，有悲愍故</td></tr><tr><td>5 由善了知作與不作</td></tr></table> 於真實義善通達故。 復由五相，唯有如來是真歸依。何等為五？ <table><tr><td>1 為利益一切有情取菩提故</td></tr><tr><td>2 能善轉正法眼故</td></tr><tr><td>3 於恩怨諸有情所等心利故</td></tr><tr><td>4 捨一切家宅、親屬攝受貪愛，根寂靜故</td></tr><tr><td>5 能善解一切疑故</td></tr></table>	1 由不現見，無交議故	2 由形暴惡，有怖畏故	3 由習放逸，有貪愛故	4 由捨利他，無悲愍故	5 由不了知作與不作	1 由現見，有交議故	2 由形憺怕，無怖畏故	3 由無縱逸，離貪愛故	4 由常不捨利有情事，有悲愍故	5 由善了知作與不作	1 為利益一切有情取菩提故	2 能善轉正法眼故	3 於恩怨諸有情所等心利故	4 捨一切家宅、親屬攝受貪愛，根寂靜故	5 能善解一切疑故
1 由不現見，無交議故																
2 由形暴惡，有怖畏故																
3 由習放逸，有貪愛故																
4 由捨利他，無悲愍故																
5 由不了知作與不作																
1 由現見，有交議故																
2 由形憺怕，無怖畏故																
3 由無縱逸，離貪愛故																
4 由常不捨利有情事，有悲愍故																
5 由善了知作與不作																
1 為利益一切有情取菩提故																
2 能善轉正法眼故																
3 於恩怨諸有情所等心利故																
4 捨一切家宅、親屬攝受貪愛，根寂靜故																
5 能善解一切疑故																
2 由自性故	云何諸天由自性故，非所歸依？ 謂彼諸天漏所隨故，性非調善，能調御他不應道理。 如來永離一切漏故，其性調善，故能調御一切有情。															
3 由作業故	云何諸天由作業故，非所歸依？ 謂彼諸天受用諸欲安住為業，損害有情惡業可得。 如來廣大無垢靜慮安住為業，能作有情利益為業。															
4 由法爾故	云何諸天由法爾故，非所歸依？ 謂諸世間及出世間吉祥盛事，一切皆依自功力故。 若離功力，雖於諸天極申敬事，亦不能得。雖不敬事，但作功力必能得故。															
5 由因果故	云何諸天由因果故，非所歸依？ 謂諸天身 1 為由能感天業所得？2 為由供養諸天故得？3 為無因得？ 1 若由能感天業得者，但應歸依自所作業，非彼諸天。 3 若無因得，應歸無因，不應歸天。 2 若由供養諸天故得，此諸天身，為當但用供養為因？為天？為俱？ 若唯供養，天應唐捐，隨所供養應感天身。 若但由天，供養徒設，雖不供養，天應令彼獲得天身。 若言俱由，謂以供養攝降諸天，隨所思願皆令果遂。 若爾，七種所思果遂不決定故，不應道理。謂 <table><tr><td>1 供養緣於所攝受</td></tr><tr><td>2 諸信解者於信解緣</td></tr><tr><td>3 於信解事</td></tr><tr><td>4 於能往趣最勝天身</td></tr><tr><td>5 於能果遂最勝富樂</td></tr><tr><td>6 於能滅壞阿素洛等所有怨敵</td></tr><tr><td>7 於徙沒</td></tr></table>	1 供養緣於所攝受	2 諸信解者於信解緣	3 於信解事	4 於能往趣最勝天身	5 於能果遂最勝富樂	6 於能滅壞阿素洛等所有怨敵	7 於徙沒								
1 供養緣於所攝受																
2 諸信解者於信解緣																
3 於信解事																
4 於能往趣最勝天身																
5 於能果遂最勝富樂																
6 於能滅壞阿素洛等所有怨敵																
7 於徙沒																

◆ 四清淨

復次，有四清淨。

1 名清淨
2 語清淨
3 自性清淨
4 形相清淨

又此形相有大威德，斷諸疑網，能善記別，難化能化，天人所歸，善能誨導，證出離性，制諸外道。

■ 8 力種性品

復次，云何當知色等想事、色等施設是假名有，非實物有？

謂諸名言熏習之想所建立識，緣色等想事計為色等性，此性非實物有，非勝義有。是故如此色等想法非真實有，唯是遍計所執自性，當知假有。

若遣名言熏習之想所建立識，如其色等想事緣離言說性，當知此性是實物有、是勝義有。

此中道理言論成立，如菩薩地應知。

若諸名言熏習之想所建立識，緣遍計所執自性為境，即說此性非內、非外、非二中間，少有可得，非已生、非當生、非正生，非已滅、非當滅、非正滅，本來寂靜、自性涅槃。

何以故？此唯假有，非勝義有故。

若離名言諸法自性，當知此性凡夫所生邪執為緣，已生、當生、正生，已滅、當滅、正滅。

若未永斷、未遍知，便成雜染；若已永斷、已遍知，乃成清淨。

復有四法，能令菩薩攝正多聞。謂

1 多聞持
2 多聞證
3 多聞果
4 多聞淨

如其次第，1 菩提願、2 事善友、3 思擇力、4 住空閑，應知其相。

問：諸菩薩意樂界云何？答：於諸佛法信解有性所顯故。

問：諸菩薩增上意樂界云何？答：於諸佛法信解有德所顯故。

問：諸菩薩勝解界云何？答：於諸佛法信解可得所顯故。

問：諸菩薩愍云何？答：於苦現前諸有情所隨生愍傷故。

問：諸菩薩悲云何？答：於苦因現前諸有情所隨生悲哀故。

問：諸菩薩慧云何？答：於所知境通達如所有性故。

問：諸菩薩智云何？答：於所知境通達盡所有性故。

復有三種思惟過患。謂

1 不究竟思惟
2 非處思惟
3 顛倒思惟

■ 9 施等品

□ 施清淨

復次，如諸菩薩所行惠施，當知此施由七種相乃得清淨。謂

1 施物清淨
2 戒清淨
3 見清淨
4 心清淨
5 語清淨
6 智清淨
7 垢清淨

如是清淨，當知一切皆有十相。

◆ 1 施物清淨十相

云何施物清淨十相？

1 廣大施，謂眾多差別故
2 平等施，謂無增無減故
3 應時施，謂當彼所樂故
4 上妙施，謂色等具足故
5 清淨施，謂非不淨物所雜穢故
6 如法施，謂無罪相應故
7 隨樂施，謂隨求者所愛樂故
8 利益施，謂隨彼所宜故
9 或頓或漸施，謂觀彼求者故
10 無間施，謂無斷絕故

◆ 2 戒清淨十相

云何戒清淨十相？

1 發勤精進所獲財物而用惠施
2 自手臂力所致財物而用惠施
3 離垢汙物而用惠施
4 如法而施
5 如法所得而用惠施
6 息除諸惡而行惠施
7 調伏諸根而行惠施
8 殷重恭敬而行惠施
9 自手而施
10 於己僕從先行恩養，然後惠施他來求者

◆ 3 見清淨十相

云何見清淨十相？

1	不計度我能行施、施為我所而行惠施
2	不將己校量於他，謂我是勝、是等、是劣而行惠施
3	不觀他當有反報而行惠施
4	不觀察當來有勝殊妙富樂而行惠施
5	不觀施全無有果而行惠施
6	不觀施不相似果而行惠施
7	不觀施有顛倒果而行惠施
8	不觀殺害為伴侶善而行惠施
9	不觀奇變吉祥之相而行惠施
10	不為世間聲譽稱讚而行惠施

◆ 4 心清淨十相

云何心清淨十相？

1	憐愛心而行惠施，謂任自性於諸有情。
2	珍寶心而行惠施，謂於施所。
3	平等心而行惠施，謂於怨親及中庸所。
4	調伏垢心而行惠施。謂
1	於慳垢 當知不施於他名為慳垢
2	蓄積垢 自不受用名蓄積垢
5	欣樂心而行惠施。謂由七相。
1	於未來求者發喜樂心故
2	於已來求者，初見便生淨信心故
3	於正施時生悅豫心故
4	生靜定心故
5	生無足心故
6	生不惱害意趣心故
7	施已無追悔心故
6	忍辱心而行惠施，謂於求者彊遮障中能堪忍故，及無厭倦故。
7	以慈心而行惠施，謂於惱害者。
8	以悲心而行惠施，謂於有苦者。
9	以喜心而行惠施，謂於有功德者。
10	以捨心而行惠施，謂於親友所。

◆ 5 語清淨十相

云何語清淨十相？

1	先於施物恣彼乞者。
2	彼若至時稱善來進。
3	遠離顰蹙，平面而視，舒顏含笑，先言問訊。
4	以柔軟言共申談論，安慰乞者。
5	從此無間，言當施汝可愛財物，欣慶斯施。
6	正發施言：吾今惠汝。
7	彼若遮障，從容分布不出麤言。
8	於乞求者若對、若背，不毀不訾，亦無論說。
9	若無施物，正言辭謝，許得隨與。
10	於乞求者，終不對面呵責、驅逐、輕笑、戲弄，亦不令其改容懷愧。

◆ 6 智清淨十相

云何智清淨十相？

1 由惠施智清淨	由惠施智清淨者，謂於施異名、於施體相、於施訓辭、於施差別，皆如實知而行惠施。
2 由求者智清淨	由求者智清淨者，謂於一切有情，皆住福田覺而行惠施，於諸勝劣、有得有失、怨恩等所能善了知，隨來求者所樂差別而行施故。又先以諸所施財物，遍於一切有情之類意樂而捨，若諸求者自然取時，皆生隨喜。
3 由施物智清淨	由施物智清淨者，謂於一切工巧業處智善巧故，速疾能集所有財物而用惠施。 或由善根之所攝受，謂於前生、或現法受所感財物而用惠施。 或發神通、或由法受所致財物而用惠施。 或他積集所有財物而用惠施，如勸導他，或任彼務。
4 由施加行智清淨	由施加行智清淨者，謂於施加行能善了知，不令求者身心勞倦，自心無染而行惠施。 善能分布施來求者，施貧匱者、施無依者、施惡行者、施妙行者、施自僕從。 謂若貧乏、中財、大財，隨其所應，如軌行施，非不如軌。
5 由以施成熟有情智清淨	由施成熟有情智清淨者，謂善了知施能成熟諸有情已而行惠施，以所施物與諸大眾普共行施，亦令大眾生無量福。 又於貧窮樂行施者，以己財物分布與之，令其行施。 或有不貧，內懷慳吝，雖欲惠施，而不能用自財布施，即以財物與之令施。 或於佛法及僧田中欲有所作，便以財物棄捨與之，令彼造作。 由此因緣，於二門中生無量福。
6 由方便善巧智清淨	由方便善巧智清淨者，謂或由教導令行惠施，或彊力逼令行惠施，或領彼恩令行惠施，或由生故令行惠施，或由神力而行惠施。
7 由諸欲過患智清淨	由諸欲過患智清淨者，謂於諸欲所有過患如實知己而行惠施。 謂於苦蘊中，或時了知二種過患。1 現法 2 後法。 或時了知五種過患，謂如五種過患經說。 或時了知六種過患，謂此諸欲是怖增語，如是等類廣說如經。 或時了知七種過患，謂知諸欲無常、虛偽、不實、妄事法，譬如幻事惑亂愚夫。 或時了知八種過患，謂知諸欲如朽骸骨，如經廣說，乃至猶如樹端熟果。
8 由除垢智清淨	由除垢智清淨者，謂於除遣十四垢業如實知己而行惠施，此如尸佉落迦經說。
9 由於友遠離攝受智清淨	由於友遠離攝受智清淨者，謂能善知遠離四種惡友、攝受四種善友而行惠施，此亦如尸佉落迦經說。
10 由隱覆六方智清淨	由隱覆六方智清淨者，謂隱覆六方而行惠施，此亦如尸佉落迦經說。

◆ 7 垢清淨十相

云何垢清淨十相？

1 遠離懈怠垢而行惠施，謂或內、或外、或近、或遠、或身疲倦、或不疲倦、或身羸劣、或不羸劣而常惠施。				
2 遠離貪垢而行惠施，謂於財物。				
3 遠離瞋垢而行惠施，謂於求者。				
4 遠離癡垢而行惠施，謂於因果。				
5 遠離障垢而行惠施。言障垢者，謂四種障。				
1 不串習 2 匱乏 3 耽湎 4 觀果				
6 善分布而行惠施，此即遠離非道理垢。謂貧乏者，於自僕從；若中財者，即於彼所及貧苦所；若大財者，即於彼所，亦於其餘來求者所。				
7 由圓滿而行惠施，此即遠離諸減少垢。謂				
1 事圓滿		事圓滿者，復有七相。		
		1 施資產事	2 施國土事	3 施有情事
		4 施莊嚴事	5 施舍宅事	6 施居處事
		7 施內身事		
2 意樂圓滿		意樂圓滿者，謂於內身及外財寶，獲得自性無著意樂。		
8 由清淨而行惠施，此即遠離不清淨垢。謂由十種清淨，即無滯無取等，如本地分廣說。				
9 善觀察而行惠施，此即遠離惡慧垢。謂				
1 觀察施物		觀察施物者，謂觀察受用勝於積聚，觀察惠施勝於受用。何以故？若唯積聚，不能自益、不能益他，非現法利、非後法利。若諸菩薩唯自受用，名自饒益，非饒益他，名現法利，非後法利。若諸菩薩能行惠施，便自發生廣大歡喜，名自饒益、名饒益他，名現法利、名後法利。		
2 觀察意樂		觀察意樂者，當知意樂略有四種。		
		1 於因中無倒意樂 2 於果中無著意樂		
		3 於有情悲愍意樂 4 於一切智智圓滿意樂		
		由如是等諸意樂故，而行惠施。		
3 觀察其田		觀察田者，當知略由五相。		
		1 於是處乞求可得		
		2 於是處已有乞求，復加貧匱		
		3 於是處已有貧匱，復無依怙		
		4 於是處有無依怙，復行惡行		
		5 於是處雖無此等，而有修行善行可得		
		是名為田。		
		由七種相，當知非田。		
		1 乞求者極大暴惡，曾為怨害，歸依怨害而有所求		
		2 勸為善事終不能得		
		3 心懷染汙，為染汙事而有乞求		
		4 為損惱而有乞求		
		5 乞求者或自是魔，或魔所魅，非處乞求		
		6 乞求父母，或復隨一非所施物		
		7 能為無義		
		由此等相，當知是名觀察非田。		
10 具方便德而行惠施，此即遠離無方便過失垢。				
此中方便者，謂串習施，不顧身命，悲愍有情，真實義智、無上菩提勝解，教導、彊力逼迫、處任恩報、生及神力。				

□ 毗奈耶

攝決擇分中菩薩地之四

復次，當知菩薩毗奈耶略有三聚。

初律儀戒毗奈耶聚，如薄伽梵為諸聲聞所化有情略說毗奈耶相，當知即此毗奈耶聚。云何攝善法戒毗奈耶聚？

謂諸菩薩，於攝善法戒勤修習時，略於六心應善觀察。何等為六？

1 輕憊心	若諸菩薩，於善法中所有輕心、無勝解心及陵憊心，名輕憊心。
2 懈怠俱行心	若有懶惰、憊醉、放逸所纏繞心，名懈怠俱行心。
3 有覆蔽心	若貪欲等隨有一蓋，或諸煩惱及隨煩惱所纏繞心，名有覆蔽心。
4 勤勞倦心	若住勇猛增上精進，身疲、心倦映蔽其心，名勤勞倦心。
5 病隨行心	若有諸病損惱其心，無有力能，不堪修行，名病隨行心。
6 障隨行心	若有喜樂談論等障隨逐其心，名障隨行心。

菩薩於此六種心中，應正觀察：我於如是六種心中，為有隨一現前行耶？為無有耶？
◎於前三心，菩薩一向不應生起；設已生起，不應忍受。若有忍受而不棄捨，遍於一切皆名有罪。

◎勤勞倦心現在前時，

1 由此心故，捨善方便。若為暫息身心疲惱，當於善法多修習者，當知無罪。

2 若於一切畢竟捨離，謂我何用精勤修習如是善法，令我現在安住此苦。若如是者，當知有罪。

◎病隨行心現在前時，菩薩於此無有自在，不隨所欲修善加行，雖復忍受而無有罪。

◎障隨行心現在前時，

1 若不隨欲墮在其中，或觀此中有大義利，雖復忍受而無有罪。

2 若隨所欲故入其中，或觀是中無有義利，或少義利而故忍受，當知有罪。

如是六心，

前三生已而忍受者，一向有罪；

病隨行心雖復忍受，一向無罪；

餘之二心，若生起已而忍受者，或是有罪、或是無罪。

1 輕憊心	一向有罪
2 懈怠俱行心	
3 有覆蔽心	
4 勤勞倦心	或有罪、或無罪
5 病隨行心	一向無罪
6 障隨行心	或有罪、或無罪

若諸菩薩，於作有情利益戒中勤修習時，當正觀察六處攝行。

所謂 1 自、2 他、3 財衰、4 財盛、5 法衰、6 法盛，是名六處。

◎言財衰者，謂衣食等未得不得，得已斷壞。

◎與此相違，當知財盛。

◎言法衰者，謂越所學，於先未聞勝義所攝如來所說微妙法句不得聽聞。如不聽聞先所未聞，如是於先所未思惟不得思惟，有聽聞障、有思惟障，設得聞思，尋復忘失。於所未證修所成善而未能證，設證還退。

◎與此相違，當知法盛。

此中菩薩作自法衰，令他財盛，此不應為。

如令財盛，法盛亦爾。

此中義者，越學所攝及能隨順越學所攝，或於證法退失所攝，當知法衰。

又諸菩薩作自財衰，令他財盛。若此財盛不引法衰，此則應為；若引法衰，此不應為。如令財盛，法盛亦爾。

又諸菩薩作自財盛，令他財盛，此則應為。如令財盛，法盛亦爾。
又諸菩薩作自法盛，令他財盛，此則應為。如令財盛，法盛亦爾。
於如是事，若不修行，名為有罪；若正修行，是名無罪。

如是且說菩薩所受三種律儀略毗奈耶，菩薩於中常應作意思惟修學。
若有於此三種所受菩薩戒中，隨有所闕，當知非護，當言不護菩薩律儀，不當言護。
此三種戒，由律儀戒之所攝持，令其和合。若能於此精勤守護，亦能精勤守護餘二。
若有於此不能守護，亦於餘二不能守護。是故若有毀律儀戒，名毀一切菩薩律儀。
若有為令他了知故，隨順他故，由他勸導受菩薩戒，非自所起增上意樂、隨觀隨察
自生淨信、於諸有情住憐愍心、愛樂善法受菩薩戒，當言此非真實防護，亦非圓滿
修習善法，亦不能得彼果勝利。
與此相違，當知乃名真實防護，亦能獲得彼果勝利。

復次，若有不捨如是律儀，當知餘生亦得隨轉，非彼捨者。

又捨因緣略有四種。

1 決定發起受心不同分心
2 若於有所識別大丈夫前，故意發起棄捨語言
3 總別毀犯四種他所勝法
4 若以增上品纏，總別毀犯隨順四種他所勝法

由此因緣，當知棄捨菩薩律儀。
若有還得清淨受心，復應還受。

復次，若有出家菩薩，除三衣外所有長物，佛所聽畜，身所受用順安樂住，若故思
擇施來求者，當知無罪。

若顧善品，非慳貪障而不施者，亦無有罪。

諸有葉紙已書正法，有嬰兒慧眾生來乞，若施與之，當知有罪；若勸他施，亦名有
罪。

除作是心：我今惠彼，欲試其人於甚深法堪受持不？能信解不？如是無罪。

若以葉紙書似正法及外道論，或先已書，授彼信解眾生手中，或勸他與，當知有罪。
菩薩唯應勸彼棄捨手中異論，或令書寫諸佛聖教，或自欲知彼不堅實，不應開示。
或有葉紙猶未書寫，有來求乞，爾時菩薩應問彼言：汝今何用如是物為？彼若答言：
我欲轉賣以充食用。若此葉紙為書正法，則不應與。有財物者，應施價直；若無價
直，二俱不與，亦無有罪。

彼若答言：我求此物為書正法。即以葉紙應施與之，仍告彼言：隨意受用。

彼若欲書下劣典籍，不與無罪。如書下劣，書等亦爾。

若欲書寫最勝經典，不施與者，當知有罪。

若諸菩薩，於已有恩諸有情所，隨順恩想，相續發起親友意樂，以有染心，方便攝
受欲為朋黨，當知有罪。

或於有怨諸有情所，隨順怨想，相續發起怨讎意樂，有穢濁心，當知有罪。

或於無恩無怨諸有情所，相續發起中庸意樂、放捨意樂，當知有罪。

若有現前求欲出家，隨順觀察時有過患、劫有過患，不度出家，當知無罪。

若有安住憐愍彼心，雖度出家，亦無有罪。

如說出家，受具足戒、與作依止、攝為徒眾，當知亦爾。

由如是等所有行相，當知菩薩三種戒蘊皆得圓滿。

□ 略說

復次，先已廣說施等，今當略說。

◆ 五種功德

謂諸菩薩所有布施，略與五種功德相應，得入布施到彼岸數。何等為五？

1 無著	無著者，謂於一切種施等障法中，無有罣礙。
2 無戀	無戀者，謂於有染及彼果中，心無繫著。
3 無罪	無罪者，謂遠離一切種施等隨煩惱。
4 無分別	無分別者，謂於施等不觀遍計所執自性。
5 迴向	迴向者，謂以一切施等諸行，願得阿耨多羅三藐三菩提果。

如施，戒等當知亦爾。

如是菩薩由此五德，攝受一切波羅蜜多，

名菩薩施，乃至名菩薩慧；

1 菩薩

名一切施，乃至名一切慧；

2 一切

名艱難施，乃至名艱難慧。

3 艱難

廣說一切嚧怛南頌，皆隨決了，一切皆如本地分說。

◆ 十隨煩惱

復次，於施波羅蜜多，由內及外有十隨煩惱，

對治彼故，得施波羅蜜多十種清淨。如菩薩地已說。由增一次第。

◇ 依外門

依於外門有五隨煩惱。

1 遍染惱性
2 不棄捨性
3 持可樂性
4 意望不圓滿性
5 不成熟性

◇ 依內門

依於內門有五隨煩惱。

1 不出離性
2 雜染惱性
3 下劣薄性
4 現前墮性
5 盡滅法性

◆ 清淨

◇ 戒

復次，前戒品中，已說十種尸羅清淨，當知初一是意樂清淨，餘九是加行清淨。

菩薩清淨戒

於加行中復有五種。

1 無間闕加行
2 遍修治加行
3 迴向加行
4 助伴加行
5 守護加行

第二、第三為初加行，
第四為第二加行，
第五為第三加行，
第六、第七、第八、
第九為第四加行，
第十為第五加行。

1 初善受戒。唯為沙門三菩提故，非為命故。	意樂清淨	加 行 清 淨
2 不太沈戒。於違犯時，遠離微薄生悔愧故；及不太舉戒，遠離非處生悔愧故。	1 無間闕加行	
3 離懈怠戒。 於睡眠樂、倚樂、臥樂不耽著故，晝夜勤修諸善品故。		
4 離諸放逸所攝受戒。 修習如前所說五支不放逸故。	2 遍修治加行	
5 正願戒。 遠離利養恭敬貪故，不願生天，而自要期修梵行故。	3 迴向加行	
6 軌則具足所攝受戒。 於諸威儀所作眾事善品加行妙善圓滿， 如法身語正現行故。	4 助伴加行	
7 淨命具足所攝受戒。 離矯詐等一切邪命過失法故。		
8 離二邊戒。 遠離受用欲樂、自苦二邊法故。		
9 永出離戒。 遠離一切外道見故。		
10 於先所受無損失戒。 於先所受菩薩淨戒無關減故，無破壞故。	5 守護加行	

◇ 忍

復次，忍波羅蜜多十清淨中，當知略有二種清淨。

謂前九種，名思擇力清淨；其第十種，名修習力清淨。

菩薩清淨忍

思擇力清淨復有四種。

1 遠離罪生清淨
2 彼不現行清淨
3 無罪生清淨
4 遠離彼因緣清淨

一種、二種、三種、
三種，如其次第。

不忍因緣復有三種。

1 無慚
2 無愧
3 無哀愍性

1 終不返報。	1 遠離罪生清淨	思擇力清淨
2 亦不意憤。	2 彼不現行清淨	
3 亦無怨嫌意樂相續。		
4 恆常現前，欲作饒益，先後無異，非一益已捨而不益。	3 無罪生清淨	
5 於有怨者自往悔謝。		
6 終不令他生疲厭已，然後受謝，恐其疲厭，纔謝便受。		
7 於不堪忍，成就增上猛利慚愧。	4 遠離彼因緣清淨	
8 依於堪忍，於大師所，成就增上猛利愛敬。		
9 依不損惱諸有情故，於諸有情，成就猛利哀愍愛樂。		
10 一切不忍并助伴法皆得斷故，離欲界欲。	修習力清淨	

◇ 精進

復次，精進波羅蜜多有十清淨。

1 安處清淨
2 純熟清淨
3 策發清淨
4 方便清淨
5 不虛時住清淨
6 不艱辛住清淨
7 出離清淨
8 攝受助伴清淨
9 速疾神通清淨
10 無盡性清淨

菩薩清淨精進

1 相稱精進
2 串習精進
3 無緩精進
4 善攝精進
5 應時修習精進
6 通達眾相精進
7 不退弱精進
8 不捨輒精進
9 平等精進
10 迴向大菩提精進

◇ 靜慮

復次，靜慮波羅蜜多有十清淨。

1 清淨清淨
2 無漏清淨
3 根本方便清淨
4 證得根本清淨
5 自在方便清淨
6 住自在清淨
7 引發神通自在清淨
8 成熟有情自在清淨
9 降伏外道自在清淨
10 無上離繫清淨

菩薩清淨靜慮

1 由世間淨，離諸愛味清淨靜慮。
2 由出世淨，無有染汙清淨靜慮。
3 由加行淨，清淨靜慮。
4 由得根本淨，清淨靜慮。
5 由根本勝進淨，清淨靜慮。
6 由入、住、出自在淨，清淨靜慮。
7 捨靜慮已，復還證入自在淨，清淨靜慮。
8 神通變現自在淨，清淨靜慮。
9 離一切見趣淨，清淨靜慮。
10 一切煩惱、所知障淨，清淨靜慮。

◇ 慧

復次，慧波羅蜜多有五清淨。

1 通達諸相清淨
2 通達緣起清淨
3 通達教導清淨
4 通達士用清淨
5 通達證得清淨

菩薩清淨慧

1 盡所有性	1 通達諸相清淨
2 如所有性	
3 取正因	2 通達緣起清淨
4 取正果	
5 顛倒，如實了知	3 通達教導清淨
6 不顛倒，如實了知	
7 所應作	4 通達士用清淨
8 所不應作	
9 雜染，如實了知雜染	5 通達證得清淨
10 清淨，如實了知清淨	

■ 10 菩提分品

□ 四念住

復次，云何菩薩於身住循身觀？調於相身循環觀真如身。
如於身，於受、心、法，隨其所應，當知亦爾。

□ 四正斷

云何菩薩為令未生惡不善法得不生故生欲，乃至廣說？
調於真如境繫心令住，為令一切相及麤重未得現前，內未生者得不生故生欲，乃至廣說。
如令未生得不生故，如是已生已得現前，於內生者為令斷故，於能對治所有善法，未生令生、已生令住，乃至廣說。

□ 次第

當知此中，於念住位，最初繫心置所緣境；
次於所緣令心安住，勤修正斷；
次得定已，復令此定善圓滿故，於神足中勤修加行；
定圓滿已，為令一切相及麤重得離繫故，依信等根修加行道，
加行道中，根是下品，力是上品；
如是正修加行道已，次得覺支通達實際；
達實際已，次修道支；
漸漸乃至證得阿耨多羅三藐三菩提，於一切障皆得解脫。

□ 縛

復次，相麤重縛，當知差別有十四種。

1 根縛
2 境縛
3 有情展轉更相愛縛
4 建立縛，調器世間；諸所有根依之而轉，故名建立
5 於所知境無智縛
6 於能知智無智縛
7 後有愛縛
8 無有愛縛
9 執著不平等因及無因縛
10 證得增上慢縛
11 執著遍計所執自性縛
12 執著補特伽羅自性縛
13 補特伽羅遍知增上慢縛
14 法遍知增上慢縛

□ 六種想縛

復次，依空勤修念住菩薩，略於六種妄想縛中，當令其心速得解脫。
云何名為六種想縛？所謂

1 於身乃至於法發起內想，是初想縛。
2 即於是中發起外想，是第二想縛。
3 即於是中起內外想，是第三想縛。
4 若於十方無數無量諸有情界，願令解脫，修習念住；此中諸想，是第四想縛。
5 若由此故，於身等境循觀而住；此中諸想，是第五想縛。
6 即於身等循觀住者；此中諸想，是第六想縛。

□ 十一種後後想縛

即於此中循環觀故，復有十一後後想縛。
云何十一後後想縛？

1 謂於身等住循身等觀者，於諸雜染、清淨諦中，所起第一義想，是名初縛。
2 即於雜染第一義中，所起造作想，是第二縛。
3 即於清淨第一義中，所起無造作想，是第三縛。
4 即於無造作第一義中，所起常想，是第四縛。
5 即於造作雜染中，所起流轉想，是第五縛。
6 即於常中，所起無變異想，是第六縛。
7 即於流轉中，由有苦、有變異故，所起苦性想，是第七縛。
8 即於此中，由生滅住異自相故，自相有變異故，所起彼自相想，是第八縛。
9 即於無變異及有變異第一義中，所起能攝染汙、清淨一切法想，是第九縛。
10 即於雜染、清淨一切法中，所有我無染淨想，是第十縛。
11 即於雜染、清淨諸法，所起無自性相想，是第十一縛。

由諸菩薩，於此後後諸行想縛所知境界正觀察故，能依於空善修念住，令心解脫；
於此想縛得解脫故，一切想縛皆得解脫。

■ 11 功德品

□ 惡取空

復次，於大乘中，或有一類惡取空故，作如是言：

由世俗故，一切皆有；由勝義故，一切皆無。←---否定因果道理

應告彼言：長老！何者世俗？何者勝義？

如是問已，彼若答言：

若一切法皆無自性，是名勝義。

若於諸法無自性中，自性可得，是名世俗。

何以故？無所有中建立世俗，假設名言而起說故。

應告彼曰：汝何所欲？名言世俗為從因有自性可得？為唯名言世俗說有？

若名言世俗從因有者，名言世俗從因而非是有，不應道理。

若唯名言世俗說有，名言世俗無事而有，不應道理。

又應告言：長老！何緣諸可得者，此無自性？

如是問已，彼若答言：顛倒事故。

復應告言：汝何所欲？此顛倒事為有為無？

若言有者，說一切法由勝義故，皆無自性，不應道理。

若言無者，顛倒事故，諸可得者，此無自性，不應道理。

□ 思擇大乘經起因緣說

復次，當知由五相故，思擇大乘經起因緣說。謂

- | |
|-----------------------|
| 1 為於說者生恭敬故，起第一說 |
| 2 為攝眾故，起第二說 |
| 3 為於正法生尊重故，起第三說 |
| 4 為敘事故，起第四說 |
| 5 為欲宣說真實義故，及多所作故，起第五說 |

十種無顛倒道

- | |
|--------------|
| 1 唯名言相 |
| 2 攝受虛妄分別種種生相 |
| 3 依因轉相 |
| 4 相壞轉相 |
| 5 清淨轉相 |
| 6 所有名言安足處相 |
| 7 共相自性 |
| 8 共相無分別所行相 |
| 9 共相出世法所行相 |
| 10 共相清淨因相 |

十二處：

眼、耳、鼻、舌、身、意、
色、聲、香、味、觸、法。

□ 十種無顛倒道

復次，依十二處自相、共相觀故，有十種無顛倒道，能證所有不共佛法。

當知此中，六種觀自相，四種觀共相。

- | |
|--|
| 1 謂於十二處眼等名言假立相中，能遍了知唯名言相，是名第一無顛倒道，能證所有不共佛法。 |
| 2 復次，於十二處能遍了知攝受虛妄分別種種生相，是名第二無顛倒道，能證所有不共佛法。 |
| 3 復次，於十二處能遍了知依因轉相，是名第三無顛倒道，能證所有不共佛法。 |
| 4 復次，於十二處能遍了知相壞轉相，是名第四無顛倒道，能證所有不共佛法。 |
| 5 復次，於十二處能遍了知清淨轉相，是名第五無顛倒道，能證所有不共佛法。
當知此中，依二種業有二清淨。 |
| 1 生起清淨 2 寂滅清淨 |
| 6 復次，於十二處能遍了知所有名言安足處相，是名第六無顛倒道，能證所有不共佛法。 |

如是六種觀察自相。

7 復次，即於如是十二處中，能遍了知共相自性，是名第七無顛倒道，能證所有不共佛法。
8 復次，即於如是十二處中，能遍了知共相無分別所行相，是名第八無顛倒道，能證所有不共佛法。
9 復次，即於如是十二處中，能遍了知共相出世法所行相，是名第九無顛倒道，能證所有不共佛法。
10 復次，即於如是十二處中，能遍了知共相清淨因相，是名第十無顛倒道，能證所有不共佛法。

如是四種觀察共相。

□ 八殊勝

復次，當知由八殊勝，於諸住地後轉勝。

1 意樂殊勝
2 心清淨殊勝
3 悲殊勝
4 波羅蜜多殊勝
5 成熟有情殊勝
6 見諸佛往趣承事供養殊勝
7 生殊勝
8 神力殊勝

□ 勝義諦有五種相

復次，勝義諦有五種相。

1 離名言相
2 無二相
3 超過尋思所行相
4 超過諸法一異性相
5 遍一切一味相

◆ 如理請問菩薩(1 離名言相及 2 無二相)

此勝義諦離名言相及無二相，當知如解深密經中，如理請問菩薩問解甚深義密意菩薩言：最勝子！言一切法無二。一切法無二者，何等一切法？云何為無二？

解甚深義密意菩薩告如理請問菩薩曰：善男子！一切法者略有二種，

1 有為	非有為、非無為
2 無為	非無為、非有為

是中 1 有為非有為、非無為，2 無為亦非無為、非有為。

最勝子！如何有為非有為、非無為，無為亦非無為、非有為？

◇ 有為

善男子！言有為者，乃是本師假施設句。

若是本師假施設句，即是遍計所集言辭所說；

若是遍計所集言辭所說，即是究竟；

種種遍計言辭所說不成實故，非是有為。

善男子！言無為者，亦墮言辭。
設離有為、無為，少有所說，其相亦爾。
然非無事而有所說。
何等為事？
調諸聖者，以聖智、聖見離名言故，現等正覺。
即於如是離言法性，為欲令他現等覺故，假立名想，謂之有為。

◇ 無為

善男子！言無為者，亦是本師假施設句。
若是本師假施設句，即是遍計所集言辭所說；
若是遍計所集言辭所說，即是究竟；
種種遍計言辭所說不成實故，非是無為。

善男子！言有為者，亦墮言辭。
設離無為、有為，少有所說，其相亦爾。
然非無事而有所說。
何等為事？
調諸聖者，以聖智、聖見離名言故，現等正覺。
即於如是離言法性，為欲令他現等覺故，假立名想，謂之無為。

◇ 為欲令他現等覺

最勝子！如何此事彼諸聖者，以聖智、聖見離名言故，現等正覺。
即於如是離言法性，為欲令他現等覺故，假立名想，或謂有為、或謂無為？

善男子！如善幻師、或彼弟子，住四衢道，積集瓦礫草葉木等，現作種種幻化事業，
所謂象身、馬身、車身、步身、末尼、真珠、琉璃、螺貝、璧玉、珊瑚、種種財穀
庫藏等身。

★ 惡慧種類

若諸眾生愚癡、頑鈍、惡慧種類，無所曉知，於瓦礫草葉木等上諸幻化事，見已、
聞已，作如是念：此所見者，實有象身，實有馬身、車身、步身、末尼、真珠、琉
璃、螺貝、璧玉、珊瑚、種種財穀庫藏等身。
如其所見、如其所聞堅固執著，隨起言說：唯此諦實，餘皆愚妄。
彼於後時，應更觀察。

★ 善慧種類

若有眾生非愚、非鈍、善慧種類，有所曉知，於瓦礫草葉木等上諸幻化事，見已、
聞已，作如是念：此所見者，無實象身，無實馬身、車身、步身、末尼、真珠、琉
璃、螺貝、璧玉、珊瑚、種種財穀庫藏等身。
然有幻狀迷惑眼事，於中發起大象身想，或大象身差別之想；乃至發起種種財穀庫
藏等想，或彼種類差別之想。
不如所見、不如所聞堅固執著，隨起言說：唯此諦實，餘皆愚妄。
為欲表知如是義故，亦於此中隨起言說。
彼於後時，不須觀察。

★ 未得出世間慧

如是若有眾生是愚夫類，是異生類，未得諸聖出世間慧，於一切法離言法性不能了知，彼於一切有為、無為，見已、聞已，作如是念：此所得者決定實有有為、無為。如其所見、如其所聞堅固執著，隨起言說：唯此諦實，餘皆癡妄。彼於後時，應更觀察。

★ 已得出世間慧

若有眾生非愚夫類，已見聖諦，已得諸聖出世間慧，於一切法離言法性如實了知，彼於一切有為、無為，見已、聞已，作如是念：此所得者決定無實有為、無為，然有分別所起行相，猶如幻事迷惑覺慧，於中發起為無為想，或為無為差別之想。不如所見、不如所聞堅固執著，隨起言說：唯此諦實，餘皆癡妄。為欲表知如是義故，亦於此中隨起言說。彼於後時，不須觀察。

如是善男子！彼諸聖者於此事中，以聖智、聖見離名言故，現等正覺。即於如是離言法性，為欲令他現等覺故，假立名想，謂之有為、謂之無為。

爾時解甚深義密意菩薩欲重宣此義而說頌曰：

佛說離言無二義 甚深非愚之所行
愚夫於此癡所惑 樂著二依言戲論
彼或不定或邪定 流轉極長生死苦
復違如是正智論 當生牛羊等類中

◆ 法涌菩薩(3 超過尋思所行相)

復次，勝義諦超過尋思所行相，當知如解深密經中法涌菩薩白佛言：世尊！從此東方過七十二殑伽河沙等世界，有世界名具大名稱，是中如來號廣大名稱，我於先日從彼佛土發來至此。

我於彼佛土，曾見一處，有七萬七千外道，并其師首同一會坐，為思諸法勝義諦相。彼共思議、稱量、觀察、遍推求時，於一切法勝義諦相竟不能得，唯除種種意解、別異意解、變異意解，互相違背，共興諍論，口出矛[矛+贊]，更相[矛+贊]已、刺已、惱已、壞已，各各離散。

世尊！我於爾時竊作是念：如來出世甚奇希有，由出世故，乃於如是超過一切尋思所行勝義諦相，亦有通達作證可得。

說是語已，爾時世尊告法涌菩薩曰：善男子！如是如是！如汝所說，我於超過一切尋思勝義諦相現等正覺；現等覺已，為他宣說、顯現、開解、施設、照了。

何以故？我說勝義，是諸聖者內自所證；尋思所行，是諸異生展轉所證。是故法涌！由此道理，當知勝義超過一切尋思境相。

復次，法涌！我說勝義無相所行，尋思但行有相境界，是故法涌！由此道理，當知勝義超過一切尋思境相。

復次，法涌！我說勝義不可言說，尋思但行言說境界，

是故法涌！由此道理，當知勝義超過一切尋思境相。

復次，法涌！我說勝義絕諸表示，尋思但行表示境界，
是故法涌！由此道理，當知勝義超過一切尋思境相。

復次，法涌！我說勝義絕諸諍論，尋思但行諍論境界，
是故法涌！由此道理，當知勝義超過一切尋思境相。

法涌當知！譬如有人，盡其壽量習辛苦味，於蜜石蜜上妙美味，不能尋思、不能比度、不能信解。

或於長夜由欲貪勝解，諸欲熾火所燒然故，於內除滅一切色聲香味觸相妙遠離樂，不能尋思、不能比度、不能信解。

或於長夜由言說勝解，樂著世間綺言說故，於內寂靜聖默然樂，不能尋思、不能比度、不能信解。

或於長夜由見、聞、覺、知表示勝解，樂著世間諸表示故，於永除斷一切表示薩迦耶滅究竟涅槃，不能尋思、不能比度、不能信解。

法涌當知！譬如有人，於其長夜由有種種我所攝受諍論勝解，樂著世間諸諍論故，於北拘盧洲無我所、無攝受、離諍論，不能尋思、不能比度、不能信解。

如是法涌！諸尋思者，於超一切尋思所行勝義諦相，不能尋思、不能比度、不能信解。

爾時世尊欲重宣此義而說頌曰：

內證無相之所行 不可言說絕表示
息諸諍論勝義諦 超過一切尋思相

◆ 善清淨慧菩薩(4 超過諸法一異性相)

復次，勝義諦超過諸法一異性相，當知如解深密經中，善清淨慧菩薩白佛言：
世尊甚奇！乃至世尊善說！

如世尊言：勝義諦相微細甚深，超過諸法一異性相，難可通達。

世尊！我即於此，曾見一處有眾菩薩，等正修行勝解行地，同一會坐，皆共思議勝義諦相與諸行相一異性相。

於此會中，

一類菩薩作如是言：勝義諦相與諸行相都無有異。

一類菩薩復作是言：非勝義諦相與諸行相都無有異，然勝義諦相異諸行相。

有餘菩薩疑惑猶豫，復作是言：是諸菩薩誰言諦實？誰言虛妄？誰如理行？誰不如理？或唱是言：勝義諦相與諸行相都無有異。或唱是言：勝義諦相異諸行相。

世尊！我見彼已，竊作是念：彼諸善男子愚癡頑鈍，不明、不善、不如理行，於勝義諦微細甚深超過諸行一異性相，不能解了。

說是語已，爾時世尊告善清淨慧菩薩曰：

善男子！如是如是！如汝所說，彼諸善男子愚癡頑鈍，不明、不善、不如理行，於勝義諦微細甚深超過諸行一異性相，不能解了。

何以故？善清淨慧！非於諸行如是行時，名能通達勝義諦相，或於勝義諦而得作證。

何以故？

善清淨慧！

若勝義諦相與諸行相都無異者，應於今時一切異生皆已見諦。

又諸異生皆應已得無上方便安隱涅槃，或應已證阿耨多羅三藐三菩提。

若勝義諦相與諸行相一向異者，已見諦者於諸行相應不除遣；

若不除遣諸行相者，應於相縛不得解脫；

此見諦者於諸相縛不解脫故，於羂重縛亦應不脫；

由於二縛不解脫故，已見諦者應不能得無上方便安隱涅槃，或不應證阿耨多羅三藐三菩提。

善清淨慧！由於今時非諸異生皆已見諦，非諸異生已能獲得無上方便安隱涅槃，亦非已證阿耨多羅三藐三菩提，是故勝義諦相與諸行相都無異相，不應道理。

若於此中作如是言：勝義諦相與諸行相都無異者。由此道理，當知一切非如理行，不如正理。

善清淨慧！由於今時非見諦者於諸行相不能除遣，然能除遣；非見諦者於諸相縛不能解脫，然能解脫；非見諦者於羂重縛不能解脫，然能解脫；以於二障能解脫故，亦能獲得無上方便安隱涅槃，或有能證阿耨多羅三藐三菩提，是故勝義諦相與諸行相一向異相，不應道理。

若於此中作如是言：勝義諦相與諸行相一向異者。由此道理，當知一切非如理行，不如正理。

復次，善清淨慧！若勝義諦相與諸行相都無異者，如諸行相墮雜染相，此勝義諦相亦應如是墮雜染相。

善清淨慧！若勝義諦相與諸行相一向異者，應非一切行相共相名勝義諦相。

善清淨慧！由於今時勝義諦相非墮雜染相，諸行共相名勝義諦相，是故勝義諦相與諸行相都無異相，不應道理；勝義諦相與諸行相一向異相，不應道理。

若於此中作如是言：勝義諦相與諸行相都無有異，或勝義諦相與諸行相一向異者。由此道理，當知一切非如理行，不如正理。

復次，善清淨慧！若勝義諦相與諸行相都無異者，如勝義諦相於諸行相無有差別，一切行相亦應如是無有差別。修觀行者，於諸行中如其所見、如其所聞、如其所覺、如其所知，不應後時更求勝義。

若勝義諦相與諸行相一向異者，應非諸行唯無我性、唯無自性之所顯現是勝義相。又應俱時別相成立，謂雜染相及清淨相。

善清淨慧！由於今時一切行相皆有差別，非無差別。修觀行者，於諸行中如其所見、如其所聞、如其所覺、如其所知，復於後時更求勝義。

又即諸行唯無我性、唯無自性之所顯現名勝義相，又非俱時染淨二相別相成立，是故勝義諦相與諸行相都無有異，或一向異，不應道理。

若於此中作如是言：勝義諦相與諸行相都無有異，或一向異者。由此道理，當知一切非如理行，不如正理。

善清淨慧！

如螺貝上鮮白色性，不易施設與彼螺貝一相、異相。
如螺貝上鮮白色性，金上黃色亦復如是。
如箜篌聲上美妙曲性，不易施設與彼箜篌聲一相、異相。
如黑沈上有妙香性，不易施設與彼黑沈一相、異相。
如胡椒上辛猛利性，不易施設與彼胡椒一相、異相。
如胡椒上辛猛利性，訶梨淡性亦復如是。
如蠹羅綿上有柔軟性，不易施設與彼蠹羅綿一相、異相。
如熟酥上所有醍醐，不易施設與彼熟酥一相、異相。
又如一切行上無常性，一切有漏法上苦性，一切法上補特伽羅無我性，不易施設與彼行等一相、異相。
又如貪上不寂靜相及雜染相，不易施設此與彼貪一相、異相。
如於貪上，於瞋、癡上，當知亦爾。

如是善清淨慧！勝義諦相不可施設與諸行相一相、異相。

善清淨慧！我於如是微細、極微細、甚深、極甚深、難通達、極難通達，超過諸法一異性相勝義諦相現正等覺。

現等覺已，為他宣說、顯示、開解、施設、照了。

爾時世尊欲重宣此義而說頌曰：

行相勝義相 離一異性相 若分別一異 彼非如理行
眾生為相縛 及為羴重縛 要勤修止觀 爾乃得解脫

1 蘊
2 處
3 緣起
4 食
5 諦
6 界
7 念住
8 正斷
9 神足
10 根
11 力
12 覺支
13 八支聖道

◆ 長老善現(5 遍一切一味相)

復次，勝義諦遍一切一味相，當知如解深密經中，世尊告長老善現曰：

善現！汝於有情界中，知幾有情懷增上慢，為增上慢所執持故，記別所解？

汝於有情界中，知幾有情離增上慢，記別所解？

長老善現白佛言：

世尊！我知有情界中，少分有情離增上慢，記別所解。

世尊！我知有情界中，有無量無數不可說有情懷增上慢，為增上慢所執持故，記別所解。

世尊！我於一時住阿練若大樹林中，時有眾多苾芻，亦於此林依近我住。

我見彼諸苾芻，於日後分展轉聚集，依有所得現觀，各說種種相法，記別所解。

1 於中一類，由得蘊故，得蘊相故，得蘊起故，得蘊盡故，得蘊滅故，得蘊滅作證故，記別所解。

如此一類由得蘊故，2 復有一類由得處故，3 復有一類得緣起故，當知亦爾。

4 復有一類，由得食故，得食相故，得食起故，得食盡故，得食滅故，得食滅作證故，記別所解。

5 復有一類，由得諦故，得諦相故，得諦遍知故，得諦永斷故，得諦作證故，得諦修習故，記別所解。

6 復有一類，由得界故，得界相故，得界種種性故，得界非一性故，得界滅故，得界滅作證故，記別所解。

7 復有一類，由得念住故，得念住相故，得念住能治、所治故，得念住修故，得念住未生令生故，得念住生已堅住、不忘、倍修、增廣故，記別所解。

如有一類得念住故，復有一類 8 得正斷故、9 得神足故、10 得諸根故、11 得諸力故、12 得覺支故，當知亦爾。

13 復有一類，得八支聖道故，得八支聖道相故，得八支聖道能治、所治故，得八支聖道修故，得八支聖道未生令生故，得八支聖道生已堅住、不忘、倍修、增廣故，記別所解。

世尊！我見彼已，竊作是念：此諸長老，依有所得現觀，各說種種相法，記別所解；當知彼諸長老，一切皆懷增上慢，為增上慢所執持故，於勝義諦遍一切一味相，不能解了。

是故世尊甚奇！乃至世尊善說！如世尊言：

勝義諦相微細、最微細、甚深、最甚深、難通達、最難通達，遍一切一味相。

世尊！此聖教中修行苾芻，於勝義諦遍一切一味相尚難通達，況諸外道。

爾時世尊告長老善現曰：如是如是！善現！我於微細、最微細、甚深、最甚深、難通達、最難通達，遍一切一味相勝義諦現正等覺；現等覺已，為他宣說、顯示、開解、施設、照了。

何以故？善現！我已顯示於一切蘊中，清淨所緣是勝義諦；我已顯示於一切處、緣起、食、諦、界、念住、正斷、神足、根、力、覺支、道支中，清淨所緣是勝義諦。此清淨所緣，於一切蘊中是一味相，無別異相。

如於蘊中，如是於一切處中乃至一切道支中是一味相，無別異相。

是故善現！由此道理，當知勝義諦是遍一切一味相。

復次，善現！修觀行苾芻，通達一蘊真如勝義法無我性已，更不尋求各別餘蘊、諸處、緣起、食、諦、界、念住、正斷、神足、根、力、覺支、道支真如勝義法無我性。

唯即隨此真如勝義無二智為依止故，於遍一切一味相勝義諦審察趣證。

是故善現！由此道理，當知勝義諦是遍一切一味相。

復次，善現！如彼諸蘊展轉異相，如彼諸處、緣起、食、諦、界、念住、正斷、神足、根、力、覺支、道支展轉異相。若一切法真如勝義法無我性亦異相者，是則真如勝義法無我性亦應有因，從因所生；若從因生，應是有為；若是有為，應非勝義；若非勝義，應更尋求餘勝義諦。

善現！由此真如勝義法無我性不名有因，非因所生，亦非有為，是勝義諦。

得此勝義，更不尋求餘勝義諦，唯有常常時、恆恆時，如來出世，若不出世，諸法性安立、法界安住。

是故善現！由此道理，當知勝義諦是遍一切一味相。

善現！譬如種種非一品類異相色中，虛空無相、無分別、無變異、遍一切一味相；如是異性、異相一切法中，勝義諦遍一切一味相，當知亦然。

爾時世尊欲重宣此義而說頌曰：

此遍一切一味相 勝義諸佛說無異

若有於中異分別 彼定愚癡依上慢

□ 廣慧菩薩(心、意、識祕密)

攝決擇分中菩薩地之五

復次，心、意、識相，當知如解深密經中，廣慧菩薩請問佛言：

如世尊說：於心、意、識祕密善巧菩薩。於心、意、識祕密善巧菩薩者，齊何名為於心、意、識祕密善巧菩薩？如來齊何施設彼為於心、意、識祕密善巧菩薩？

說是語已，爾時世尊告廣慧菩薩曰：善哉！善哉！廣慧！汝今乃能請問如來如是深義，汝今為欲利益安樂無量眾生，哀愍世間及諸天人、阿素洛等，為令獲得義利安樂，故發斯問。汝應諦聽！吾當為汝說心、意、識祕密義。

廣慧當知！於六趣生死彼彼有情，墮彼彼有情眾中，或在卵生、或在胎生、或在濕生、或在化生身分生起，於中最初一切種子心識成熟，展轉和合增長廣大。

依二執受。

1 有色諸根及所依執受

2 相、名、分別言說戲論習氣執受

有色界中具二執受，無色界中不具二種。

1 阿陀那識	於身隨逐執持
2 阿賴耶識	於身攝受藏隱同安危義
3 心	色聲香味觸等積集、滋長

復次，廣慧！此識亦名阿陀那識。何以故？由此識於身隨逐執持故。

亦名阿賴耶識。何以故？由此識於身攝受藏隱同安危義故。

亦名為心。何以故？由此識色聲香味觸等積集、滋長故。

復次，廣慧！阿陀那識為依止、為建立故，六識身轉。

謂眼識，耳、鼻、舌、身、意識。

此中有識，眼及色為緣，生眼識；與眼識俱隨行，同時、同境有分別意識轉。

有識，耳、鼻、舌、身及聲、香、味、觸為緣，生耳、鼻、舌、身識；與耳、鼻、舌、身識俱隨行，同時、同境有分別意識轉。

廣慧！若於爾時一眼識轉，即於此時唯有一分別意識，與眼識同所行轉；

若於爾時二、三、四、五諸識身轉，即於此時唯有一分別意識，與五識身同所行轉。

廣慧！譬如大暴水流，若有一浪生緣現前，唯一浪轉；

若二、若多浪生緣現前，有多浪轉。

然此洪水自類恆流，無斷無盡。

又如善淨鏡面，若有一影生緣現前，唯一影起；

若二、若多影生緣現前，有多影起。

非此鏡面轉變為影，亦無受用滅盡可得。

如是廣慧！由似暴流阿陀那識為依止、為建立故，

若於爾時一眼識生緣現前，即於此時一眼識轉；

若於爾時乃至有五識身生緣現前，即於此時五識身轉。

廣慧！如是菩薩雖由法住智為依止、為建立故，於心、意、識祕密善巧；

然諸如來不齊於此施設彼為於心、意、識一切祕密善巧菩薩。

廣慧！若諸菩薩，於內各別如實不見阿陀那，不見阿陀那識，不見阿賴耶，不見阿賴耶識，不見積集，不見心，不見眼色及眼識，不見耳聲及耳識，不見鼻香及鼻識，不見舌味及舌識，不見身觸及身識，不見意法及意識，是名勝義善巧菩薩，如來施設彼為勝義善巧菩薩。

廣慧！齊此名為於心、意、識一切祕密善巧菩薩，
如來齊此施設於心、意、識一切祕密善巧菩薩。

爾時世尊欲重宣此義而說頌曰：

阿陀那識甚深細 一切種子如暴流
我於凡愚不開演 恐彼分別執為我

□ 德本菩薩(一切法相)

復次，一切法相，當知如解深密經中，德本菩薩請問佛言：

世尊！如世尊說：於諸法相善巧菩薩。於諸法相善巧菩薩者，齊何名為於諸法相善巧菩薩？如來齊何施設彼為於諸法相善巧菩薩？

說是語已，爾時世尊告德本菩薩曰：善哉！善哉！德本！汝今乃能請問如來如是深義，汝今為欲利益安樂無量眾生，哀愍世間及諸天人、阿素洛等，為令獲得義利安樂，故發斯問。汝應諦聽！吾當為汝說諸法相。

謂諸法相略有三種。何等為三？

1 遍計所執相	云何諸法遍計所執相？謂一切法名假安立自性差別，乃至為令隨起言說。
2 依他起相	云何諸法依他起相？謂一切法緣生自性，則此有故彼有，此生故彼生。謂無明緣行，乃至招集純大苦蘊。
3 圓成實相	云何諸法圓成實相？謂一切法平等真如。於此真如，諸菩薩眾勇猛精進為因緣故，如理作意無倒思惟為因緣故，乃能通達；於此通達漸漸修集，乃至無上正等菩提方證圓滿。

復次，德本！

如眩翳人眼中所有眩翳過患，遍計所執相當知亦爾。

如眩翳人眩翳眾相，或髮毛輪、蜂蠅、芑勝，或復青黃赤白等相差別現前，依他起相當知亦爾。

如淨眼人遠離眼中眩翳過患，即此淨眼本性所行無亂境界，圓成實相當知亦爾。

復次，德本！譬如清淨頗胝迦寶，

若與青染色合，則似帝青、大青末尼寶像。由邪執取帝青、大青末尼寶故，惑亂有情。

若與赤染色合，則似琥珀末尼寶像。由邪執取琥珀末尼寶故，惑亂有情。

若與綠染色合，則似末羅羯多末尼寶像。由邪執取末羅羯多末尼寶故，惑亂有情。

若與黃染色合，則似金像。由邪執取真金像故，惑亂有情。

如是德本！如彼清淨頗胝迦上所有染色相應，依他起相上遍計所執相言說習氣，當知亦爾。

如彼清淨頗胝迦上所有帝青、大青、琥珀、末羅羯多、金等邪執，依他起相上遍計所執相執，當知亦爾。

如彼清淨頗胝迦寶，依他起相當知亦爾。

如彼清淨頗胝迦上所有帝青、大青、琥珀、末羅羯多、真金等相，於常常時、於恆恆時，無有真實，無自性性；
即依他起相上由遍計所執相，於常常時、於恆恆時，無有真實，無自性性，
圓成實相當知亦爾。

復次，德本！

相名相應以為緣故，遍計所執相而可了知。
依他起相上遍計所執相執以為緣故，依他起相而可了知。
依他起相上遍計所執相無執以為緣故，圓成實相而可了知。

復次，德本！

若諸菩薩能於諸法依他起相上，如實了知遍計所執相，即能如實了知一切無相之法。
若諸菩薩如實了知依他起相，即能如實了知一切雜染相法。
若諸菩薩如實了知圓成實相，即能如實了知一切清淨相法。

復次，德本！

若諸菩薩能於依他起相上，如實了知無相之法，即能斷滅雜染相法；
若能斷滅雜染相法，即能證得清淨相法。
如是德本！由諸菩薩如實了知遍計所執相、依他起相、圓成實相故，如實了知諸無相法、雜染相法、清淨相法。如實了知無相法故，斷滅一切雜染相法；
斷滅一切雜染相法故，證得一切清淨相法。
齊此名為於諸法相善巧菩薩，如來齊此施設彼為於諸法相善巧菩薩。

爾時世尊欲重宣此義而說頌曰：

若不了知無相法 雜染相法不能斷
不斷雜染相法故 壞證微妙淨相法
不觀諸行眾過失 放逸過失害眾生
懈怠住法動法中 無有失壞可憐愍

□ 勝義生菩薩(諸法無自性)

復次，諸法無自性相，當知如解深密經中，勝義生菩薩白佛言：
世尊！我曾獨在靜處，心生如是尋思：
世尊以無量門曾說 1 諸蘊所有自相、生相、滅相、永斷、遍知。
如說諸蘊，2 諸處、3 緣起、4 諸食亦爾。
以無量門曾說 5 諸諦所有自相、遍知、永斷、作證、修習。
以無量門曾說 6 諸界所有自相、種種界性、非一界性、永斷、遍知。
以無量門曾說 7 念住所有自相、能治、所治，
及以修習，未生令生，生已堅住、不忘、倍修、增長、廣大。
如說念住，8 正斷、9 神足、10 根、11 力、12 覺支，亦復如是。
以無量門曾說 13 八支聖道所有自相、能治、所治，
及以修習，未生令生，生已堅住、不忘、倍修、增長、廣大。

1 蘊
2 處
3 緣起
4 食
5 諦
6 界
7 念住
8 正斷
9 神足
10 根
11 力
12 覺支
13 八支聖道

世尊復說一切諸法皆無自性、無生無滅、本來寂靜、自性涅槃。
未審世尊依何密意作如是說：一切諸法皆無自性、無生無滅、本來寂靜、自性涅槃？

我今請問如來斯義，唯願如來哀愍解釋說一切法皆無自性、無生無滅、本來寂靜、自性涅槃所有密意。

說是語已，爾時世尊告勝義生菩薩曰：善哉！善哉！勝義生！汝所尋思甚為如理。善哉！善哉！善男子！汝今乃能請問如來如是深義，汝今為欲利益安樂無量眾生，哀愍世間及諸天人、阿素洛等，為令獲得義利安樂，故發斯問。

汝應諦聽！吾當為汝解釋所說一切諸法皆無自性、無生無滅、本來寂靜、自性涅槃所有密意。

勝義生！當知我依三種無自性性，密意說言一切諸法皆無自性。謂

1 相無自性性	善男子！云何諸法相無自性性？所謂諸法遍計所執相。何以故？此由假名安立為相，非由自相安立為相，是故說名相無自性性。
2 生無自性性	云何諸法生無自性性？所謂諸法依他起相。何以故？此由依他緣力故有，非自然有，是故說名生無自性性。
3 勝義無自性性	云何諸法勝義無自性性？ 所謂諸法由生無自性性故，說名無自性性，即緣生法亦名勝義無自性性。 何以故？於諸法中，若是清淨所緣境界，我顯示彼以為勝義無自性性。依他起相非是清淨所緣境界，是故亦說名為勝義無自性性。復有諸法圓成實相，亦名勝義無自性性。 何以故？一切諸法法無我性名為勝義，亦得名為無自性性，以是諸法勝義諦故，無自性性之所顯故。由此因緣，名為勝義無自性性。

善男子！

譬如空華，相無自性性當知亦爾。

譬如幻像，生無自性性當知亦爾，一分勝義無自性性當知亦爾。

譬如虛空，唯是眾色無性所顯，遍一切處，一分勝義無自性性當知亦爾。

法無我性之所顯故，遍一切故。

善男子！我依如是三種無自性性，密意說言一切諸法皆無自性。

勝義生！當知我依相無自性性，密意說言一切諸法無生無滅、本來寂靜、自性涅槃。何以故？

若法自相都無所有，則無有生；若無有生，則無有滅；若無生無滅，則本來寂靜；

若本來寂靜，則自性涅槃，於中都無少分所有，更可令其般涅槃故。

是故我依相無自性性，密意說言一切諸法無生無滅、本來寂靜、自性涅槃。

善男子！我亦依法無我性所顯勝義無自性性，密意說言一切諸法無生無滅、本來寂靜、自性涅槃。何以故？

法無我性所顯勝義無自性性，於常常時、於恆恆時，諸法法性安住無為，一切雜染不相應故；於常常時、於恆恆時，諸法法性安住故無為。

由無為故，無生無滅；一切雜染不相應故，本來寂靜、自性涅槃。

是故我依法無我性所顯勝義無自性性，密意說言一切諸法無生無滅、本來寂靜、自性涅槃。

依三種無自性性	一切諸法皆無自性
依相無自性性	一切諸法無生無滅、本來寂靜、自性涅槃
法無我性所顯勝義無自性性	

復次，勝義生！非由有情界中諸有情類，別觀遍計所執自性為自性故，亦非由彼別觀依他起自性及圓成實自性為自性故，我立三種無自性性。然由有情於依他起自性及圓成實自性上，增益遍計所執自性故，我立三種無自性性。

由遍計所執自性相故，彼諸有情，於依他起自性及圓成實自性中，隨起言說。

如如隨起言說，如是如是由言說熏習心故，或由言說隨覺故，或由言說隨眠故，於依他起自性及圓成實自性中，執著遍計所執自性相。

如如執著，如是如是於依他起自性及圓成實自性上，執著遍計所執自性。

由是因緣，生當來世依他起自性。由此因緣，或為煩惱雜染所染，或為業雜染所染，或為生雜染所染，於生死中長時馳騁、長時流轉，無有休息；

或在那落迦、或在傍生、或在餓鬼、或在天上、或在阿素洛、或在人中，受諸苦惱。

復次，勝義生！若諸有情從本已來，未種善根，未清淨障，未成熟相續，未多修勝解，未能積集福德智慧二種資糧，我為彼故，依生無自性性宣說諸法。

彼聞是已，能於一切緣生行中，隨分解了無常、無恆，是不安隱、變壞法已，於一切行心生怖畏，深起厭患；心生怖畏，深厭患已，遮止諸惡，於諸惡法能不造作，於諸善法能勤修習；習善因故，未種善根能種善根，未清淨障能令清淨，未熟相續能令成熟；由此因緣，多修勝解，亦多積集福德、智慧二種資糧。

彼雖如是種諸善根，乃至積集福德、智慧二種資糧，然於生無自性性中，未能如實了知相無自性性及二種勝義無自性性，於一切行未能正厭，未正離欲，未正解脫，未遍解脫煩惱雜染，未遍解脫諸業雜染，未遍解脫諸生雜染。如來為彼更說法要，謂相無自性性及勝義無自性性，為欲令其於一切行能正厭故，正離欲故，正解脫故，超過一切煩惱雜染故，超過一切業雜染故，超過一切生雜染故。

彼聞如是所說法已，於生無自性性中，能正信解相無自性性及勝義無自性性，簡擇思惟，如實通達。

於依他起自性中，能不執著遍計所執自性相。

由言說不熏習智故，由言說不隨覺智故，由言說離隨眠智故，能滅依他起相。

於現法中智力所持，能永斷滅當來世因。由此因緣，於一切行能正厭患，能正離欲，能正解脫，能遍解脫 1 煩惱、2 業、3 生三種雜染。

復次，勝義生！

諸聲聞乘種性有情，亦由此道、此行跡故，證得無上安隱涅槃；

諸獨覺乘種性有情、諸如來乘種性有情，亦由此道、此行跡故，證得無上安隱涅槃。

一切聲聞、獨覺、菩薩皆共此一妙清淨道，皆同此一究竟清淨，更無第二。

我依此故，密意說言唯有一乘。

非於一切有情界中，無有種種有情種性，或鈍根性、或中根性、或利根性有情差別。

善男子！若一向趣寂聲聞種性補特伽羅，雖蒙諸佛施設種種勇猛加行方便化導，終不能令當坐道場，證得無上正等菩提。何以故？

由彼本來唯有一劣種性故，一向慈悲薄弱故，一向怖畏眾苦故。

由彼一向慈悲薄弱，是故一向棄背利益諸眾生事；

由彼一向怖畏眾苦，是故一向棄背發起諸行所作。

我終不說一向棄背利益眾生事者、一向棄背發起諸行所作者，當坐道場，能得無上正等菩提，是故說彼名為一向趣寂聲聞。

若迴向菩提聲聞種性補特伽羅，我亦異門說為菩薩。何以故？

彼既解脫煩惱障已，若蒙諸佛等覺悟時，於所知障，其心亦可當得解脫。

由彼最初為自利益修行加行，脫煩惱障，是故如來施設彼為聲聞種性。

復次，勝義生！如是於我善說、善制法毗奈耶，最極清淨意樂所說善教法中，諸有情類意解種種差別可得。

善男子！如來但依如是三種無自性性，由深密意，於所宣說不了義經，以隱密相說諸法要，謂一切法皆無自性、無生無滅、本來寂靜、自性涅槃。

1 於是經中，若諸有情已種上品善根，已清淨諸障，已成熟相續，已多修勝解，已能積集上品福德、智慧資糧，彼若聽聞如是法已，於我甚深密意言說如實解了，於如是法深生信解，於如是義以無倒慧如實通達。

依此通達善修習故，速疾能證最極究竟，亦於我所深生淨信，知是如來應正等覺，於一切法現正等覺。

2 若諸有情已種上品善根，已清淨諸障，已成熟相續，已多修勝解，未能積集上品福德、智慧資糧，其性質直，是質直類。

雖無能力能思擇廢立，而不安住自見取中。彼若聽聞如是法已，於我甚深祕密言說，雖無能力能如實解了，然於此法能生勝解，發清淨信，信此經典是如來說，是其甚深、顯現甚深，空性相應，難見難悟，不可尋思，非諸尋思所行境界、微細詳審聰明智者之所解了。

於此經典所說義中，自輕而住，作如是言：諸佛菩提為最甚深，諸法法性亦最甚深，唯佛如來能善了達，非是我等所能解了。諸佛如來為彼種種勝解有情轉正法教，諸佛如來無邊智見，我等智見猶如牛跡。

於此經典，雖能恭敬為他宣說、書寫護持、披閱流布、殷重供養、受誦溫習，然猶未能以其修相發起加行，

是故於我甚深密意所說言辭不能通達。由此因緣，彼諸有情，亦能增長福德、智慧二種資糧，於後相續未成熟者，亦能成熟。

3 若諸有情，廣說乃至未能積集上品福德、智慧資糧，性非質直，非質直類。

雖有能力能思擇廢立，而復安住自見取中。彼若聽聞如是法已，於我甚深密意言說，無有能力能如實解了，於如是法雖生信解，然於其義隨言執著，謂一切法決定皆無自性，決定不生不滅，決定本來寂靜，決定自性涅槃。

由此因緣，於一切法獲得無見及無相見。由得無見、無相見故，撥一切相皆是無相，誹撥諸法遍計所執相、依他起相、圓成實相。

何以故？

由有依他起相及圓成實相故，遍計所執相方可施設。若於依他起相及圓成實相見為無相，彼亦誹撥遍計所執相，是故說彼誹撥三相。

雖於我法起於法想，而非義中起於義想；由於我法起法想故，及非義中起義想故，於是法中持為是法，於非義中持為是義。彼雖於法起信解故，福德增長，然於非義起執著故，退失智慧；智慧退故，退失廣大無量善法。

復有有情從彼聽聞，謂法為法、非義為義。若隨其見，彼即於法起於法想，於非義中起於義想，執法為法，非義為義。

由此因緣，當知同彼退失善法。

若有有情不隨其見，從彼欵聞一切諸法皆無自性、無生無滅、本來寂靜、自性涅槃，便生恐怖，生恐怖已，作如是言：此非佛語，是魔所說。作此解已，於是經典誹謗毀罵。

由此因緣，獲大衰損，觸大業障。

由是因緣，我說若有於一切相起無相見，於非義中宣說為義，是起廣大業障方便，由彼陷墜無量眾生，令其獲得大業障故。

4 善男子！若諸有情未種善根，未清淨障，未熟相續，無多勝解，未集福德智慧資糧，性非質直，非質直類。雖有力能思擇廢立，而常安住自見取中。彼若聽聞如是法已，不能如實解我甚深密意言說，故於此法不生信解，於是法中起非法想，於是義中起非義想，於是法中執為非法，於是義中執為非義。唱如是言：此非佛語，是魔所說。作此解已，於是經典誹謗毀謗，撥為虛偽，以無量門毀滅摧伏如是經典，於諸信解此經典者，起怨家想。

彼先為諸業障所障，由此因緣，復為如是業障所障。如是業障初易施設，乃至齊於百千俱胝那庾多劫無有出期。

善男子！如是於我善說、善制法毗奈耶最極清淨意樂所說善教法中，有如是等諸有情類意解種種差別可得。

爾時世尊欲重宣此義而說頌曰：

一切諸法皆無性	無生無滅本來寂
諸法自性恆涅槃	誰有智言無密意
相生勝義無自性	如是我皆已顯示
若不知佛此密意	失壞正道不能往
依諸淨道清淨者	唯依此一無第二
故於其中立一乘	非有情性無差別
眾生界中無量生	唯度一身趣寂滅
大悲勇猛證涅槃	不捨眾生甚難得
微妙難思無漏界	於中解脫等無差
一切義成離惑苦	二種異說謂常樂

爾時勝義生菩薩復白佛言：世尊！諸佛如來密意語言甚奇希有，乃至微妙、最微妙、甚深、最甚深、難通達、最難通達。

如是我今領解世尊所說義者，若於分別所行遍計所執相所依行相中，假名安立以為色蘊，或自性相、或差別相；假名安立為色蘊生、為色蘊滅，及為色蘊永斷、遍知，或自性相、或差別相；是名遍計所執相。世尊依此施設諸法相無自性性。	遍計所執相
若即分別所行遍計所執相所依行相，是名依他起相。世尊依此施設諸法生無自性性，及一分勝義無自性性。	依他起相
如是我今領解世尊所說義者，若即於此分別所行遍計所執相所依行相中，由遍計所執相不成實故，即此自性無自性性法無我真如清淨所緣，是名圓成實相。世尊依此施設一分勝義無自性性。	圓成實相

如於色蘊，如是於餘蘊皆應廣說。如於諸蘊，如是於十二處，一一處中皆應廣說；於十二有支，一支中皆應廣說；於四種食，一食中皆應廣說；於六界、十八界，一一界中皆應廣說。

如是我今領解世尊所說義者，若於分別所行遍計所執相所依行相中，假名安立以為苦諦、苦諦遍知，或自性相、或差別相，是名遍計所執相。世尊依此施設諸法相無自性性。	遍計所執相
若即分別所行遍計所執相所依行相，是名依他起相。世尊依此施設諸法生無自性性，及一分勝義無自性性。	依他起相
如是我今領解世尊所說義者，若即於此分別所行遍計所執相所依行相中，由遍計所執相不成實故，即此自性無自性性法無我真如清淨所緣，是名圓成實相。世尊依此施設一分勝義無自性性。	圓成實相

如於苦諦，如是於餘諦皆應廣說。如於聖諦，如是於諸念住、正斷、神足、根、力、覺支、道支中，一一皆應廣說。

如是我今領解世尊所說義者，若於分別所行遍計所執相所依行相中，假名安立以為正定，及為正定能治、所治，若正定修，未生令生，生已堅住、不忘、倍修、增長、廣大，或自性相、或差別相，是名遍計所執相。世尊依此施設諸法相無自性性。	遍計所執相
若即分別所行遍計所執相所依行相，是名依他起相。世尊依此施設諸法生無自性性，及一分勝義無自性性。	依他起相
如是我今領解世尊所說義者，若即於此分別所行遍計所執相所依行相中，由遍計所執相不成實故，即此自性無自性性法無我真如清淨所緣，是名圓成實相。世尊依此施設諸法一分勝義無自性性。	圓成實相

1 世尊！譬如毗濕縛藥，一切散藥、仙藥方中皆應安處。

如是世尊！依此諸法皆無自性、無生無滅、本來寂靜、自性涅槃無自性性了義言教，遍於一切不了義經皆應安處。

2 世尊！如彩畫地，遍於一切彩畫事業皆同一味，或青、或黃、或赤、或白，復能顯發彩畫事業。

如是世尊！依此諸法皆無自性，廣說乃至自性涅槃無自性性了義言教，遍於一切不了義經皆同一味，復能顯發彼諸經中所不了義。

3 世尊！譬如一切成熟珍羞諸餅果內，投之熟酥，更生勝味。

如是世尊！依此諸法皆無自性，廣說乃至自性涅槃無自性性了義言教，置於一切不了義經，生勝歡喜。

4 世尊！譬如虛空遍一切處皆同一味，不障一切所作事業。

如是世尊！依此諸法皆無自性，廣說乃至自性涅槃無自性性了義言教，遍於一切不了義經皆同一味，不障一切聲聞、獨覺及諸大乘所修事業。

說是語已，爾時世尊歎勝義生菩薩曰：善哉！善哉！善男子！汝今乃能善解如來所說甚深密意言義，復於此義善作譬喻，所謂世間毗濕縛藥、雜彩畫地、熟酥、虛空。勝義生！如是如是！更無有異。如是如是！汝應受持。

勝義生菩薩復白佛言：

世尊！初於一時，在婆羅痾斯仙人墮處施鹿林中，唯為發趣聲聞乘者，以四諦相轉正法輪，雖是甚奇、甚為希有，一切世間諸天人等，先無有能如法轉者，而於彼時所轉法輪，有上、有容，是未了義，是諸諍論安足處所。

世尊在昔第二時中，唯為發趣修大乘者，依一切法皆無自性、無生無滅、本來寂靜、自性涅槃，以隱密相轉正法輪，雖更甚奇、甚為希有，而於彼時所轉法輪，亦是有上、有所容受，猶未了義，是諸諍論安足處所。

世尊於今第三時中，普為發趣一切乘者，依一切法皆無自性、無生無滅、本來寂靜、自性涅槃無自性性，以顯了相轉正法輪，第一甚奇最為希有，於今世尊所轉法輪，無上、無容，是真了義，非諸諍論安足處所。

世尊！若善男子、或善女人，於此如來依一切法皆無自性、無生無滅、本來寂靜、自性涅槃所說甚深了義言教，聞已信解、書寫護持、供養流布、受誦溫習、如理思惟、以其修相發起加行，生幾所福？

說是語已，爾時世尊告勝義生菩薩曰：

勝義生！是善男子、或善女人，其所生福無量無數，難可喻知，吾今為汝略說少分。

如爪上土比大地土，百分不及一，千分不及一，百千分不及一，數算計喻鄔波尼殺曇分亦不及一。

或如牛跡中水比四大海水，百分不及一，廣說乃至鄔波尼殺曇分亦不及一。

如是於諸不了義經聞已信解，廣說乃至以其修相發起加行所獲功德，比此所說了義經教聞已信解所集功德，廣說乃至以其修相發起加行所集功德，百分不及一，廣說乃至鄔波尼殺曇分亦不及一。

說是語已，勝義生菩薩復白佛言：

世尊！於是解深密法門中，當何名此教？我當云何奉持？

佛告勝義生菩薩曰：

善男子！此名勝義了義之教，於此勝義了義之教，汝當奉持。

說此勝義了義教時，於大會中，

有六百千眾生發阿耨多羅三藐三菩提心；

三百千聲聞遠塵離垢，於諸法中得法眼淨；

一百五十千聲聞永盡諸漏，心得解脫；

七十五千菩薩得無生法忍。

□ 慈氏菩薩(攝奢摩他、毗鉢舍那)

攝決擇分中菩薩地之六

復次，依法假安立分別解說瑜伽所攝奢摩他、毗鉢舍那道，

◆ 何依何住

當知如解深密經中，慈氏菩薩白佛言：

世尊！菩薩何依、何住，於大乘中修奢摩他、毗鉢舍那？

佛告慈氏菩薩曰：善男子！當知

1 菩薩法假安立

2 不捨無上正等覺願為依、為住

於大乘中修奢摩他、毗鉢舍那。

◆ 四種所緣境事

世尊！如說四種所緣境事，

1 有分別影像所緣境事	毗鉢舍那所緣境事
2 無分別影像所緣境事	奢摩他所緣境事
3 事邊際所緣境事	俱所緣境事
4 所作成辦所緣境事	

於此四中，幾是奢摩他所緣境事？幾是毗鉢舍那所緣境事？幾是俱所緣境事？

善男子！

一是奢摩他所緣境事，謂無分別影像。

一是毗鉢舍那所緣境事，謂有分別影像。

二是俱所緣境事，謂事邊際、所作成辦。

◆ 能求能善

世尊！云何菩薩依此四種奢摩他、毗鉢舍那所緣境事，能求奢摩他，能善毗鉢舍那？

善男子！如我為諸菩薩所說法假安立，所謂契經、應頌、記別、諷誦、自說、因緣、譬喻、本事、本生、方廣、希法、論議。菩薩於此善聽、善受，言善通利、意善尋思、見善通達，即於如所善思惟法，獨處空閑，作意思惟。

◎復即於此能思惟心，內心相續作意思惟，

如是正行多安住故，起身輕安及心輕安，是名奢摩他。

如是菩薩能求奢摩他。

◎彼由獲得身心輕安為所依故，

即於如所善思惟法內三摩地所行影像，觀察、勝解、捨離心相。

即於如是三摩地影像所知義中，能正思擇、最極思擇、周遍尋思、周遍伺察。

若忍、若樂、若慧、若見、若觀，是名毗鉢舍那。

如是菩薩能善毗鉢舍那。

◆ 隨順

世尊！若諸菩薩緣心為境，內思惟心，乃至未得身心輕安所有作意，當名何等？

善男子！非奢摩他作意，是隨順奢摩他勝解相應作意。

世尊！若諸菩薩乃至未得身心輕安，於如所思所有諸法內三摩地所緣影像，作意思惟，如是作意當名何等？

善男子！非毗鉢舍那作意，是隨順毗鉢舍那勝解相應作意。

◆ 有異無異

世尊！奢摩他道與毗鉢舍那道，當言有異？當言無異？

善男子！當言非有異、非無異。

何故非有異？以毗鉢舍那所緣境心為所緣故。

何故非無異？有分別影像非所緣故。

世尊！諸毗鉢舍那三摩地所行影像，彼與此心當言有異？當言無異？

善男子！當言無異。何以故？

由彼影像唯是識故。善男子！我說識所緣，唯識所現故。

世尊！若彼所行影像，即與此心無有異者，云何此心還見此心？

善男子！此中無有少法能見少法，然即此心如是生時，即有如是影像顯現。

善男子！如依善瑩清淨鏡面，以質為緣還見本質，而謂我今見於影像，及謂離質別有所行影像顯現。如是此心生時，相似有異三摩地所行影像顯現。

世尊！若諸有情自性而住，緣色等心所行影像，彼與此心亦無異耶？

善男子！亦無有異。而諸愚夫由顛倒覺，於諸影像不能如實知唯是識，作顛倒解。

◆ 一向修/俱轉

世尊！齊何當言菩薩一向修毗鉢舍那？善男子！若相續作意，唯思惟心相。

世尊！齊何當言菩薩一向修奢摩他？善男子！若相續作意，唯思惟無間心。

世尊！齊何當言菩薩奢摩他、毗鉢舍那和合俱轉？善男子！若正思惟心一境性。

世尊！云何心相？善男子！謂三摩地所行有分別影像，毗鉢舍那所緣。

世尊！云何無間心？善男子！謂緣彼影像心，奢摩他所緣。

世尊！云何心一境性？

善男子！謂通達三摩地所行影像唯是其識；或通達此已，復思惟如性。

◆ 幾種

世尊！毗鉢舍那凡有幾種？善男子！略有三種。

1 有相毗鉢舍那	云何有相毗鉢舍那？謂純思惟三摩地所行有分別影像毗鉢舍那。
2 尋求毗鉢舍那	云何尋求毗鉢舍那？謂由慧故，遍於彼彼未善解了一切法中，為善了故，作意思惟毗鉢舍那。
3 伺察毗鉢舍那	云何伺察毗鉢舍那？謂由慧故，遍於彼彼已善解了一切法中，為善證得極解脫故，作意思惟毗鉢舍那。

世尊！是奢摩他凡有幾種？

善男子！即由隨彼無間心故，當知此中亦有三種。

復有八種。謂初靜慮乃至非想非非想處，各有一種奢摩他故。

復有四種。謂慈悲喜捨四無量中，各有一種奢摩他故。

◆ 依法/不依法

世尊！如說依法奢摩他、毗鉢舍那，復說不依法奢摩他、毗鉢舍那，云何名依法？云何復名不依法？

◎善男子！若隨所受、所思法相，而於其義得奢摩他、毗鉢舍那，名依法。

◎若不待於所受、所思所有法相，

但依止他教誡教授，而於其義得奢摩他、毗鉢舍那，

調觀青瘀及膿爛等，或一切行皆是無常，或諸行苦，或一切法皆無有我，

或復涅槃畢竟寂靜，如是等類奢摩他、毗鉢舍那，名不依法。

由依止法得奢摩他、毗鉢舍那，故我施設隨法行菩薩是利根性；

由不依法得奢摩他、毗鉢舍那，故我施設隨信行菩薩是鈍根性。

◆ 別法/總法

世尊！如說緣別法奢摩他、毗鉢舍那，復說緣總法奢摩他、毗鉢舍那。

云何名緣別法奢摩他、毗鉢舍那？云何復名緣總法奢摩他、毗鉢舍那？

善男子！

若諸菩薩緣於各別契經等法，於如所受、所思惟法，修奢摩他、毗鉢舍那，是名緣別法奢摩他、毗鉢舍那。	緣別法
若諸菩薩即緣一切契經等法，集為一團、一積、一分、一聚，作意思惟，此一切法隨順真如、趣向真如、臨入真如，隨順菩提、隨順涅槃、隨順轉依，及趣向彼、若臨入彼，此一切法宣說無量無數善法。如是思惟修奢摩他、毗鉢舍那，是名緣總法奢摩他、毗鉢舍那。	緣總法

世尊！如說緣小總法奢摩他、毗鉢舍那，復說緣大總法奢摩他、毗鉢舍那，又說緣無量總法奢摩他、毗鉢舍那。

云何名緣小總法奢摩他、毗鉢舍那？云何名緣大總法奢摩他、毗鉢舍那？

云何復名緣無量總法奢摩他、毗鉢舍那？

善男子！

若緣各別契經，乃至各別論議，為一團等作意思惟，當知是名緣小總法奢摩他、毗鉢舍那。	小總法
若緣乃至所受、所思契經等法，為一團等作意思惟，非緣各別，當知是名緣大總法奢摩他、毗鉢舍那。	大總法
若緣無量如來法教、無量法句文字、無量後後慧所照了，為一團等作意思惟，非緣乃至所受、所思，當知是名緣無量總法奢摩他、毗鉢舍那。	無量總法

世尊！菩薩齊何名得緣總法奢摩他、毗鉢舍那？

善男子！由五緣故，當知名得。

1 於思惟時，剎那剎那融消一切羶重所依；
2 離種種想得樂法樂；
3 解了十方無差別相無量法光；
4 所作成滿相應淨分無分別相恆現在前；
5 為令法身得成滿故，攝受後後轉勝妙因。

世尊！此緣總法奢摩他、毗鉢舍那，當知從何名為通達？從何名得？
善男子！

1 從初極喜地名為通達

2 從第三發光地乃名為得

善男子！初業菩薩亦於是中隨學作意，雖未可歎，不應解廢。

◆ 尋/伺

世尊！是奢摩他、毗鉢舍那，

云何名有尋有伺三摩地？云何名無尋唯伺三摩地？云何名無尋無伺三摩地？

善男子！於如所取尋伺法相，若有麤顯領受觀察諸奢摩他、毗鉢舍那， 是名有尋有伺三摩地。

若於彼相雖無麤顯領受觀察，而有微細彼光明念領受觀察諸奢摩他、毗鉢舍那， 是名無尋唯伺三摩地。

若即於彼一切法相，都無作意領受觀察諸奢摩他、毗鉢舍那，是名無尋無伺三摩地。

復次，善男子！

若有尋求奢摩他、毗鉢舍那，是名有尋有伺三摩地。

若有伺察奢摩他、毗鉢舍那，是名無尋唯伺三摩地。

若緣總法奢摩他、毗鉢舍那，是名無尋無伺三摩地。

◆ 止/舉/捨相

世尊！云何止相？云何舉相？云何捨相？

善男子！若心掉舉，或恐掉舉時，諸可厭法作意及彼無間心作意，是名止相。

若心沈沒，或恐沈沒時，諸可欣法作意及彼心相作意，是名舉相。

若於一向止道、或於一向觀道、或於雙運轉道，二隨煩惱所染汙時，諸無功用 作意及心任運轉中所有作意，是名捨相。
--

止

舉

捨

◆ 知法知義

世尊！修奢摩他、毗鉢舍那諸菩薩眾，知法、知義，云何知法？云何知義？

善男子！彼諸菩薩，由五種相了知於法。

1 知名	云何為名？謂於一切染淨法中，所立自性想假施設。
------	-------------------------

2 知句	云何為句？謂即於彼名聚集中，能隨宣說諸染淨義依持建立。
------	-----------------------------

3 知文	云何為文？謂即彼二所依止字。
------	----------------

4 知別	云何於彼各別了知？謂由各別所緣作意。
------	--------------------

5 知總	云何於彼總合了知？謂由總合所緣作意。
------	--------------------

如是一切總略為一，名為知法。如是名為菩薩知法。

善男子！彼諸菩薩，由十種相了知於義。

1 知盡所有性	善男子！盡所有性者，調諸雜染、清淨法中所有一切品別邊際，是名此中盡所有性。 如五數蘊、六數內處、六數外處，如是一切。							
2 知如所有性	如所有性者，調即一切染淨法中所有真如，是名此中如所有性。此復七種。 <table><tr><td>1 流轉真如，調一切行無先後性</td></tr><tr><td>2 相真如，調一切法補特伽羅無我性及法無我性</td></tr><tr><td>3 了別真如，調一切行唯是識性</td></tr><tr><td>4 安立真如，調我所說諸苦聖諦</td></tr><tr><td>5 邪行真如，調我所說諸集聖諦</td></tr><tr><td>6 清淨真如，調我所說諸滅聖諦</td></tr><tr><td>7 正行真如，調我所說諸道聖諦</td></tr></table> 當知此中，由流轉真如、安立真如、邪行真如故，一切有情平等平等。 由相真如、了別真如故，一切諸法平等平等。 由清淨真如故，一切聲聞菩提、獨覺菩提、阿耨多羅三藐三菩提平等平等。 由正行真如故，聽聞正法，緣總境界勝奢摩他、毗鉢舍那所攝受慧平等平等。	1 流轉真如，調一切行無先後性	2 相真如，調一切法補特伽羅無我性及法無我性	3 了別真如，調一切行唯是識性	4 安立真如，調我所說諸苦聖諦	5 邪行真如，調我所說諸集聖諦	6 清淨真如，調我所說諸滅聖諦	7 正行真如，調我所說諸道聖諦
1 流轉真如，調一切行無先後性								
2 相真如，調一切法補特伽羅無我性及法無我性								
3 了別真如，調一切行唯是識性								
4 安立真如，調我所說諸苦聖諦								
5 邪行真如，調我所說諸集聖諦								
6 清淨真如，調我所說諸滅聖諦								
7 正行真如，調我所說諸道聖諦								
3 知能取義	能取義者，調內五色處，若心、意、識及諸心法。							
4 知所取義	所取義者，調外六處。又能取義亦所取義。							
5 知建立義	建立義者，調器世界。於中可得建立一切諸有情界。 調一村田，若百村田，若千村田，若百千村田；或一大地至海邊際，此百此千，若此百千；或一瞻部洲，此百此千，若此百千；或一四大洲，此百此千，若此百千；或一小千世界，此百此千，若此百千；或一中千世界，此百此千，若此百千；或一三千大千世界，此百此千，若此百千；或此拘胝，此百拘胝，此千拘胝，此百千拘胝；或此無數，此百無數，此千無數，此百千無數；或三千大千世界無數百千微塵量等，於十方面無量無數諸器世界。							
6 知受用義	受用義者，調我所說諸有情類，為受用故，攝受資具。							
7 知顛倒義	顛倒義者，調即於彼能取等義，無常計常，想倒、心倒、見倒；苦計為樂、不淨計淨、無我計我，想倒、心倒、見倒。							
8 知無倒義	無倒義者，與上相違，能對治彼，應知其相。							
9 知雜染義	雜染義者，調三界中三種雜染。一者、煩惱雜染，二者、業雜染，三者、生雜染。							
10 知清淨義	清淨義者，調即如是三種雜染所有離繫菩提分法。							

善男子！如是十種，當知普攝一切諸義。

復次，善男子！彼諸菩薩，由能了知五種義故，名為知義。何等五義？

1 遍知事	善男子！遍知事者，當知即是一切所知。 謂或諸蘊，或諸內處，或諸外處，如是一切。
2 遍知義	遍知義者，乃至所有品類差別所應知境，或世俗故，或勝義故，或功德故，或過失故，緣故，世故，或生、或住、或壞相故， 或如病等故，或苦集等故，或真如、實際、法界等故，或廣略故，或一向記故，或分別記故，或反問記故，或置記故，或隱密故，或顯了故。 如是等類，當知一切名遍知義。
3 遍知因	言遍知因者，當知即是能取前二菩提分法。 謂諸念住或正斷等。
4 得遍知果	得遍知果者，謂貪恚癡斷毗奈耶，及貪恚癡一切永斷諸沙門果，及我所說聲聞、如來，若共不共、世出世間所有功德，於彼作證。
5 於此覺了	於此覺了者，謂即於此作證法中諸解脫智，廣為他說宣揚開示。

善男子！如是五義，當知普攝一切諸義。

復次，善男子！彼諸菩薩，由能了知四種義故，名為知義。
何等四義？

1 心執受義
2 領納義
3 了別義
4 雜染、清淨義

善男子！如是四義，當知普攝一切諸義。

復次，善男子！彼諸菩薩，由能了知三種義故，名為知義。
何等三義？

1 文義
2 義義
3 界義

1 善男子！言文義者，謂名身等。

2 義義者，當知復有十種。

1 真實相
2 遍知相
3 永斷相
4 作證相
5 修習相
6 即彼真實相等品差別相
7 所依、能依相屬相
8 即遍知等障礙法相
9 即彼隨順法相
10 不遍知等及遍知等過患、功德相

3 言界義者，調五種界。

1 器世界
2 有情界
3 法界
4 所調伏界
5 調伏加行界

善男子！如是三義，當知普攝一切諸義。

世尊！

若 1 聞所成慧了知其義，

若 2 思所成慧了知其義，

若 3 奢摩他、毗鉢舍那修所成慧了知其義，

此何差別？

1 善男子！聞所成慧依止於文，但如其說，未善意趣，未現在前，隨順解脫，未能領受成解脫義。

2 思所成慧亦依於文，不唯如說，亦善意趣，未現在前，轉順解脫，未能領受成解脫義。

3 若諸菩薩修所成慧，亦依於文，亦不依文，亦如其說，亦不如說，能善意趣，所知事同分三摩地所行影像現前，極順解脫，已能領受成解脫義。

善男子！是名三種知義差別。

◆ 智、見

世尊！修奢摩他、毗鉢舍那諸菩薩眾，知法、知義，云何為智？云何為見？

善男子！我無量門宣說智、見二種差別，今當為汝略說其相。

若緣總法修奢摩他、毗鉢舍那所有妙慧，是名為智；

若緣別法修奢摩他、毗鉢舍那所有妙慧，是名為見。

◆ 除遣諸相

世尊！修奢摩他、毗鉢舍那諸菩薩眾，由何作意，何等云何除遣諸相？

善男子！由真如作意除遣法相及與義相。

若於其名及名自性無所得時，亦不觀彼所依之相，如是除遣。

如於其名，於句、於文、於一切義，當知亦爾。乃至於界及界自性無所得時，亦不觀彼所依之相，如是除遣。

世尊！諸所了知真如義相，此真如相亦可遣不？

善男子！於所了知真如義中都無有相，亦無所得，當何所遣。

善男子！我說了知真如義時，能伏一切法義之相，非此了達餘所能伏。

世尊！如世尊說濁水器喻、不淨鏡喻、撓泉池喻，不任觀察自面影相。若堪任者，與上相違。

如是若有不善修心，則不堪任如實觀察所有真如；若善修心，堪任觀察。

此說何等能觀察心？依何真如而作是說？

善男子！此說三種能觀察心，謂

1 聞所成能觀察心、若 2 思所成能觀察心、若 3 修所成能觀察心。

依了別真如作如是說。

◆ 空能除遣十種相

世尊！如是了知法義菩薩，為遣諸相勤修加行，有幾種相難可除遣？誰能除遣？善男子！有十種相，空能除遣。何等為十？

1 了知法義故，有種種文字相，此由一切法空能正除遣。	一切法空
2 了知安立真如義故，有生滅住異性相續隨轉相，此由相空及無先後空能正除遣。	相空/ 無先後空
3 了知能取義故，有顧戀身相及我慢相，此由內空及無所得空能正除遣。	內空/ 無所得空
4 了知所取義故，有顧戀財相，此由外空能正除遣。	外空
5 了知受用義男女承事資具相應故，有內安樂相、外淨妙相，此由內外空及本性空能正除遣。	內空/ 外空/ 本性空
6 了知建立義故，有無量相，此由大空能正除遣。	大空
7 了知無色故，有內寂靜解脫相，此由有為空能正除遣。	有為空
8 了知相真如義故，有補特伽羅無我相、法無我相、若唯識相及勝義相，此由畢竟空、無性空、無性自性空及勝義空能正除遣。	畢竟空/無性空/ 無性自性空/ 勝義空
9 了知清淨真如義故，有無為相、無變異相，此由無為空、無變異空能正除遣。	無為空/ 無變異空
10 即於彼相對治空性作意思惟故，有空性相，此由空空能正除遣。	空空

世尊！除遣如是十種相時，除遣何等？從何等相而得解脫？

善男子！除遣三摩地所行影像相，從雜染縛相而得解脫，彼亦除遣。

善男子！當知就勝，說如是空治如是相，非不一一治一切相。

譬如無明，非不能生乃至老死諸雜染法，就勝但說能生於行，由是諸行親近緣故。此中道理，當知亦爾。

世尊！此中何等空是總空性相？若諸菩薩了知是已，無有失壞，於空性相離增上慢。爾時世尊歎慈氏菩薩曰：善哉！善哉！善男子！汝今乃能請問如來如是深義，令諸菩薩於空性相無有失壞。何以故？善男子！若諸菩薩於空性相有失壞者，便為失壞一切大乘。是故汝應諦聽諦聽，當為汝說總空性相。

善男子！若於依他起相及圓成實相中，一切品類雜染、清淨遍計所執相畢竟遠離性，及於此中都無所得，如是名為於大乘中總空性相。

◆ 攝

世尊！此奢摩他、毗鉢舍那，能攝幾種勝三摩地？

善男子！如我所說，無量聲聞、菩薩、如來有無量種勝三摩地，當知一切皆此所攝。

◆ 因果

世尊！此奢摩他、毗鉢舍那，以何為因？

善男子！清淨尸羅、清淨聞思所成正見以為其因。

世尊！此奢摩他、毗鉢舍那，以何為果？

善男子！善清淨心、善清淨慧以為其果。

復次，善男子！一切聲聞及如來等所有世間及出世間一切善法，當知皆是此奢摩他、毗鉢舍那所得之果。

◆ 作業

世尊！此奢摩他、毗鉢舍那，能作何業？
善男子！此能解脫二縛為業，所謂相縛及麤重縛。

◆ 障

世尊！如佛所說五種繫中，幾是奢摩他障？幾是毗鉢舍那障？幾是俱障？

善男子！顧戀身財，是奢摩他障。

於諸聖教不得隨欲，是毗鉢舍那障。

樂相雜住、於少喜足，當知俱障。

由第一故，不能造修；由第二故，所修加行不到究竟。

掉舉惡作	奢摩他障
昏沈睡眠	毗鉢舍那障
疑	
貪欲	俱障
瞋恚	

世尊！於五蓋中，幾是奢摩他障？幾是毗鉢舍那障？幾是俱障？善男子！

掉舉惡作，是奢摩他障；昏沈睡眠、疑，是毗鉢舍那障；貪欲、瞋恚，當知俱障。

◆ 圓滿清淨

世尊！齊何名得奢摩他道圓滿清淨？

善男子！乃至所有昏沈睡眠正善除遣，齊是名得奢摩他道圓滿清淨。

世尊！齊何名得毗鉢舍那道圓滿清淨？

善男子！乃至所有掉舉惡作正善除遣，齊是名得毗鉢舍那道圓滿清淨。

◆ 散動

世尊！若諸菩薩，於奢摩他、毗鉢舍那現在前時，應知幾種心散動法？

善男子！應知五種。

1 作意散動	善男子！若諸菩薩捨於大乘相應作意，墮在聲聞、獨覺相應諸作意中，當知是名作意散動。
2 外心散動	若於其外五種妙欲諸雜亂相所有尋思、隨煩惱中，及於其外所緣境中，縱心流散，當知是名外心散動。
3 內心散動	若由昏沈及以睡眠，或由沈沒，或由愛味三摩鉢底，或由隨一三摩鉢底諸隨煩惱之所染汙，當知是名內心散動。
4 相散動	若依外相，於內等持所行諸相作意思惟，名相散動。
5 麤重散動	若內作意為緣生起所有諸受，由麤重身計我起慢，當知是名麤重散動。

◆ 治障

世尊！此奢摩他、毗鉢舍那，從初菩薩地乃至如來地，能對治何障？

善男子！此奢摩他、毗鉢舍那，

於初地中，對治惡趣煩惱、業、生雜染障。
第二地中，對治微細誤犯現行障。
第三地中，對治欲貪障。
第四地中，對治定愛及法愛障。
第五地中，對治生死涅槃一向背趣障。
第六地中，對治相多現行障。
第七地中，對治細相現行障。
第八地中，對治於無相作功用及於有相不得自在障。
第九地中，對治於一切種善巧言辭不得自在障。
第十地中，對治不得圓滿法身證得障。

善男子！此奢摩他、毗鉢舍那，於如來地，對治極微細、最極微細煩惱障及所知障。由能永害如是障故，究竟證得無著無礙一切智見，依於所作成滿所緣，建立最極清淨法身。

◆ 證得阿耨多羅三藐三菩提

世尊！云何菩薩依奢摩他、毗鉢舍那勤修行故，證得阿耨多羅三藐三菩提？

善男子！若諸菩薩已得奢摩他、毗鉢舍那，依七真如，於如所聞、所思法中，由勝定心，於 1 善審定、於 2 善思量、於 3 善安立真如性中內正思惟。

彼於真如正思惟故，心於一切細相現行尚能棄捨，何況麤相。

善男子！言細相者，謂心所執受相，或領納相，或了別相，或雜染、清淨相，或內相，或外相，或內外相，或謂我當修行一切利有情相，或正智相，或真如相，或苦集滅道相，或有為相，或無為相，或有常相，或無常相，或苦有變異性相，或苦無變異性相，或有為異相相，或有為同相相，或知一切是一切已有一切相，或補特伽羅無我相，或法無我相。

於彼現行心能棄捨。

彼既多住如是行故，於時時間，從其一切繫、蓋、散動善修治心。

從是已後，於七真如，有七各別自內所證通達智生，名為見道。

由得此故，名入菩薩正性離生，生如來家，證得初地。又能受用此地勝德。

彼於先時，由得奢摩他、毗鉢舍那故，已得二種所緣，

謂有分別影像所緣，及無分別影像所緣。彼於今時得見道故，更證得事邊際所緣。

復於後後一切地中，進趣修道，即於如是三種所緣作意思惟。

譬如有人以其細楔出於麤楔，如是菩薩依此以楔出楔方便遣內相故，

一切隨順雜染分相皆悉除遣；相除遣故，麤重亦遣。

永害一切相、麤重故，漸次於彼後後地中，如鍊金法陶鍊其心，

乃至證得阿耨多羅三藐三菩提，又得所作成滿所緣。

善男子！如是菩薩於內止觀正修行故，證得阿耨多羅三藐三菩提。

◆ 引發廣大威德

世尊！云何修行引發菩薩廣大威德？

善男子！若諸菩薩善知六處，便能引發菩薩所有廣大威德。

1 善知心生
2 善知心住
3 善知心出
4 善知心增
5 善知心減
6 善知方便

◇ 1 善知心生

云何善知心生？謂如實知十六行心生起差別，是名善知心生。十六行心生起差別者。

1 不可覺知堅住器識生，謂阿陀那識。
2 種種行相所緣識生，謂頓取一切色等境界分別意識，及頓取內外境界覺受，或頓於一念瞬息須臾現入多定、見多佛土、見多如來分別意識。
3 小相所緣識生，謂欲界繫識。
4 大相所緣識生，謂色界繫識。
5 無量相所緣識生，謂空、識無邊處繫識。
6 微細相所緣識生，謂無所有處繫識。
7 邊際相所緣識生，謂非想非非想處繫識。
8 無相識生，謂出世識及緣滅識。
9 苦俱行識生，謂那落迦識。
10 雜受俱行識生，謂欲行識。
11 喜俱行識生，謂初二靜慮識。
12 樂俱行識生，謂第三靜慮識。
13 不苦不樂俱行識生，謂從第四靜慮乃至非想非非想處識。
14 染汙俱行識生，謂諸煩惱及隨煩惱相應識。
15 善俱行識生，謂信等相應識。
16 無記俱行識生，謂彼俱不相應識。

◇ 2 善知心住

云何善知心住？謂如實知了別真如。

◇ 3 善知心出

云何善知心出？謂如實知出二種縛，所謂相縛及羂重縛。此能善知，應令其心從如是出。

◇ 4 善知心增

云何善知心增？謂如實知能治相縛、羂重縛心，彼增長時、彼積集時，亦得增長、亦得積集，名善知增。

◇ 5 善知心減

云何善知心減？謂如實知彼所對治相及羂重所雜染心，彼衰退時、彼損減時，此亦衰退、此亦損減，名善知減。

◇ 6 善知方便

云何善知加行？謂如實知解脫、勝處及與遍處，或修、或遣。

善男子！如是菩薩於諸菩薩廣大威德，或已引發、或當引發、或現引發。

◆ 無餘永滅

世尊！如世尊說：於無餘依涅槃界中，一切諸受無餘永滅。何等諸受於此永滅？

善男子！以要言之，有二種受無餘永滅。何等為二？

- | |
|---------|
| 1 所依羂重受 |
| 2 彼果境界受 |

所依羶重受，當知有四種。

1 有色所依受
2 無色所依受
3 果已成滿羶重受
4 果未成滿羶重受

果已成滿受者，謂現在受。果未成滿受者，謂未來因受。

彼果境界受，亦有四種。

1 依持受
2 資具受
3 受用受
4 顧戀受

於有餘依涅槃界中，果未成滿受一切已滅，領彼對治明觸生受領受共有，或復彼果已成滿受。

又二種受一切已滅，唯現領受明觸生受。

於無餘依涅槃界中，般涅槃時，此亦永滅。

是故說言於無餘依涅槃界中，一切諸受無餘永滅。

爾時世尊說是語已，告慈氏菩薩曰：

善哉！善哉！善男子！汝今善能依止圓滿最極清淨妙瑜伽道請問如來。

汝於瑜伽已得決定最極善巧，吾已為汝宣說圓滿最極清淨妙瑜伽道，所有一切過去、未來正等覺者，已說、當說皆亦如是。

諸善男子、若善女人，皆應依此勇猛精進，當正修學。

爾時世尊欲重宣此義而說頌曰：

於法假立瑜伽中	若行放逸失大義
依止此法及瑜伽	若正修行得大覺
見有所得求免難	若謂此見為得法
慈氏彼去瑜伽遠	譬如大地與虛空
利生堅固而不作	悟已勤修利有情
智者作此窮劫量	便得最上離染喜
若人為欲而說法	彼名捨欲還取欲
愚癡得法無價寶	反更遊行而乞丐
於諍誼雜戲論著	應捨發起上精進
為度諸天及世間	於此瑜伽汝當學

爾時慈氏菩薩復白佛言：世尊！於是解深密法門中，當何名此教？我當云何奉持？

佛告慈氏：此名瑜伽了義之教，於此瑜伽了義之教，汝當奉持。

說此瑜伽了義教時，於大會中，

有六百千眾生發阿耨多羅三藐三菩提心；

三百千聲聞遠塵離垢，於諸法中得法眼淨；

一百五十千聲聞諸漏永盡，心得解脫；

七十五千菩薩獲得廣大瑜伽作意。

□ 觀自在菩薩(如實大乘)

◆ 十一地

攝決擇分中菩薩地之七

復次，依乘假立，分別解說如實大乘，當知如解深密經中，觀自在菩薩白佛言：世尊！如佛所說菩薩十地，所謂 1 極喜地、2 離垢地、3 發光地、4 焰慧地、5 極難勝地、6 現前地、7 遠行地、8 不動地、9 善慧地、10 法雲地，復說 11 佛地為第十一。如是諸地，幾種清淨？幾分所攝？佛告觀自在菩薩曰：善男子！當知諸地，四種清淨，十一分攝。

◇ 四種清淨

云何四種清淨能攝諸地？謂

1 增上意樂清淨，攝於初地
2 增上戒清淨，攝第二地
3 增上心清淨，攝第三地
4 增上慧清淨，於後後地轉勝妙故，當知能攝從第四地乃至佛地

善男子！當知如是四種清淨普攝諸地。

1 極喜地	增上意樂清淨
2 離垢地	增上戒清淨
3 發光地	增上心清淨
4 焰慧地	增上慧清淨
5 極難勝地	
6 現前地	
7 遠行地	
8 不動地	
9 善慧地	
10 法雲地	
11 佛地	

◇ 十一分攝

云何十一種分能攝諸地？

1 謂諸菩薩先於勝解行地，依十法行極善修習勝解忍故，超過彼地，證入菩薩正性離生。彼諸菩薩由是因緣，此分圓滿。
2 而未能於微細毀犯誤現行中正知而住。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
3 而未能得世間圓滿等持、等至，及圓滿聞持陀羅尼。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
4 而未能令隨所獲得菩提分法多修習住，心未能捨諸等至愛及與法愛。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
5 而未能於諸諦道理如實觀察，又未能於生死涅槃棄捨一向背趣作意，又未能修方便所攝菩提分法。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
6 而未能於生死流轉如實觀察，又由於彼多生厭故，未能多住無相作意。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
7 而未能令無相作意無關無間多修習住。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
8 而未能於無相住中捨離功用，又未能得於相自在。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。
9 而未能於異名、眾相、訓詞、差別，一切品類宣說法中得大自在。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。

10 而未能得圓滿法身現前證受。由是因緣，於此分中猶未圓滿。為令此分得圓滿故，精勤修習便能證得。彼諸菩薩由是因緣，此分圓滿。

11 而未能得遍於一切所知境界無著無礙妙智妙見。由是因緣，於此分中猶未圓滿。為令此分得圓滿故，精勤修習便能證得。由是因緣，此分圓滿；此分滿故，於一切分皆得圓滿。

善男子！當知如是十一種分普攝諸地。

◆ 名

世尊！何緣最初名極喜地？乃至何緣說名佛地？善男子！

1 成就大義，得未曾得出世間心，生大歡喜，是故最初名極喜地。

2 遠離一切微細犯戒，是故第二名離垢地。

3 由彼所得三摩地及聞持陀羅尼能為無量智光依止，是故第三名發光地。

4 由彼所得菩提分法，燒諸煩惱智如火焰，是故第四名焰慧地。

5 由即於彼菩提分法方便修習，最極艱難方得自在，是故第五名極難勝地。

6 現前觀察諸行流轉，又於無相多修作意方現在前，是故第六名現前地。

7 能遠證入無闕無間無相作意，與清淨地共相鄰接，是故第七名遠行地。

8 由於無相得無功用，於諸相中不為現行煩惱所動，是故第八名不動地。

9 於一切種說法自在，獲得無量廣大智慧，是故第九名善慧地。

10 羶重之身廣如虛空，法身圓滿，譬如大雲皆能遍覆，是故第十名法雲地。

11 永斷最極微細煩惱及所知障，無著無礙，於一切種所知境界現正等覺，故第十一說名佛地。

◆ 愚癡/羶重

世尊！於此諸地，有幾愚癡、有幾羶重為所對治？

善男子！此諸地中，有二十二種愚癡、十一種羶重為所對治。謂

1 於初地有二愚癡，

1 執著補特伽羅及法愚癡

2 惡趣雜染愚癡

及彼羶重為所對治。

2 於第二地有二愚癡，

1 微細誤犯愚癡

2 種種業趣愚癡

及彼羶重為所對治。

3 於第三地有二愚癡，

1 欲貪愚癡

2 圓滿聞持陀羅尼愚癡

及彼羶重為所對治。

4 於第四地有二愚癡，

1 等至愛愚癡

2 法愛愚癡

及彼羶重為所對治。

5 於第五地有二愚癡，
1 一向作意棄背生死愚癡
2 一向作意趣向涅槃愚癡
及彼羸重為所對治。
6 於第六地有二愚癡，
1 現前觀察諸行流轉愚癡
2 相多現行愚癡
及彼羸重為所對治。
7 於第七地有二愚癡，
1 微細相現行愚癡
2 一向無相作意方便愚癡
及彼羸重為所對治。
8 於第八地有二愚癡，
1 於無相作功用愚癡
2 於相自在愚癡
及彼羸重為所對治。
9 於第九地有二愚癡，
1 於無量說法、無量法句文字、後後慧辯陀羅尼自在愚癡
2 辯才自在愚癡
及彼羸重為所對治。
10 於第十地有二愚癡，
1 大神通愚癡
2 悟入微細祕密愚癡
及彼羸重為所對治。
11 於如來地有二愚癡，
1 於一切所知境界極微細著愚癡
2 極微細礙愚癡
及彼羸重為所對治。

善男子！由此二十二種愚癡及十一種羸重故，安立諸地，而阿耨多羅三藐三菩提離彼繫縛。

世尊！阿耨多羅三藐三菩提甚奇希有，乃至成就大利大果，令諸菩薩能破如是大愚癡羅網，能越如是大羸重稠林，現前證得阿耨多羅三藐三菩提。

◆ 殊勝

世尊！如是諸地，幾種殊勝之所安立？善男子！略有八種。

1 增上意樂清淨
2 心清淨
3 悲清淨
4 到彼岸清淨
5 見佛供養承事清淨
6 成熟有情清淨
7 生清淨
8 威德清淨

善男子！於初地中所有增上意樂清淨乃至威德清淨，
後後諸地乃至佛地所有增上意樂清淨乃至威德清淨，
當知彼諸清淨展轉增勝，唯於佛地除生清淨。

又初地中所有功德，於上諸地平等皆有，當知自地功德殊勝。
一切菩薩十地功德皆是有上，佛地功德當知無上。

世尊！何因緣故，說菩薩生於諸有生最為殊勝？善男子！四因緣故。

1 極淨善根所集起故
2 故意思擇力所取故
3 悲愍濟度諸眾生故
4 自能無染，除他染故

◆ 願

世尊！何因緣故，說諸菩薩行廣大願、妙願、勝願？善男子！四因緣故。謂

1 諸菩薩能善了知涅槃樂住，堪能速證
2 而復棄捨速證樂住
3 無緣無待發大願心
4 為欲利益諸有情故，處多種種長時大苦

是故我說彼諸菩薩行廣大願、妙願、勝願。

◆ 所應學事

◇ 六種所應學事

世尊！是諸菩薩凡有幾種所應學事？善男子！菩薩學事略有六種。
所謂

1 布施
2 持戒
3 忍辱
4 精進
5 靜慮
6 慧

到彼岸。

◇ 攝

世尊！如是六種所應學事，幾是增上戒學所攝？幾是增上心學所攝？幾是增上慧學所攝？

善男子！當知初三但是增上戒學所攝，靜慮一種但是增上心學所攝，慧是增上慧學所攝，我說精進遍於一切。

世尊！如是六種所應學事，幾是福德資糧所攝？

幾是智慧資糧所攝？善男子！

若增上戒學所攝者，是名福德資糧所攝；

若增上慧學所攝者，是名智慧資糧所攝；

我說精進、靜慮二種遍於一切。

1 布施	增上戒學	福德資糧
2 持戒		
3 忍辱		
4 精進	戒/心/慧	福德/智慧
5 靜慮	增上心學	
6 慧	增上慧學	智慧資糧

◇ 應當修學五種相

世尊！於此六種所學事中，菩薩云何應當修學？善男子！由五種相應當修學。

1 最初於菩薩藏波羅蜜多相應微妙正法教中，猛利信解
2 次於十種法行，以聞思修所成妙智，精進修行
3 隨護菩提之心
4 親近真善知識
5 無間勤修善品

◇ 施設因緣

世尊！何因緣故，施設如是所應學事但有六數？

善男子！二因緣故。

1 饒益諸有情故
2 對治諸煩惱故

當知前三饒益有情，後三對治一切煩惱。

前三饒益諸有情者，謂諸菩薩

由布施故，攝受資具，饒益有情
由持戒故，不行損害逼迫惱亂，饒益有情
由忍辱故，於彼損害逼迫惱亂堪能忍受，饒益有情

後三對治諸煩惱者，謂諸菩薩

由精進故，雖未永伏一切煩惱，亦未永害一切隨眠，而能勇猛修諸善品，彼諸煩惱不能傾動善品加行
由靜慮故，永伏煩惱
由般若故，永害隨眠

世尊！何因緣故，施設所餘波羅蜜多但有四數？

善男子！與前六種波羅蜜多為助伴故。

1 方便善巧
2 願
3 力
4 智

1 謂諸菩薩，於前三種波羅蜜多所攝有情，以諸攝事方便善巧而攝受之，安置善品。是故我說方便善巧波羅蜜多，與前三種而為助伴。

2 若諸菩薩，於現法中煩惱多故，於修無間無有堪能，羸劣意樂故，下界勝解故。於內心住無有堪能，於菩薩藏不能聞緣善修習故，所有靜慮不能引發出世間慧，彼便攝受少分狹劣福德資糧。為未來世煩惱輕微，心生正願，如是名願波羅蜜多。由此願故，煩惱微薄，能修精進。是故我說願波羅蜜多，與精進波羅蜜多而為助伴。

3 若諸菩薩，親近善士、聽聞正法、如理作意為因緣故，轉劣意樂成勝意樂，亦能獲得上界勝解，如是名力波羅蜜多。由此力故，於內心住有所堪能。是故我說力波羅蜜多，與靜慮波羅蜜多而為助伴。

4 若諸菩薩，於菩薩藏已能聞緣善修習故，能發靜慮，如是名智波羅蜜多。由此智故，堪能引發出世間慧。是故我說智波羅蜜多，與慧波羅蜜多而為助伴。

◇ 次第

世尊！何因緣故，宣說六種波羅蜜多如是次第？

善男子！能為後後引發依故。

謂諸菩薩，若於身財無所顧吝，便能受持清淨禁戒；為護禁戒，便修忍辱；修忍辱已，能發精進；發精進已，能辦靜慮；具靜慮已，便能獲得出世間慧。

是故我說波羅蜜多如是次第。

◇ 品類差別

世尊！如是六種波羅蜜多，各有幾種品類差別？善男子！各有三種。

施三種者，

1 法施
2 財施
3 無畏施

戒三種者，

1 轉捨不善戒
2 轉生善戒
3 轉生饒益有情戒

忍三種者，

1 耐怨害忍
2 安受苦忍
3 諦察法忍

精進三種者，

1 被甲精進
2 轉生善法加行精進
3 饒益有情加行精進

靜慮三種者，

1 無分別、寂靜、極寂靜，無罪故，對治煩惱眾苦樂住靜慮
2 引發功德靜慮
3 引發饒益有情靜慮

慧三種者，

1 緣世俗諦慧
2 緣勝義諦慧
3 緣饒益有情慧

◇ 五因緣名波羅蜜多

世尊！何因緣故，波羅蜜多說名波羅蜜多？善男子！五因緣故。

1 無染著故	無染著者，謂不染著波羅蜜多諸相違事。
2 無顧戀故	無顧戀者，謂於一切波羅蜜多諸果異熟及報恩中，心無繫縛。
3 無罪過故	無罪過者，謂於如是波羅蜜多，無間雜染法，離非方便行。
4 無分別故	無分別者，謂於如是波羅蜜多，不如言辭執著自相。
5 正迴向故	正迴向者，謂以如是所作所集波羅蜜多，迴求無上大菩提果。

◇ 相違事

世尊！何等名為波羅蜜多諸相違事？

善男子！當知此事略有六種。

1 於喜樂欲財富自在諸欲樂中，深見功德及與勝利
2 於隨所樂縱身語意而現行中，深見功德及與勝利
3 於他輕憊不堪忍中，深見功德及與勝利
4 於不勤修著欲樂中，深見功德及與勝利
5 於處憤鬧世雜亂行，深見功德及與勝利
6 於見聞覺知言說戲論，深見功德及與勝利

◇ 異熟

世尊！如是一切波羅蜜多，何果異熟？

善男子！當知此亦略有六種。

1 得大財富
2 往生善趣
3 無怨無壞，多諸喜樂
4 為眾生主
5 身無惱害
6 有大宗葉

◇ 間雜染法四種加行

尊！何等名為波羅蜜多間雜染法？

善男子！當知略由四種加行。

1 無悲加行故	
2 不如理加行故	不如理加行者，調修行餘波羅蜜多時，於餘波羅蜜多遠離失壞。
3 不常加行故	
4 不殷重加行故	

◇ 非方便行

世尊！何等名為非方便行？

善男子！若諸菩薩，以波羅蜜多饒益眾生時，但攝財物饒益眾生便為喜足，而不令其出不善處，安置善處，如是名為非方便行。何以故？

善男子！非於眾生唯作此事名實饒益。

譬如糞穢，若多、若少，終無有能令成香潔。

如是眾生由行苦故，其性是苦，無有方便但以財物暫相饒益可令成樂。

唯有安處妙善法中，方可得名第一饒益。

1 無染著
2 無顧戀
3 無罪過
4 無分別
5 正迴向

◇ 總別清淨

世尊！如是一切波羅蜜多，有幾清淨？善男子！我終不說波羅蜜多除上五相有餘清淨，然我即依如是諸事，總別當說波羅蜜多清淨之相。

★ 總說

總說一切波羅蜜多清淨相者，當知七種。何等為七？

1 菩薩於此諸法不求他知；
2 於此諸法見已不生執著；
3 即於如是諸法不生疑惑，謂為能得大菩提不
4 終不自讚毀他，有所輕憊
5 終不驕傲放逸
6 終不少有所得便生喜足
7 終不由此諸法，於他發起嫉妒慳吝

★ 別說

別說一切波羅蜜多清淨相者，亦有七種。何等為七？

☆ 施清淨七相

謂諸菩薩，如我所說七種布施清淨之相，隨順修行。

1 由施物清淨，行清淨施
2 由戒清淨，行清淨施
3 由見清淨，行清淨施
4 由心清淨，行清淨施
5 由語清淨，行清淨施
6 由智清淨，行清淨施
7 由垢清淨，行清淨施

是名七種施清淨相。

☆ 戒清淨七相

又諸菩薩，

1 能善了知制立律儀一切學處
2 能善了知出離所犯
3 具常尸羅
4 堅固尸羅
5 常作尸羅
6 常轉尸羅
7 受學一切所有學處

是名七種戒清淨相。

☆ 忍清淨七相

若諸菩薩，於自所有業果異熟深生依信，一切所有不饒益事現在前時，

1 不生憤發，亦不反罵，不瞋、不打、不恐、不弄；
2 不以種種不饒益事反相加害；
3 不懷怨結；
4 若諫誨時不令恚惱；
5 亦復不待他來諫誨；
6 不由恐怖有染愛心而行忍辱；
7 不以作恩而便放捨。

是名七種忍清淨相。

☆ 精進清淨七相

若諸菩薩，通達精進平等之性，

1 不由勇猛勤精進故自舉凌他
2 具大勢力
3 具大精進
4 有所堪能
5 堅固
6 勇猛
7 於諸善法終不捨輒

如是名為七種精進清淨之相。

☆ 靜慮清淨七相

若諸菩薩，

1 有善通達相三摩地靜慮
2 有圓滿三摩地靜慮
3 有俱分三摩地靜慮
4 有運轉三摩地靜慮
5 有無所依三摩地靜慮
6 有善修治三摩地靜慮
7 有於菩薩藏聞緣修習無量三摩地靜慮

如是名為七種靜慮清淨之相。

☆ 慧清淨七相

若諸菩薩，

1 遠離增益、損減二邊，行於中道，是名為慧。
2 由此慧故，如實了知解脫門義，謂空、無願、無相三解脫門。
3 如實了知有自性義，謂遍計所執、若依他起、若圓成實三種自性。
4 如實了知無自性義，謂相、生、勝義三種無自性性。
5 如實了知世俗諦義，謂於五明處。
6 如實了知勝義諦義，謂於七真如。
7 又無分別、離諸戲論、純一理趣多所住故，無量總法為所緣故，及毗鉢舍那故，能善成辦法隨法行。

是名七種慧清淨相。

◇ 業

世尊！如是五相，各有何業？

善男子！當知彼相有五種業。

1 無染著
2 無顧戀
3 無罪過
4 無分別
5 正迴向

1 謂諸菩薩無染著故，於現法中，於所修習波羅蜜多，恆常殷重勤修加行，無有放逸。
2 無顧戀故，攝受當來不放逸因。
3 無罪過故，能正修習極善圓滿、極善清淨、極善鮮白波羅蜜多。
4 無分別故，方便善巧波羅蜜多速得圓滿。
5 正迴向故，一切生處波羅蜜多，及彼可愛諸果異熟皆得無盡，乃至無上正等菩提。

◇ 廣大等

世尊！如是所說波羅蜜多，何者最廣大？何者無染汙？何者最明盛？何者不可動？何者最清淨？善男子！

廣大	無染著性、無顧戀性、正迴向性，最為廣大。
無染汙	無罪過性、無分別性，無有染汙。
明盛	思擇所作，最為明盛。
不可動	已入無退轉法地者，名不可動。
最清淨	若十地攝、佛地攝者，名最清淨。

◇ 無盡因緣

世尊！何因緣故，菩薩所得波羅蜜多諸可愛果，及諸異熟常無有盡，波羅蜜多亦無有盡？善男子！展轉相依，生起、修習無間斷故。

◇ 深信愛樂五因緣

世尊！何因緣故，是諸菩薩深信愛樂波羅蜜多，非於如是波羅蜜多所得可愛諸果異熟？善男子！五因緣故。

1 波羅蜜多是最增上喜樂因故
2 波羅蜜多是其究竟饒益一切自他因故
3 波羅蜜多是當來世彼可愛果異熟因故
4 波羅蜜多非諸雜染所依事故
5 波羅蜜多非是畢竟變壞法故

◇ 四種最勝威德

世尊！如是一切波羅蜜多，各有幾種最勝威德？善男子！當知一切波羅蜜多，各有四種最勝威德。

1 於此波羅蜜多正修行時，能捨慳吝、犯戒、心憤、懈怠、散亂、見趣所治
2 於此正修行時，能為無上正等菩提真實資糧
3 於此正修行時，於現法中，能自攝受、饒益有情
4 於此正修行時，於未來世能得廣大無盡可愛諸果異熟

◇ 因果義利

世尊！如是一切波羅蜜多，何因？何果？有何義利？善男子！當知一切波羅蜜多，

1 大悲為因
2 微妙可愛諸果異熟饒益一切有情為果
3 圓滿無上廣大菩提為大義利

世尊！若諸菩薩具足一切無盡財寶，成就大悲，何緣世間現有眾生貧窮可得？善男子！是諸眾生自業過失。若不爾者，菩薩常懷饒益他心，又常具足無盡財寶，若諸眾生無自惡業能為障礙，何有世間貧苦可得。

譬如餓鬼，為大熱渴逼迫其身，見大海水悉皆涸竭，非大海過，是諸餓鬼自業過耳。如是菩薩所施財寶，猶如大海，無有過失，是諸眾生自業過耳，猶如餓鬼自惡業力，令無有果。

◇ 諸法無自性性

世尊！菩薩以何等波羅蜜多取一切法無自性性？

善男子！以般若波羅蜜多能取諸法無自性性。

世尊！若般若波羅蜜多能取諸法無自性性，何故不取有自性性？

善男子！我終不說以無自性性取無自性性，然無自性性離諸文字自內所證，不可捨於言說文字而能宣說，是故我說般若波羅蜜多能取諸法無自性性。

◇ 波羅蜜多/近/大

世尊！如佛所說波羅蜜多、近波羅蜜多、大波羅蜜多，云何波羅蜜多？云何近波羅蜜多？云何大波羅蜜多？

善男子！

若諸菩薩，經無量時修行施等，成就善法，而諸煩惱猶故現行，未能制伏，然為彼伏。謂於勝解行地軟中勝解轉時，是名波羅蜜多。

復於無量時修行施等，漸復增上成就善法，而諸煩惱猶故現行，然能制伏，非彼所伏。謂從初地已上，是名近波羅蜜多。

復於無量時修行施等，轉復增上成就善法，一切煩惱皆不現行。謂從八地已上，是名大波羅蜜多。

◆ 煩惱隨眠

世尊！此諸地中，煩惱隨眠可有幾種？

善男子！略有三種。

1 害伴隨眠，謂於前五地。何以故？善男子！諸不俱生現行煩惱，是俱生煩惱現行助伴，彼於爾時永無復有，是故說名害伴隨眠。	在皮羶重
2 羸劣隨眠，謂於第六、第七地中，微細現行，若修所伏，不現行故。	
3 微細隨眠，謂於第八地已上。從此已去，一切煩惱不復現行，唯有所知障為依止故。	在膚羶重

世尊！此諸隨眠，幾種羶重斷所顯示？

善男子！但由二種。謂

由在皮羶重斷故，顯彼初二。

復由在膚羶重斷故，顯彼第三。

若在於骨羶重斷者，我說永離一切隨眠，位在佛地。

◇ 經劫

世尊！經幾不可數劫，能斷如是羶重？

善男子！經於三大不可數劫，或無量劫。

所謂年、月、半月、晝夜、一時、半時、須臾、瞬息、剎那量劫不可數故。

1 極喜地	害伴隨眠	在皮羶重
2 離垢地		
3 發光地		
4 焰慧地		
5 極難勝地		
6 現前地	羸劣隨眠	
7 遠行地		
8 不動地	微細隨眠	在膚羶重
9 善慧地		
10 法雲地		

◇ 相/失/德

世尊！是諸菩薩，於諸地中所生煩惱，當知何相？何失？何德？

1 善男子！無染汙相。何以故？

是諸菩薩於初地中，定於一切諸法法界已善通達。

由此因緣，菩薩要知方起煩惱，非為不知，是故說名無染汙相。

2 於自身中不能生苦，故無過失。

3 菩薩生起如是煩惱，於有情界能斷苦因，是故彼有無量功德。

甚奇世尊！無上菩提乃有如是大功德利，令諸菩薩生起煩惱，尚勝一切有情、聲聞、獨覺善根，何況其餘無量功德。

◆ 密意

世尊！如佛所說：若聲聞乘、若復大乘唯是一乘。此何密意？

善男子！

如我於彼聲聞乘中，宣說種種諸法自性，所謂五蘊、或內六處、或外六處，如是等類。

於大乘中，即說彼法同一法界、同一理趣，故我不說乘差別性。

於中或有如言於義妄起分別，一類增益、一類損減。

又於諸乘差別道理，謂互相違，如是展轉遞興諍論。

如是名為此中密意。

爾時世尊欲重宣此義而說頌曰：

諸地攝想所對治	殊勝生願及諸學
由依佛說是大乘	於此善修成大覺
宣說諸法種種性	復說皆同一理趣
謂於下乘或上乘	故我說乘無異性
如言於義妄分別	或有增益或損減
謂此二種互相違	愚癡意解成乖諍

世尊！於是解深密法門中，此名何教？我當云何奉持？

善男子！此名諸地波羅蜜多了義之教，於此諸地波羅蜜多了義之教，汝當奉持。

說此諸地波羅蜜多了義教時，於大會中，有七十五千菩薩，皆得菩薩大乘光明三摩地。

□ 曼殊室利菩薩(如來成所作事)

◆ 如來法身相

復次，即依乘假安立，分別如來成所作事，當知如解深密經中，曼殊室利菩薩摩訶薩請問佛言：世尊！如佛所說如來法身，如來法身有何等相？

佛告曼殊室利菩薩：善男子！若於諸地波羅蜜多善修出離，轉依成滿，是名如來法身之相。

當知此相，二因緣故不可思議，

1 無戲論故

2 無所為故

而諸眾生計著戲論，有所為故。

如來	法身
聲聞、獨覺	解脫身

世尊！聲聞、獨覺所得轉依，名法身不？善男子！不名法身。

世尊！當名何身？善男子！名解脫身。

由解脫身故，說一切聲聞、獨覺，與諸如來平等平等。

由法身故，說有差別。如來法身有差別故，無量功德最勝差別，算數譬喻所不能及。

◆ 如來生起相

世尊！我當云何應知如來生起之相？

善男子！一切如來化身作業，如世界起一切種類，如來功德眾所莊嚴住持為相。

當知化身相有生起，法身之相無有生起。

法身	無生起
化身	有生起

世尊！云何應知示現化身方便善巧？

善男子！遍於一切三千大千佛國土中，或眾推許增上王家，或眾推許大福田家，同時入胎、誕生、長大受欲、出家、示行苦行、捨苦行已成等正覺次第示現，是名如來示現化身方便善巧。

◆ 言音差別

世尊！凡有幾種一切如來身所住持言音差別，由此言音，

所化有情未成熟者，令其成熟；已成熟者，緣此為境速得解脫？

善男子！如來言音略有三種。

1 契經

2 調伏

3 本母

世尊！云何契經？云何調伏？云何本母？

善男子！若於是處，我依攝事顯示諸法，是名契經。

謂依四事，或依九事，或復依於二十九事。

◇ 1 契經

云何四事？

1 聽聞事

2 歸趣事

3 修學事

4 菩提事

云何九事？

1 施設有情事
2 彼所受用事
3 彼生起事
4 彼生已住事
5 彼染淨事
6 彼差別事
7 能宣說事
8 所宣說事
9 諸眾會事

云何名為二十九事？謂

1 依雜染品，有攝諸行事			
2 彼次第隨轉事			
3 即於是中，作補特伽羅想已，於當來世流轉因事			
4 作法想已，於當來世流轉因事			
5 依清淨品，有繫念於所緣事			
6 即於是中，勤精進事			
7 心安住事			
8 現法樂住事			
9 超一切苦緣方便事			
10 彼遍知事，此復三種， <table border="1" data-bbox="231 1070 801 1205"><tr><td>1 顛倒遍知所依處故</td></tr><tr><td>2 依有情想外有情中邪行遍知所依處故</td></tr><tr><td>3 內離增上慢遍知所依處故</td></tr></table>	1 顛倒遍知所依處故	2 依有情想外有情中邪行遍知所依處故	3 內離增上慢遍知所依處故
1 顛倒遍知所依處故			
2 依有情想外有情中邪行遍知所依處故			
3 內離增上慢遍知所依處故			
11 修依處事			
12 作證事			
13 修習事			
14 令彼堅固事			
15 彼行相事			
16 彼所緣事			
17 已斷、未斷觀察善巧事			
18 彼散亂事			
19 彼不散亂事			
20 不散亂依處事			
21 不棄修習劬勞加行事			
22 修習勝利事			
23 彼堅牢事			
24 攝聖行事			
25 攝聖行眷屬事			
26 通達真實事			
27 證得涅槃事			
28 於善說法毗奈耶中，世間正見超昇一切外道所得正見頂事			
29 及即於此不修退事			

◇ 2 調伏

於善說法毗奈耶中，不修習故說名為退，非見過失故名為退。

曼殊室利！若於是處，我依聲聞及諸菩薩，顯示別解脫及別解脫相應之法，是名調伏。

世尊！菩薩別解脫幾相所攝？善男子！當知七相。

1 宣說受軌則事故
2 宣說隨順他勝事故
3 宣說隨順毀犯事故
4 宣說有犯自性故
5 宣說無犯自性故
6 宣說出所犯故
7 宣說捨律儀故

◇ 3 本母

曼殊室利！若於是處，我以十一種相，決了分別顯示諸法，是名本母。

何等名為十一種相？

1 世俗相
2 勝義相
3 菩提分法所緣相
4 行相
5 自性相
6 彼果相
7 彼領受開示相
8 彼障礙法相
9 彼隨順法相
10 彼過患相
11 彼勝利相

★ 1 世俗相

世俗相者，當知三種。

1 宣說補特伽羅故
2 宣說遍計所執自性故
3 宣說諸法作用事業故

1 流轉真如
2 實相真如
3 唯識真如
4 安立真如(苦諦)
5 邪行真如(集諦)
6 清淨真如(滅諦)
7 正行真如(道諦)

★ 2 勝義相

勝義相者，當知宣說七種真如故。

★ 3 菩提分法所緣相

菩提分法所緣相者，當知宣說遍一切種所知事故。

★ 4 行相

行相者，當知宣說八行觀故。

云何名為八行觀耶？

1 諦實故
2 安立故
3 過失故
4 功德故
5 理趣故
6 流轉故
7 道理故
8 總別故

☆ 1 諦實

諦實者，謂諸法真如。

☆ 2 安立

安立者，謂或安立補特伽羅，或復安立諸法遍計所執自性，或復安立一向、分別、反問、置記，或復安立隱密、顯了記別差別。

☆ 3 過失

過失者，謂我宣說諸雜染法，有無量門差別過患。

☆ 4 功德

功德者，謂我宣說諸清淨法，有無量門差別勝利。

☆ 5 理趣

理趣者，當知六種。

1 真義理趣
2 證得理趣
3 教導理趣
4 遠離二邊理趣
5 不可思議理趣
6 意趣理趣

☆ 6 流轉

流轉者，所謂三世三有為相及四種緣。

1 生
2 滅
3 住異

1 因緣
2 等無間緣
3 所緣緣
4 增上緣

☆ 7 道理

道理者，當知四種。

1 觀待道理
2 作用道理
3 證成道理
4 法爾道理

➡ 1 觀待道理

觀待道理者，謂若因、若緣能生諸行，及起隨說，如是名為觀待道理。

➡ 2 作用道理

作用道理者，謂若因、若緣能得諸法，或能成辦，或復生已作諸業用，如是名為作用道理。

➡ 3 證成道理

證成道理者，謂若因、若緣，能令所立、所說、所標義得成立，令正覺悟，如是名為證成道理。

又此道理略有二種。

1 清淨

2 不清淨

由五種相名為清淨，由七種相名不清淨。

⇔ 清淨五相

云何由五種相名為清淨？

1 現見所得相	謂一切行皆無常性，一切行皆是苦性，一切法皆無我性，此為世間現量所得。如是等類，是名現見所得相。
2 依止現見所得相	謂一切行皆剎那性，他世有性，淨不淨業無失壞性。 由彼能依羈無常性現可得故；由諸有情種種差別，依種種業現可得故；由諸有情若樂、若苦，淨不淨業以為依止現可得故。 由此因緣，於不現見可為比度。 如是等類，是名依止現見所得相。
3 自類譬喻所引相	謂於內外諸行聚中，引諸世間共所了知所得生死以為譬喻，引諸世間共所了知所得生等種種苦相以為譬喻，引諸世間共所了知所得不自在相以為譬喻；又復於外，引諸世間共所了知所得衰盛以為譬喻。如是等類，當知是名自類譬喻所引相。
4 圓成實相	謂即如是現見所得相，若依止現見所得相，若自類譬喻所得相，於所成立決定能成，當知是名圓成實相。
5 善清淨言教相	謂一切智者之所宣說，如言涅槃究竟寂靜。如是等類，當知是名善清淨言教相。

善男子！是故由此五種相故，名善觀察清淨道理；由清淨故，應可修習。

世尊！一切智者相，當知有幾種？

善男子！略有五種。

1 若有出現世間，一切智聲無不普聞；	生
2 成就三十二種大丈夫相；	相
3 具足十力，能斷一切眾生一切疑惑；	斷疑網
4 具足四無所畏，宣說正法，不為一切他論所伏，而能摧伏一切邪論；	非他所伏能伏他
5 於善說法毗奈耶中，八支聖道、四沙門等皆現可得。	聖道沙門現可得

如是 1 生故、2 相故、3 斷疑網故、4 非他所伏能伏他故、5 聖道沙門現可得故，如是五種，當知名為一切智相。

善男子！如是證成道理，1 由現量故、2 由比量故、3 由聖教量故、4 由譬喻故、5 由圓成實故，由五種相名為清淨。

⇔ 不清淨七相

云何由七種相名不清淨？

1 此餘同類可得相
2 此餘異類可得相
3 一切同類可得相
4 一切異類可得相
5 異類譬喻所引相
6 非圓成實相
7 非善清淨言教相

若一切法意識所識性，是名一切同類可得相。

若一切法相、性、業、法、因果異相，由隨如是一一異相，決定展轉各各異相，是名一切異類可得相。

善男子！若於此餘同類可得相及譬喻中，有一切異類相者，由此因緣，於所成立非決定故，是名非圓成實相。

又於此餘異類可得相及譬喻中，有一切同類相者，由此因緣，於所成立不決定故，亦名非圓成實相。

非圓成實故，非善觀察清淨道理；不清淨故，不應修習。

若異類譬喻所引相、若非善清淨言教相，當知體性皆不清淨。

➡ 4 法爾道理

法爾道理者，謂如來出世，若不出世，法性安住法住法界，是名法爾道理。

☆ 8 總別

總別者，謂先總說一句法已，後後諸句差別分別究竟顯了。

★ 5 自性相

自性相者，謂我所說有行、有緣所有能取菩提分法，謂念住等，如是名為彼自性相。

★ 6 彼果相

彼果相者，謂若世間、若出世間諸煩惱斷，及所引發世出世間諸果功德，如是名為得彼果相。

★ 7 彼領受開示相

彼領受開示相者，謂即於彼以解脫智而領受之，及廣為他宣說開示，如是名為彼領受開示相。

★ 8 彼障礙法相

彼障礙法相者，謂即於修菩提分法，能隨障礙諸染汙法，是名彼障礙法相。

★ 9 彼隨順法相

彼隨順法相者，謂即於彼多所作法，是名彼隨順法相。

★ 10 彼過患相

彼過患相者，當知即彼諸障礙法所有過失，是名彼過患相。

★ 11 彼勝利相

彼勝利相者，當知即彼諸隨順法所有功德，是名彼勝利相。

◇ 不共陀羅尼義

曼殊室利菩薩復白佛言：唯願世尊為諸菩薩略說契經、調伏、本母不共外道陀羅尼義，由此不共陀羅尼義，令諸菩薩得入如來所說諸法甚深密意。

佛告曼殊室利菩薩曰：善男子！汝今諦聽！吾當為汝略說不共陀羅尼義，令諸菩薩於我所說密意言辭能善悟入。

善男子！若雜染法、若清淨法，我說一切皆無作用，亦都無有補特伽羅。

以一切種離所為故，非雜染法先染後淨，非清淨法後淨先染。

凡夫異生於羶重身執著諸法補特伽羅自性、差別，隨眠妄見以為緣故，計我我所，由此妄謂我見、我聞、我嗅、我嘗、我觸、我知、我食、我作、我染、我淨，如是等類邪加行轉。

若有如實知如是者，便能永斷羶重之身，獲得一切煩惱不住，最極清淨，離諸戲論，無為依止，無有加行。

善男子！當知是名略說不共陀羅尼義。

爾時世尊欲重宣此義而說頌曰：

一切雜染清淨法	皆無作用數取趣
由我宣說離所為	染汙清淨非先後
於羶重身隨眠見	為緣計我及我所
由此妄謂我見等	我食我為我染淨
若如實知如是者	乃能永斷羶重身
得無染淨無戲論	無為依止無加行

◆ 如來心生起相

爾時曼殊室利菩薩復白佛言：世尊！云何應知諸如來心生起之相？

佛告曼殊室利菩薩曰：善男子！夫如來者，非心、意、識生起所顯，然諸如來有無加行心法生起，當知此事猶如變化。

世尊！若諸如來法身遠離一切加行，既無加行，云何而有心法生起？

善男子！先所修習方便般若加行力故，有心生起。

善男子！譬如正入無心睡眠，非於覺悟而作加行，由先所作加行勢力，而復覺悟。

又如正在滅盡定中，非於起定而作加行，由先所作加行勢力，還從定起。

如從睡眠及滅盡定心更生起，如是如來由先修習方便般若加行力故，當知復有心法生起。

世尊！如來化身當言有心，為無心耶？

善男子！非是有心，亦非無心。何以故？無自依心故，有依他心故。

◆ 如來所行/境界

世尊！如來所行、如來境界，此之二種有何差別？

◇ 所行

善男子！如來所行，謂一切種如來共有、不可思議、無量功德眾所莊嚴清淨佛土。

◇ 境界

如來境界，謂一切種五界差別。何等為五？

1 有情界
2 世界
3 法界
4 調伏界
5 調伏方便界

如是名為二種差別。

◆ 成正覺/轉法輪/入涅槃相

世尊！如來成等正覺、轉正法輪、入大涅槃，如是三種當知何相？

善男子！當知此三皆無二相。謂

非成等正覺，非不成等正覺；

非轉正法輪，非不轉正法輪；

非入大涅槃，非不入大涅槃。

何以故？如來法身究竟淨故，如來化身常示現故。

◆ 奉事因緣

世尊！諸有情類但於化身見聞奉事生諸功德，如來於彼有何因緣？

善男子！如來是彼增上所緣之因緣故，又彼化身是如來力所住持故。

◆ 法身/解脫身

世尊！等無加行，何因緣故，如來法身為諸有情放大智光，及出無量化身影像，聲聞、獨覺解脫之身無如是事？

善男子！譬如等無加行，從日月輪水火二種頗胝迦寶放大光明，非餘水火頗胝迦寶。調大威德有情所住持故，諸有情業增上力故。

又如從彼善工業者之所雕飾末尼寶珠出印文像，不從所餘不雕飾者。

如是緣於無量法界方便般若極善修習磨瑩集成如來法身，從是能放大智光明，及出種種化身影像，非唯從彼解脫之身有如斯事。

◆ 威德住持

世尊！如世尊說：如來菩薩威德住持，令諸眾生於欲界中，生剎帝利、婆羅門等大富貴家，人身財寶無不圓滿；或欲界天、色無色界一切身財圓滿可得。世尊！此中有何密意？

善男子！如來菩薩威德住持，若道、若行，於一切處能令眾生獲得身財皆圓滿者，即隨所應，為彼宣說此道、此行。若有能於此道、此行正修行者，於一切處所獲身財無不圓滿。

若有眾生於此道、此行違背輕毀，又於我所起損惱心及瞋恚心，命終已後，於一切處所得身財無不下劣。

善男子！由是因緣，當知如來及諸菩薩威德住持，非但能令身財圓滿；如來菩薩住持威德，亦令眾生身財下劣。

◆ 穢土

世尊！諸穢土中何事易得，何事難得？諸淨土中何事易得，何事難得？

善男子！諸穢土中，八事易得，二事難得。

何等名為八事易得？

1 外道
2 有苦眾生
3 種姓家世興衰差別
4 行諸惡行
5 毀犯尸羅
6 惡趣
7 下乘
8 下劣意樂加行菩薩

何等名為二事難得？

1 增上意樂加行菩薩之所遊集
2 如來出現於世

善男子！諸淨土中與上相違，當知八事甚為難得，二事易得。

世尊！於此解深密法門中，此名何教？我當云何奉持？

善男子！此名如來成所作事了義之教，於此如來成所作事了義之教，汝當奉持。

說是如來成所作事了義教時，於大會中，有七十五千菩薩摩訶薩，皆得圓滿法身證覺。

攝決擇分中菩薩地之八

如是已說功德品決擇。

問：如說五種無量，謂有情界無量等。彼一切世界，當言平等平等，為有差別？

答：當言有差別。彼復有二種，

1 清淨
2 不清淨

於清淨世界中，無那落迦、傍生、餓鬼可得，亦無欲界、色無色界，亦無苦受可得，純菩薩僧於中止住，是故說名清淨世界。

已入第三地菩薩，由願自在力故，於彼受生，無有異生，及非異生聲聞、獨覺，若異生菩薩得生於彼。

問：若無異生菩薩，及非異生聲聞、獨覺得生彼者，何因緣故，菩薩教中作如是說：若菩薩等意願於彼，如是一切皆當往生？

答：為化懈怠種類、未集善根所化眾生故，密意作如是說。所以者何？

彼由如是蒙勸勵時，便捨懈怠，於善法中勤修加行，從此漸漸堪於彼生當得法性。應知是名此中密意。

■ 12 住品

復次，菩薩依四種住能成四事。云何四住？

1 極歡喜住	云何極歡喜住？謂諸菩薩，隨所安住，已入清淨增上意樂地故，乃至當坐妙菩提座，於三寶所不藉他緣，意樂清淨。
2 增上戒住	云何增上戒住？謂諸菩薩，即依如是極歡喜住，從此已上，隨所安住，具性尸羅，遠離一切慳吝犯戒，即以如是圓滿戒捨迴向無上正等菩提。
3 增上心住	云何增上心住？謂諸菩薩，即依如是增上戒住，從此已上，隨所安住，離欲界貪，獲得靜慮及諸等至，安住慈悲，於諸眾生隨能、隨力如實正行。
4 增上慧住	云何增上慧住？謂諸菩薩，即依如是增上心住，從此已上，隨所安住，漸能獲得菩提分法善巧、諸諦善巧、緣起善巧、不共法安立智善巧，出過一切聲聞、獨覺共所證智。

即於此中，不共法安立智者，謂於菩薩藏中密意言辭智、非安立諦智，及安立諦智。即於此中，共所得智者，謂依緣起所得證智。

云何依此四住能成四事？謂諸菩薩，

依止初住，乃至當坐妙菩提座，終不棄捨大菩提心。
依第二住，乃至當坐妙菩提座，當來自身財寶善品運運增長。
依第三住，為欲利益諸有情故，轉諸靜慮，以大願力還生欲界，而不為彼欲纏煩惱之所染汙。
依第四住，於一切法安立通達而得善巧，為度眾生，故發誓願受於生死，因此誓願，便能積集廣大資糧。則由此住清淨為因，不待餘住，亦不由他教誡教授，速能證得如來妙智。

問：菩薩當言以何為苦？答：眾生損惱為苦。

問：菩薩當言以何為樂？答：眾生饒益為樂。

問：菩薩當言以何作意？答：悟入所知境界邊際，及作一切利眾生事以為作意。

問：菩薩當言以何為住？答：以無分別為住。

■ 13 地品

復次，菩薩略有四上品障，若不淨除，終不堪能入菩薩地及地漸次。何等為四？

1 於諸菩薩毗奈耶中起染汙犯；
2 毀謗大乘相應妙法；
3 未積集善根；
4 有染愛心。

為欲對治如是四障，復有四種淨除障法。何等為四？

1 遍於十方諸如來所，深心懇責，發露悔過；
2 遍為利益一切十方諸有情類，勸請一切如來說法；
3 遍於十方一切有情所作功德，皆生隨喜；
4 凡所生起一切善根，皆悉迴向阿耨多羅三藐三菩提。

復次，已入大地菩薩，有四微細難可遍知、難可除斷諸隨煩惱，彼諸菩薩應遍了知，當正除斷。何等為四？

1 法愛，
2 聲聞、獨覺相應作意，
3 味著等至，
4 眾魔事業。

01種姓地
02勝解行地
1歡喜地
2離垢地
3發光地
4燄慧地
5極難勝地
6現前地
7遠行地
8不動地
9善慧地
10法雲地
11如來地

於諸相中，所有一切心動流散，當知皆是眾魔事業。

1 問：已入初地菩薩，當言何相？

答：當言超過諸異生地，已入菩薩正性離生；由已入故，不名異生。超過一切所有怖畏，得未曾得無上法故，常能安住極歡喜住。

2 問：已入第二地菩薩，當言何相？

答：當言於毗奈耶中，法爾獲得止息一切聲聞所學自性，能於身語意業清淨現行，故能遠離諸犯戒垢。

3 問：已入第三地菩薩，當言何相？

答：當言於內獲得彊盛奢摩他道，由此證得爾焰光明。

4 問：已入第四地菩薩，當言何相？

答：當言於內獲得彊盛毗鉢舍那道故，建立能燒煩惱智焰，由此能於如其所證一切所有菩提分法安立善巧。

5 問：已入第五地菩薩，當言何相？

答：當言超過一切世間智故，超過一切聲聞、獨覺智故，能昇悟入不思議諦極難勝道。

6 問：已入第六地菩薩，當言何相？

答：當言悟入甚深緣起道理故，於一切行住厭背想，於無相界多住趣向作意思惟。

7 問：已入第七地菩薩，當言何相？

答：當言於有加行無間闕無相界作意能極遠入，於加行道已到究竟。

8 問：已入第八地菩薩，當言何相？

答：當言於無加行無功用無相界作意得任運故，無有動搖，於一切相得自在故，住清淨地。

9 問：已入第九地菩薩，當言何相？

答：當言於名身、句身、文身得自在故，又得無罪無量廣大慧故，又得廣大無礙解故，能悅一切眾生心故，名大法師。

10 問：已入第十地菩薩，當言何相？

答：當言已得一切如來同大灑故，已得如雲大法身故，已得一切大神通故，亦名如來。

11 問：入如來地菩薩，當言何相？

答：當言即此所得法身更善清淨極成滿故，於一切種煩惱障及所知障，得永遠離清淨智見。

問：於此諸地云何造修？

答：若諸菩薩住勝解行地，依於十地修十法行。

問：於此諸地云何而得？

答：若諸菩薩證入菩薩正性離生，又復證得清淨意樂，爾時頓得一切諸地。

問：何等名為諸地等流？

答：一切地中證得已後，所有威德諸加行道。

問：於此諸地云何成滿？

答：若諸菩薩，於彼諸地一一地中，經於無量百千大劫，隨所稱讚諸地威德，於此威德任運能證。

問：如說五種入正性離生，此中聲聞入正性離生，若諸菩薩入正性離生，等於法界如實通達。此二差別云何應知？

答：略說法界有二種相。

1 差別相	差別相者，謂	
	1 常住相	謂本來無生法性及無盡法性。
	2 寂靜相	謂煩惱苦離繫法性。
2 自相	言自相者，謂於相、名、分別、真如、正智所攝一切法中，由遍計所執自性故，自性不成實法無我性。	

此中聲聞，由差別相通達法界，入正性離生，不由自相。

以通達彼故，由 1 無沒想及 2 安隱想，於法界中得寂靜想，於一切行一向發起厭背之想。

又復不能於彼相等所攝諸法性不成實法無我性如實了知，唯即於此法界定中，由緣法界差別作意，無相心轉，非由緣彼自相作意。

或復因他為其宣說法界自相，聞已一分迴向菩提聲聞，極大艱辛，然後悟入；既得入已，精勤修習。

一分一向趣寂聲聞，極大艱辛，少能悟入；而不入已，精勤修習。

若諸菩薩，俱由二相通達法界，入於菩薩正性離生。

入離生已，多分安住緣於法界自相作意。

何以故？

由於法界緣差別相多作意時，速趣涅槃；故多住彼，於阿耨多羅三藐三菩提非正方便。

當知雖等通達法界，由此因緣而有差別。

問：如說三世三輪清淨，云何三世三輪清淨？

答：由遍計所執自性故，於過去、未來、現在諸法，平等平等以如實慧正觀察時，於過去、未來、現在法中，無有 1 顧戀、2 希望、3 染著，是名三世三輪清淨。

■ 14 建立品

問：如先所說百四十不共佛法，餘經復說十八不共佛法，如是佛法云何安立？幾種所攝？

答：謂阿羅漢苾芻諸漏永盡，方入聚落遊行乞食；或於一時，與諸惡象、惡馬、惡牛及惡狗等共路而行；或入稠林履踐棘圍；或齊雙足踰越坑塹；或入如是非法舍宅，為諸母邑非理招引；或阿練若棄捨正道，行邪惡徑；或與盜賊、師子、猛獸、豺狼、豹等共路而遊。如是等類，諸阿羅漢所有誤失，如來於此一切永無。

又阿羅漢，或於一時，遊阿練若大樹林中，迷失道路；或入空宅揚聲大叫，呼噪遠聞；或復因於習氣過失，無染汙心騫唇露齒，追爾而笑。如是等類，諸阿羅漢所有暴音，如來於此永無所有。

又阿羅漢，或於一時由忘念故，於所作事而有喪失。如來於此永無所有。

又阿羅漢，於有餘依生死界中，一向發起厭背之想；於無餘依涅槃界中，一向發起寂靜之想。如來於彼有依涅槃無差別想，安住第一平等捨故。

又阿羅漢，若入等至即名為定，若出等至即不名定。如來遍於一切位中無不定心。

又阿羅漢，不善思擇而便棄捨利眾生事。如是等類，如來於此不善思擇而便棄捨永無所有。

又阿羅漢，依所知障淨，由未得退，退失於欲、精進、念、定、慧及解脫、解脫知見。如是六種退失之法，如來永無。

又阿羅漢，或於一時善身業轉，或於一時無記業轉。如於身業，語業、意業，當知亦爾。如來三業智前行故、智隨轉故，無無記業。智所起故，名智前行；智俱行故，名智隨轉。

又阿羅漢，遍於三世所知事中，不能率爾作意便解，是故智見說名有著；不能一切無餘正解，是故智見說名有礙。如來遍於三世境界，率爾作意，便能正解一切所知境事差別。是故說此十八種名不共佛法。

此中初四是無忘失法，及拔除習氣所攝；次一是大悲所攝；所餘當知是一切種妙智所攝。

又復世尊於餘經中所說隨好，為令所化生淨信故，顯示於彼，然不立相。安立諸相，如建立品已廣顯示。從此隨好，當知分出彼諸隨好。

■ 15 行品

復次，

1 菩薩邪行應當了知	1 邪行
2 菩薩正行應當了知	2 正行
3 菩薩正行勝利應當了知	3 正行勝利
4 菩薩於正行中，	4 法行/平等行/善行/法住行
1 安立法行相	5 能生淨信譬喻
2 平等行相	6 安立所學
3 善行相	7 殊勝差別
4 法住行相	8 世間/出世間智，利益他事
應當了知	9 聲聞所學
5 菩薩能生淨信譬喻應當了知	10 非善學沙門
6 菩薩於正行中，安立所學應當了知	11 善學沙門
7 於諸聲聞所學、菩薩所學，殊勝差別應當了知	12 住世俗律儀者
8 於諸菩薩應所學中，善學菩薩所有世間、出世間智，利益他事應當了知	13 住勝義律儀者
9 即於菩薩所教授中，聲聞所學應當了知	14 如來調伏方便
10 非善學沙門應當了知	15 密意語
11 善學沙門應當了知	16 勝解勝利
12 住世俗律儀者應當了知	
13 住勝義律儀者應當了知	
14 於諸如來調伏方便應當了知	
15 於密意語應當了知	
16 於菩薩藏所教授中，勝解勝利應當了知	

如是略舉菩薩藏中所有教授。

□ 1 邪行

云何邪行？

◆ 邪行八種相

當知略說後後引發，有八種相

1 能退智資糧邪行
2 退智資糧故，能令忘念邪行
3 由忘念故，能壞白法邪行
4 白法壞故，能令非菩薩儀惡意現行邪行
5 惡意現行故，能令難可調伏邪行
6 難調伏故，能令行於非道邪行
7 行非道故，能令親近不賢良邪行
8 親近不賢良故，能令菩薩不如其義邪行

復次，菩提以慧為體，慧能引發所餘一切波羅蜜多；是故於慧起邪行時，當知菩薩於彼菩提及能引發菩提諸法皆起邪行。

◇ 1 智資糧退

有四種法，能令菩薩智資糧退。何等為四？

1 自不聽聞
2 不令他聞
3 為聽聞障
4 顛倒執著而有聽聞

依此能令智資糧退四種法故，於現法中、或於後法，復生四種智相違法。何等為四？

1 無所了知	自不聽聞為依止故，於現法中無所了知。
2 眾緣闕乏	不令他聞為依止故，於後法中眾緣闕乏。
3 能生感癡非福	為聽聞障為依止故，能生後法感癡非福。
4 顛倒	顛倒執著而有聽聞為依止故，於後法中更增顛倒。

1 自不聽聞者，憎背法故，憎背補特伽羅故，俱憎背故。	退失聞所成智資糧
2 不令他聞者，恐他智勝故，有憍傲故，怖他輕毀故。	
3 為聽聞障者，誹毀於法及補特伽羅故，惡作矯亂相牽引故，不令啟請及開許故，方便毀訾能聽者故。	
4 顛倒執著而有聽聞者，依自惡通達領解宣說，執著善通達領解宣說故；依他善通達領解宣說，執著惡通達領解宣說故。	退失思、修所成智資糧

此中

- 1 若自不聽聞、若不令他聞、若為聽聞障，如是三法，多分能令退失聞所成智資糧
- 2 顛倒執著而有聽聞，多分能令退失思修所成智資糧

◇ 2 忘失正念

復次，有四種法，能令菩薩忘失正念。何等為四？

謂於四種補特伽羅四處迷亂。

1 於舉罪補特伽羅
2 於教導補特伽羅
3 於欲作利益補特伽羅
4 於有德補特伽羅

謂

於同梵行所迷亂自過
於學現前迷亂學處
於彼大乘欲勝解者、欲正行者，顯無差別、標舉分別諸過失故，發起迷亂勝解、正行
於能說法補特伽羅迷亂顯彼所有密處

◇ 3 壞鮮白法

復次，有四種法，能令菩薩壞鮮白法。

謂與他競增上力故，起諸白法 1 非處加行。

雖起白法處所加行，然有三種邪行過失。

2 染著過失
3 惡見過失
4 受持過失

由二因緣，應知染著過失。

- | |
|--------|
| 1 邪受用故 |
| 2 多雜處故 |

由二因緣，應知惡見過失。

- | |
|----------------|
| 1 誹撥正法補特伽羅故 |
| 2 於不正法顯示執著為正法故 |

由二因緣，應知受持過失。

- | |
|---------------------|
| 1 受持狹小唯不了義經故 |
| 2 於所未聞、未曾領受諸了義經懸誹撥故 |

白法非處	1 非處加行	
白法處	2 染著過失	1 邪受用故
		2 多雜處故
	3 惡見過失	1 誹撥正法補特伽羅故
		2 於不正法顯示執著為正法故
	4 受持過失	1 受持狹小唯不了義經故
		2 於所未聞、未曾領受諸了義經懸誹撥故

◇ 4 惡意現行

復次，菩薩有四種非菩薩儀惡意現行。

- | |
|-----------------------------|
| 1 於大師所生不信順，敬學相違惡意現行 |
| 2 於同梵行攝受舉罪能教誡者，如實發露已過相違惡意現行 |
| 3 於大智福諸善法中，精進相違惡意現行 |
| 4 於廣大甚深勝解中，能令自障清淨相違惡意現行 |

1 由三種相，應知於大師所生不信順，謂於

- | | | |
|------|------|------|
| 1 有體 | 2 尊勝 | 3 得智 |
|------|------|------|

2 由三種相，應知不如實發露已過。

- | |
|------------------------------|
| 1 於彼攝受諸有情所，邪妄顯示已為尊勝，因此發起憍舉心故 |
| 2 於能舉罪諸有情所覆所犯故 |
| 3 於能教誡諸有情所，因彼驅擯增上力故，發穢濁心作損惱故 |

3 由二種相，應知退失於諸善法發起精進。謂

- | |
|--------------------|
| 1 於大智福諸有情所，愛著利養恭敬故 |
| 2 欣樂彼故 |

◇ 5 難可調伏

復次，有四種法，能令菩薩難可調伏。

謂於正修有四種障。

1 於聽聞執為究竟	謂但聽聞心不寂靜，故於聽聞執為究竟。
2 於教授左謬領解	由於教誡顛倒分別，故於教授左謬領解。
3 於尸羅不正安住，多諸惡作	由於尸羅多作闕犯而受信施，故有惡作。
4 於自見安住見取	與勝有情共興爭競，故於自見多住見取。 勝有情者，謂根調伏勝及斷滅勝。

◇ 6 行於非道

復次，菩薩有四種於諸有情行於非道。

1 於未安立淨信有情而不為說
2 於下乘希求大乘諸有情所，不隨所宜而有所說
3 於大乘希求下乘諸有情所，不順其義而有所說
4 於住禁戒、不住禁戒貪愛朋黨，不平等說

由三種相，當知是名安住禁戒。

1 事業無愆故
2 尸羅無闕故
3 恭敬所學故

由二種相，當知是名不住禁戒。

1 尸羅闕故
2 不恭敬所學故

邪行八種相

1 能退智資糧邪行
2 能令忘念邪行
3 能壞白法邪行
4 能令非菩薩儀惡意現行邪行
5 能令難可調伏邪行
6 能令行於非道邪行
7 能令親近不賢良邪行
8 能令菩薩不如其義邪行

◇ 7 親近不賢良

復次，菩薩由親近不賢良故，退失四事。

1 退失於乘
2 退失利益有情加行
3 退失聖教
4 退失無間修諸善法

◇ 8 不如其義

復次，有四種菩薩不如其義。

1 任持正法	謂諸菩薩欲令信伏，雖任持正法，亦不如義，非如其義。
2 住阿練若	若諸菩薩為求聲譽，雖住阿練若，亦不如義，非如其義。
3 勤修福業	若諸菩薩心專繫著有染之果，雖勤修福業，亦不如義，非如其義。
4 管御大眾	若諸菩薩心專繫著供事名稱，雖管御大眾，亦不如義，非如其義。

□ 2 正行

復次，云何正行？

謂與上相違，離別過失宣說對治。當知後後之所引發八種行相，是名正行。

◆ 1 令智退失因緣

1 謂說由自不聞令智退失，此何因緣？

由於正法補特伽羅不恭敬所顯故。由此毀犯；設不毀犯，亦無勝解，是故退失。

2 又說由不令聞令智退失，此何因緣？

由欲令他信伏所顯故。由此毀犯；設不毀犯，迴向邪法，是故退失。

3 又說由為聞障令智退失，此何因緣？

由不欲、不聞、不持所顯故。由此毀犯；設不毀犯，懈怠懶惰，是故退失。

4 又說由邪執著而有聽聞令智退失，此何因緣？

由於修行不見功德，但聞言說為究竟所顯故。由此毀犯；設不毀犯，智不成實，是故退失。

1 自不聽聞
2 不令他聞
3 為聽聞障
4 顛倒執著而有聽聞

◆ 2 令念忘失因緣

1 復說由於舉罪者所迷亂自過，令念忘失，此何因緣？

由於重事中怖畏衰損，於輕事中怖畏訶責，而設妄語所顯故。

由此毀犯，由業障故有所忘失；設不毀犯，由犯障故而有忘失。

2 又說由迷亂學處，令念忘失，此何因緣？

由非自性隨轉虛妄見曲所顯故。由此毀犯，由業障故有所忘失；

1 由於舉罪者所迷亂自過
2 由迷亂學處
3 由於大乘迷亂勝解、正行
4 由迷亂顯隱密處

設不毀犯，由犯障故而有忘失。

3 又說由於大乘迷亂勝解、正行，令念忘失，此何因緣？

由於菩薩不生恭敬，隱覆實德所顯故。由此毀犯，由業障故有所忘失；

設不毀犯，由犯障故而有忘失。

4 又說由迷亂顯隱密處，令念忘失，此何因緣？

由欲令於大乘不生樂欲所顯故。由此毀犯，由業障故而有忘失；

設不毀犯，由犯障故而有忘失。

1 非處加行
2 染著(愛)過失
3 惡見過失
4 受持過失

◆ 3 壞鮮白法因緣

1 復說由非處加行壞鮮白法，此何因緣？

由樂己利狹小，不轉下乘聽聞，心不謙下所顯故。

由此毀犯，由不能得所未獲得諸鮮白法，於所聽受生賒緩故，於已得退。

2 又說由染愛過失壞鮮白法，此何因緣？

由於正在家所得利養不生喜足，矯誑等法有希望所顯故。

由此毀犯，由不聽聞所未聞法，多諸事業輕躁散亂，於三摩地不能證得。

3 又說由惡見過失壞鮮白法，此何因緣？

由懷惡意瞻視於他，於諸聲聞、大乘所學其心顛倒所顯故。

由此毀犯，由不正行獲得衰損，由誑惑他獲得衰損。

4 又說由受持過失壞鮮白法，此何因緣？

由於如來智意趣中起等覺慢所顯故。

由此毀犯，由謗正法獲得衰損，由於如來智意趣中邪稱量故，獲得衰損。

◆ 4 惡意現行因緣

1 復說由於所學不甚恭敬故，惡意現行，此何因緣？由於所犯不發露、不陳悔、不除惡作所顯故。由此現行，由於所緣有散亂故，行不明了。

2 又說由不如實顯己過故，惡意現行，此何因緣？

由於身財有所顧戀，樂非諦語所顯故。

由此現行，由於聖教有散亂故，行不明了。

3 又說由於精進懈怠因緣，惡意現行，此何因緣？

由無堪忍所顯故。由此現行，由於眾苦不能堪忍，於諸善法有散亂故，行不明了。

4 又說由障淨因緣，惡意現行，此何因緣？

由於大乘無增上意樂勝解所顯故。由此現行，於廣大乘有散亂故，行不明了。

1 由於所學不甚恭敬
2 由不如實顯己過
3 由於精進懈怠因緣
4 由障淨因緣

◆ 5 難可調伏因緣

1 復說由唯聽聞究竟修障，難可調伏，此何因緣？

由唯觀見免脫難論勝利聽聞所顯故。

由此毀犯，矯誑顯示持法善友。

2 又說由於教授左解修障，難可調伏，此何因緣？

由不堪受教，堅持所犯，不敬教授所顯故。由此毀犯，矯誑顯示住阿練若善友。

3 又說由於尸羅不堅安住惡作修障，難可調伏，此何因緣？

由於所學不甚恭敬，虛受信施所顯故。由此毀犯，矯誑顯示勤修福業善友。

4 又說由於自見安住見取修障，難可調伏，此何因緣？

由於清淨波羅蜜多諸菩薩所不生恭敬、不欲瞻仰、不欲親近、不欲聽聞、不隨法行所顯故。由此毀犯，矯誑顯示御眾善友。

1 由唯聽聞究竟修障
2 由於教授左解修障
3 由於尸羅不堅安住惡作修障
4 由於自見安住見取修障

◆ 6 行於非道因緣

復說由不宣說、不隨宣說、不順義說、不平等說行於非道，此何因緣？

由前後宣說厭倦不平等心，於所宣說不知方便，下乘勝解有染愛心，教誡徒眾加行所顯故。

由此毀犯，由善根不圓滿故，由不攝受廣大善根故，由棄捨廣大善根故，生非福故，誑惑所化諸有情類。

◆ 7 親近不賢良因緣

復說由四種親近不賢良故，退失四事，此何因緣？

由 1 慳吝、2 少聞、3 不善入聖教、4 於佛語言不聽聞所顯故。

由此毀犯，1 不修善根故，2 怖畏生死苦故，3 於利他事不能作故，4 狹小善根故，5 於諸法中有疑惑故，而有退失。

◆ 8 不如其義因緣

復說由於四種菩薩 1 欲求信伏、2 欲求聲譽、3 欲求染果、4 欲求供養承事名稱，是諸菩薩不如其義，此何因緣？由

1 與我愛俱，於微細罪不見怖畏；

2 與其無我非勝解俱，不顧他利，於生死涅槃一向觀見過失功德；

3 於現法中樂相雜住；

4 於當來世欣樂富貴，攝受財法所顯故。由此毀犯，矯現自身能正持法乃至御眾。

□ 3 正行勝利

復次，云何正行勝利？

此亦四種，後後應知。如是正行菩薩，

1 能積集福智資糧故
2 以此為依，障清淨故
3 以此為依，於一切門集成白法故
4 以此為依，起一切種利益有情加行故，又能生長無量福故

◆ 1 積集福智資糧

復有四法，能令積集福智資糧。

1 依此正行供養承事諸佛如來
2 聞清淨
3 思清淨
4 修清淨

◆ 2 令障淨

復有四法，能令障淨。

1 於乘自然無動
2 於諸有情遠離不行因緣
3 遠離邪行因緣
4 遠離不圓滿正行因緣

◆ 3 集成白法

復有四法，能令一切門集成白法。

1 修修所成
2 成熟有情即彼所成
3 堪忍難事即彼所成
4 聞思無厭即彼所成

◆ 4 利有情事

復有四法，能令作一切種利有情事。調於四處濟拔有情。

1 於疑惑猶豫處
2 於極穢惡趣顛墜處
3 於下乘信解處
4 於憎背聖教瞋恚心處

□ 4 法行、平等行、善行、法住行相

復次，云何菩薩於正行中現在轉時，猶得如是功德勝利？

謂具法行、平等行、善行、法住行相。

◆ 法行

云何菩薩具於法行？此何行相？

謂諸菩薩，凡所修行不越正法，是故名為具足法行。

當知此行有五行相。

1 於不饒益樂行惡行諸有情所，欲令入善攝受哀愍故
2 於住種姓外緣闕乏諸有情所，勸令發起菩提心故
3 於波羅蜜多殊勝中，自了知故
4 於尊重處，發起恭敬禮拜加行故
5 於諸外道怨敵有情，安住聖教無傾動故

◆ 平等行

云何菩薩具平等行？此何行相？

謂諸菩薩，遍於一切利眾生事平等修行，是故說名具平等行。

當知此行有八行相。

1 於諸有情平等親愛故
2 於諸有情以無染汙、無差別身、無差別世、無差別求親愛之心，平等慰喻故
3 捨諸憤鬧，舒顏和悅，於已受擔平等能運故
4 於未受擔平等能取故
5 於一切苦平等堪忍故
6 於無量調伏方便平等能求故
7 展轉更互平等正語堪忍語故
8 一切善根平等迴向大菩提故

◆ 善行

云何菩薩具於善行？此何行相？

謂諸菩薩，於內成熟諸佛法故，於外成熟諸有情故，修行善行，是故說名具於善行。
當知此行有七行相。

1 無所依止而惠施故
2 無所依止而持戒故
3 由哀愍心而修忍故
4 非於少分修精進故
5 為作利益諸有情處修靜慮故
6 見不相應修妙慧故
7 成熟方便善巧故

◆ 法住行

云何菩薩具於法住？此何行相？

謂諸菩薩，非但追求以為究竟，非但讀誦以為究竟，非但宣說以為究竟，非但尋思以為究竟，而於內心勝奢摩他正修習中，發勤方便，平等修習，是故說名具於法住。
當知此住有十二行相。

1 於住禁戒、不住禁戒能教授中，無分別故
2 以此為依，恭敬領受所教授故
3 以此為依，身遠離故
4 以此為依，心遠離故
5 以此為依，越聲聞乘相應作意，大乘相應作意思惟故
6 以此為依，不捨遠離軀，與諸有情共止住故，及與所餘共止住故
7 以此為依，領受清淨世間智大福資糧威德修果故
8 於世間智不知喜足，尋求修治出世智故

又清淨智者，斷四種過失，管御大眾故。

1 不能堪忍觸惱過失
2 不決定說教授過失
3 不如其言所作過失
4 有染愛心過失

如是四種及前八種，合有十二行相。

□ 5 能生淨信所有譬喻

復次，云何菩薩能生淨信所有譬喻？

1 謂諸菩薩，從初發心初中後時，作諸眾生引發善根所依止故，普於一切若怨、若恩，心無所著，猶如大地。

而諸菩薩非如大地中庸而轉，眾生依之自施功力，方得存活。

2 然諸菩薩生長善根，淨信歡喜，能滋潤故，猶如大水。

而諸菩薩非如大水，與諸稼穡成熟相違。

3 然諸菩薩為欲成熟諸善根故，於可厭法深生厭患，能燒煉故，猶如大火。

而諸菩薩非如大火，與諸佛土集會相違。

4 然諸菩薩能令善根已成熟者，引發、聚集、解脫、觸得，由能發起正教授故，譬如大風。

而諸菩薩非如大風，能引發已終歸滅盡。

5 然諸菩薩令自白法轉增盛故，猶如朗月。

而諸菩薩非如朗月，但於白分光明照曜，非於黑分。

6 然諸菩薩其相平等，於黑白分一切法中，智普照故，猶如日輪。

而諸菩薩非如日輪，怖羅怙捉即便旋轉。

7 然諸菩薩一切趣中，終不怖畏煩惱所執而旋轉故，譬如師子。

而諸菩薩非如師子，怯於大擔。

8 然諸菩薩能擔一切大苦擔故，如善調龍。

而諸菩薩非如龍象，若遭利衰、軟非軟語、若樂若苦，則為愛恚之所塗染。

9 然諸菩薩於諸世法，不為愛恚所塗染故，如紅蓮華。

而諸菩薩非如紅蓮，斷其莖已不復生長。

10 然諸菩薩雖伏煩惱，由善根力之所任持，於生死中復生長故，猶如大樹根未損壞。

而諸菩薩非如大樹，其根後時定當損壞。

11 然諸菩薩所有善根，迴向涅槃大菩提故，譬如眾流趣入大海。

而諸菩薩非如眾流，趣入大海即成海性。

12 然諸菩薩依止涅槃及大菩提諸善根力而遊戲故，猶如諸天依蘇迷住。

而諸菩薩非如諸天住蘇迷廬，於自事中專行放逸，多受快樂。

13 然諸菩薩方便般若所攝持故，成辦一切佛所作故，譬如群臣所輔大王。

而諸菩薩非如群臣所輔大王，為自利益守護國人。

14 然諸菩薩不顧己利攝護眾生，猶如大雲。

而諸菩薩非如大雲，不能畢竟成辦稼穡。

15 然諸菩薩畢竟生長菩提分法，如轉輪王出現於世。

而諸菩薩非如輪王，無有第二大丈夫眾。

16 然諸菩薩解脫平等，善根所生多同出現，如末尼寶。

而諸菩薩非如末尼寶珠，與迦理沙般拏極不相似。

17 然諸菩薩入無漏界，所作平等、受樂等故，譬如已入雜林諸天。

而諸菩薩非如已入雜林諸天，煩惱增長，當來顛墜。

18 然諸菩薩伏諸煩惱，無顛墜故，所有煩惱如呪術等所伏諸毒。

而諸菩薩所有煩惱，非如呪等所伏諸毒，唯不為害，更無餘德。

19 然諸菩薩由自煩惱，能作一切眾生利益，故此煩惱如大城中諸糞穢聚。

如是菩薩所有功德，羸同世間共所知事，故得為喻；而此功德由殊勝故，無有譬喻。

是故當知，菩薩功德，一切譬喻所不能及。

□ 6 安立所學

攝決擇分中菩薩地之九

復次，云何菩薩於正行中安立所學？

謂諸菩薩具足法住，於依世俗諦道理所說不了義非所依聲聞乘相應經典，已作依持、已作善巧，而復超度於大乘相應、甚深空性相應，依世俗、勝義諦道理所說了義可依經典勤修學時，名為如理正勤修學。

如是如理勤修學時，名正修行中道勝行。

所以者何？由此正法貫穿十三中道行故。

1 貫穿補特伽羅空性
2 貫穿補特伽羅無我性
3 貫穿法空性
4 貫穿法無我性
5 貫穿增益邊
6 貫穿損減邊
7 貫穿法現觀
8 貫穿法現觀迴向大菩提性
9 貫穿如是行者煩惱眾苦不纏繞心性
10 貫穿二無我勝解差別
11 貫穿前無我性是後因性
12 貫穿到邊際空性
13 貫穿即彼威德

◆ 1 貫穿補特伽羅空性

云何貫穿補特伽羅空性？謂由一種相，不可得所顯故。

此中不可得者，謂於三種事。

1 有情事
2 彼差別事
3 彼受用事

若內、若外、若二中間，愚夫遍計所執實我不可得。

◆ 2 貫穿補特伽羅無我性

云何貫穿補特伽羅無我性？

謂由唯一相，可得所顯故。

此中可得者，謂即於彼三事，愚夫所遍計緣生諸法中，常住實性不可得故，愚夫所計我異相性道理可得。

◆ 3 貫穿法空性

云何貫穿法空性？

謂唯由一相，不可得所顯故。

此中不可得者，即於彼事所取無常性，若內、若外、若二中間，愚夫遍計所執言說自性都不可得。

◆ 4 貫穿法無我性

云何貫穿法無我性？

謂唯由一相，可得所顯故。

此中可得者，謂即於彼事道理可得，聖智所行。

又即於彼自內所證，不可以言為他宣說。

彼由六相，於諸凡愚遍計所執言說自性、異相可得。

何等六相？

1 不可自尋思
2 不可說示他
3 超過色根所行
4 超過一切相
5 超過識所行
6 超過煩惱所行

◆ 5 貫穿增益邊

云何貫穿增益邊？

謂由二種相。

1 差別增益所顯故
2 自性增益所顯故

何等名為差別增益？

謂由後後展轉八相。

1 即於彼事執常增益。
2 執無常增益。
3 執常增益為所依止，執我增益。
4 執無常增益為所依止，執無我增益。
5 執無我增益為所依止，執真實心增益。
6 執我增益為所依止，執不真實心增益。 此復二種。一者、決定，二者、尋求。 尋求者，謂遍計所依及遍計相應， 於所對治雜染法中，由五過失，謂顛倒過失、戲論過失、發起惡行過失、羶重過失、 無常性過失。 及於彼能對治清淨法中。
7 執真實心增益為所依止，執善等增益，乃至執清淨增益。
8 執不真實心增益為所依止，執不善等增益，乃至執雜染增益。

是名八種差別增益。

此中菩薩，於彼增益都不執著，不勸他執，亦不讚美。

何等名為自性增益？謂差別增益為所依止，由諸愚夫遍計所執所有言說自性增益，
即於彼事增益為有。

◆ 6 貫穿損減邊

云何貫穿損減邊？

謂由一相，損減實事所顯故。

此中損減實事者，謂即於彼邪法無我性起於勝解，執著一切種、一切法相都無所有。

◆ 7 貫穿法現觀

云何貫穿法現觀？

謂由三種相。

1 即於彼事及第四生事，所治、能治、有為、無為安立中，自性不可得所顯故；

2 彼差別不可得所顯故；

3 即彼串習故，如實通達智所顯故。

此中自性不可得者，謂諸愚夫遍計所執自性。

此中差別不可得者，謂即彼自性滅、生、集、成二分不可得。

此中智通達者，謂即彼自性相不作意、不思擇加行自內所證智通達。

◆ 8 貫穿法現觀迴向大菩提性

云何貫穿法現觀迴向大菩提性？

謂由一種相，思擇所得能治、所治不斷故。

此中能治、所治者，謂空是煩惱對治，無願是有願對治，無相是諸相對治，如是一切名無造作。

此復是後有業對治，亦是生身流轉、剎那生流轉對治，名滅涅槃行無自性。

此復以生死流轉為所對治。

若諸菩薩由此對治，故起思擇，不斷所治，此由悲愍諸眾生故，希求大菩提。

◆ 9 貫穿如是行者煩惱眾苦不纏繞心

云何貫穿如是行者煩惱眾苦不纏繞心？

謂由一種相，雖不永斷所對治法，而能如實通達故。

此中如實通達者，謂即於彼法，由法無我加行，觀彼自性無染無苦。

◆ 10 貫穿差別

云何貫穿差別？

謂由四種相。

1 見差別所顯故；

2 即此極遠損減差別所顯故；

3 於斷迷失差別所顯故；

4 於心迷失差別所顯故。

1 此中見差別者，謂住補特伽羅無我及涅槃，於當來身起斷滅增上慢。

又於所取觀察故，於能取言說自性畢竟遠離、空性所攝不觀察故，名不善觀察所知境界。由執著諸法故，求煩惱斷。

而諸菩薩則不如是。

2 此中極遠損減差別者，謂住補特伽羅無我，於我見異生下中更下，由二因緣，謂苦不解脫故、安住苦故，前後二種執著失壞故。而諸菩薩則不如是。

3 此中於斷迷失差別者，謂住補特伽羅無我，執法無我無自性故，便生驚怖，謂無言說自性追求斷滅。而諸菩薩則不如是。

4 此中於心迷失差別者，謂如是於斷迷失住補特伽羅無我，於自遍計所起境界中，為想顛倒等之所顛倒。而諸菩薩則不如是。

◆ 11 貫穿因性

云何貫穿因性？

謂由二種相。

1 觀察能取所顯故

2 彼如實通達所顯故

此中觀察能取者，謂即觀察此無我智，遠離言說自性故，遠離彼分別故，應捨相故，有剎那故。

此中彼如實通達者，謂觀察所取、能取二種，如理作意思惟為因，各別內證決定智生。

◆ 12 貫穿到邊際空性

云何貫穿到邊際空性？

謂由一種相，即彼法無我智如實顯現故。

此中如實顯現者，謂顯現業、煩惱相似相故，不可言說法故，離言說自性故，如是不執著故，有剎那故。

◆ 13 貫穿即彼空性威德

云何貫穿即彼空性威德？

謂由一種相，業、煩惱斷對治所顯故。

此中斷者，謂彼剎那光明想生，能斷無始時來所集一切諸業、煩惱。

□ 7 聲聞、菩薩差別

復次，有幾種聲聞？聲聞所學、菩薩所學有何差別？

謂有四種聲聞。

聲聞所學、菩薩所學，當知差別有十三種。

◆ 四種聲聞

云何名為四種聲聞？

1 變化聲聞	變化聲聞者，為欲化度由彼所化諸有情故，或諸菩薩、或諸如來化作聲聞。
2 增上慢聲聞	增上慢聲聞者，謂但由補特伽羅無我智，及執著邪法無我智，計為清淨。
3 迴向菩提聲聞	迴向菩提聲聞者，謂從本來是極微劣慈悲種姓，由親近如來住故，於廣大佛法中，起大功德想，熏修相續。 雖到究竟住無漏界，而蒙諸佛覺悟引入方便開導，由此因故，便能發趣廣大菩提。 彼於如是廣大菩提雖能發趣，由樂寂故，於此加行極成遲鈍，不如初始發心有佛種性者。
4 一向趣寂聲聞	一向趣寂聲聞者，謂從本來是最極微劣慈悲種性故，一向棄背利益眾生事故，於生死苦極怖畏故，唯有安住涅槃意樂，畢竟不能趣大菩提。 如二王子相似處生，平等平等受王快樂，一於王政討論工巧處等皆悉善知，第二王子則不如是。彼二但由此分差別，非由受用王之快樂。

如是於無漏界中，諸菩薩眾與一向趣寂聲聞，當知差別。

◆ 十三種差別

應知彼二復有差別。謂

1 意樂故
2 白法集成故
3 智集成故
4 種類故
5 種性故
6 持種加行故
7 威德故
8 正行故
9 福田故
10 殊勝差別故
11 因果故
12 生依止故
13 一向趣寂聲聞，棄背諸行雜染利益有情事故

1 一向安住寂靜意樂，菩薩雖有垢染，而與彼相違。

2 又彼聲聞，唯為自身得增長故，白法狹小；菩薩為欲增長一切有情樂故，白法無量。

- 3 又彼聲聞，由無為智，但為除遣自身煩惱；菩薩普為一切十方諸有情類。
- 4 又彼聲聞，雖緣最勝解脫法境作意集成，而非佛子；菩薩雖緣下劣諸行有情法境作意集成，而是佛子。
- 5 又彼聲聞，雖勤精進，於諦善巧心善安定，不成就佛種性相故，諸佛世尊不堪攝受；而諸菩薩與彼相違。
- 6 又彼聲聞，到究竟故，根雖成熟，於當來世而不能作佛所作事；菩薩初心剎那生已，便能造作。
- 7 又彼聲聞，雖到究竟，而不為彼諸天人等供養讚歎，如住始業修行菩薩；而諸菩薩雖復未到究竟之位，然其威德及與智慧，映蔽一切聲聞、獨覺。
- 8 又彼聲聞，療煩惱病智慧良藥雖復成滿，而不能治一切眾生諸煩惱病；而諸菩薩與彼相違，由能修行利益他事勝義行故。
- 9 又彼聲聞，雖到究竟，於諸有情智光明照，然非諸天及餘世間真實福田，如諸菩薩未盡煩惱。
- 10 又於聲聞一切時中，如來最勝；於最勝中，諸菩薩眾彌復最勝；彼由於此所集成故。
- 11 又由二緣應知彼勝，彼能成熟諸有情故，亦能成熟諸佛法故。由此因緣感菩提果，隨所成熟諸有情類，能令解脫。
譬如有人，能辦能熟覺慧希奇，非彼端然而食用者。此中道理，當知亦爾。
- 13 又彼聲聞，雖復一向受學修行清淨法因，亦為無量善友攝受，而不能引大菩提果；諸菩薩眾與彼相違，而能引發。
- 12 又諸聲聞依菩薩生，非諸菩薩依彼聲聞。

□ 8 由世間、出世間智，能作利益他事

復次，云何由世間、出世間智，能作利益他事？

調諸菩薩遍於十方，或遊歷世界，或遊歷國土，或遊歷生，或勸請他，為大良醫，善能療治煩惱鬼魅所著有情；為無有上，宣說三學清淨之道。

◆ 世間智

云何世間智？調

- | |
|------------------|
| 1 於麤品所有雜染，能為止息對治 |
| 2 於中品者，能為制伏對治 |

1 云何名為麤品雜染？調

- | |
|--------------|
| 1 在家者貪瞋癡行性 |
| 2 諸出家者見依止性 |
| 3 彼所依不正作意依止性 |
| 4 後有願依止性 |

由總別四顛倒故，於非解脫執為解脫依止性。

2 云何中品雜染？

調已止息麤品雜染，別別對治為依止故，於諸境界貪瞋癡纏依止性。

於其所緣正繫念故，令不定者心得安定，精勤修習菩提分法，方能制伏。

不依此修而自恃舉，故於所緣繫心令住，勇猛精進，從此於住能正攝受；

攝受住故，於積聚中，由一念執中煩惱轉，便能制伏。

從此為斷出世間法所對治故，依止對治即令堅住。

從此能伏諸緣起愚、補特伽羅無我性愚及法無我性愚，從此能於邪道、正道皆得決定。

由如是相，應知麤品、中品雜染止息制伏能對治智，是名世間智。

◆ 出世間智

云何出世間智？

謂如是制伏貪瞋癡纏諸雜染已，復能對治微細隨眠所有雜染，此真實智名出世智。

◇ 三處善巧

此復云何？謂即依彼制伏對治三處善巧。謂

1 緣起善巧
2 補特伽羅無我勝解善巧
3 法無我勝解善巧

◇ 四種無智

為欲超度無餘雜染，對治四種無智故，不待他教，於內精勤觀察自心。

四無智者，

1 於共相無智
2 於自相無智
3 於雜染相無智
4 於清淨相無智

◇ 三種心共相

由三種相，應知心共相。

1 於緣生者不現在前無作用故
2 於現在者唯一剎那無作用故
3 於貪等自緣所生非心作故

◇ 三種心自相

由三種相，應知心自相。

1 如前言說自性不可得故
2 如前由六種相如實可得故
3 一切聖者無差別智之所得故

◇ 三種心雜染相

由三種相，應知心雜染相。

1 生故
2 轉故
3 行故

★ 1 雜染生

於諸趣中，種種自體生故，名雜染生。

★ 2 雜染轉

即於此中，生者自然剎那有流轉故，一切所緣難伏轉故，貪愛勢力之所轉故，名雜染轉。

★ 3 雜染行

若於彼行、若如是行，名雜染行。

謂於一時行於善中，或於一時行不善中，或於一時行境界中，或於一時行造業中，或於一時行煩惱中。

又於煩惱行貪、瞋等無決定行，非即於此行有貪已復行無貪，行無貪已復行有貪，如是等。

又於隨順樂等法中，得為增上現行。

又生自苦斷壞眾樂，不由執著故，但由顛倒故。由此引發自身眾苦，無有厭足。

或於善中而安置時，即便棄捨思求瑕隙。為令不善現前行故，於其瑕隙及衰盛中，為諸愛恚之所損惱。

又隨放逸勢力，一切所作諸善根本皆令損壞。

又極樂著色等境故，雖於極利益甘露界中數數思擇，而難可安立。

於此義中，示現假合所設譬喻其事應知。

◇ 三種心清淨相

由三種相，應知心清淨相。

1 不得相故

2 無為相故

3 種性相故

若由別異如理勤修，求心清淨不能證得。

若由如是如理勤修，便能證得。又不觀見言說自性，見真如相。

◇ 九種無為相

此由九種相，當觀無為相。

1 不行世故。

2 非如在滅盡定，言說自性不可得故，真如相可得故，是無二相。

3 非生身相故。

4 超過生身因自性相故。

5 超過當來生故。

6 超過死沒故。

7 超過剎那展轉不遠離故。

8 超過趣轉易故。

9 超過業煩惱行故。

此中種性相，當知是無學界相。

◇ 現法中超過五事

於現法中，超過五事。

1 超過所作
2 超過非所作
3 超過所作加行
4 超過所作非加行
5 超過非所作加行

◇ 後法中超過六事

於後法中，超過六事。

1 超過能發起後有行
2 超過彼行
3 超過彼果生
4 超過依彼衰盛
5 超過於彼所依一切無記動搖中，修學期願受用
6 超過彼所依自體差別

◇ 四位九相

復由四位、九相，應知種姓相。

何等四位？

1 不清淨位
2 清淨位
3 通達位
4 究竟位

1 不清淨位	1 於一切相等隨行
2 清淨位	2 平等一味
	3 身心遠離
3 通達位	4 隨順趣究竟
	5 一切煩惱自性離繫離垢
	6 超過薩迦耶見
	7 超過彼為根本諸惡見趣
4 究竟位	8 安樂成滿
	9 超過三種變壞

云何九相？謂

不清淨位，1 於一切相等隨行故，譬如虛空。

若清淨位，2 平等一味，及 3 身心遠離。

若通達位，4 隨順趣究竟。由 5 一切煩惱自性離繫離垢故，6 超過薩迦耶見，及 7 超過彼為根本諸惡見趣。

若究竟位，8 安樂成滿，及 9 超過三種變壞。

何等名為三種變壞？

1 老死等變壞
2 顛倒處變壞
3 清淨退失變壞

□ 9 於菩薩教授中聲聞所學

復次，云何於菩薩教授中聲聞所學？謂

諸貪、憂毗奈耶故，是增上戒學加行；

厭患作意故，是增上心學加行；

補特伽羅無我性故，或法無我性故，是增上慧學加行。

此中貪、憂，是能發起所有毀犯。

又如

1 正不除遣

2 已不除遣

3 正除遣

4 已除遣

由此四相，應知自心不如理作意所起貪欲、薩迦耶見及與瞋恚。

若由境界，或復由他而起妄計，如是名正不除遣。

若由境界，或由他不饒益加行之所引奪，如是名已不除遣。

由隨一不除遣故，當知隨一亦不除遣。

由隨一除遣故，當知隨一亦復除遣。

又若不除遣，雖住律儀，於增上戒尚名毀犯，何況安住不律儀者。

又增上心學，於所緣境散亂錯誤，是能障礙。

依補特伽羅無我修增上慧者，薩迦耶見是能障礙。

依法無我修增上慧者，自性、差別分別計縛是能障礙。

於此三學正修遣中，有八種違逆學法，有八種隨順學法。

何等為八？

1 唐捐耽著

2 耽著故縛

3 縛故障礙

4 障礙故垢

5 垢故災雹

6 雹故瘡炮

7 瘡炮故熱惱

8 熱惱故諸煩惱病難可療治

與此相違，當知即是八種隨順學法。

□ 10 不善學沙門

復次，云何不善學沙門？謂三種應知。

1 不顧沙門
2 形相同分
3 軌則、正命、受用、加行、戒見、意樂皆不同分

若迴向資具，是增上戒形相同分，是增上心及增上慧形相同分，是彼行意樂不同分。若迴向聲譽，是奢摩他支同分，是毗鉢舍那支同分，是俱修支同分，是俱資糧支同分，是意樂不同分。

□ 11 善學沙門

復次，云何善學沙門？當知由四種相。

1 加行故	於現法中，由厭患加行故； 於前生中，由相續成熟加行故；當知加行圓滿。
2 意樂故	由法無我勝解意樂故；若所應得、若能應得，於此二言說自性無執著故；於意趣義正尋求故；不但隨順言辭故；當知意樂圓滿。
3 通達故	若於法真如，以不緣他智通達自性無雜染故；於世俗寶，及世俗生死、涅槃、解脫、繫縛自性無所得故；當知通達圓滿。
4 趣究竟故	已善修習一切雜染對治故，又於真如無斷壞故，及能勝伏故，當知趣究竟圓滿。

復次，不善學沙門，由三種相，當知彼名不如其義。

1 意樂衰損，加行具足
2 意樂具足，加行衰損
3 意樂衰損、加行衰損

此中意樂衰損，加行具足，復有三種。

1 能聽唯此喜足
2 能說唯此喜足
3 能證世間三摩地而生愛味唯此喜足

若善學沙門，唯由一相，當知意樂具足、加行具足。

□ 12 住世俗律儀

復次，云何住世俗律儀？

當知有四種相。謂

1 雖成就六支尸羅，而為二種損害損害尸羅。謂由
1 薩迦耶見纏故
2 於毀犯出離不了知故
2 雖遠離此二種過失，而未得世間清淨律儀，不能制伏薩迦耶見。
3 雖已得世間清淨律儀，已制伏薩迦耶見，而不損減串習法無我性怖畏，損壞尸羅。
4 雖遠離一切所餘過失，而為邪法無我勝解及增上慢損壞尸羅。

□ 13 住勝義律儀

復次，云何住勝義律儀？謂所成就出世間一切煩惱不相應，能對治三界尸羅。

又於四種住律儀中，諸戲論法現所可得，若能寂靜彼相，當知是名無漏尸羅。

云何名為諸戲論法？謂

於初住律儀中，我執可得，

- | |
|-----------|
| 1 若我所執 |
| 2 若作毀犯 |
| 3 若不作彼 |
| 4 若故思所作加行 |
| 5 若非彼加行 |
| 6 若正知而行 |
| 7 若彼不行 |
| 8 若失念而行 |
| 9 若彼不行 |

於第二住律儀中，薩迦耶見品羶重隨行，

- | |
|-------------------|
| 1 若名可得 |
| 2 若色可得 |
| 3 若當來生相 |
| 4 若今時無相 |
| 5 若纏寂靜 |
| 6 若隨眠故彼不寂靜 |
| 7 若補特伽羅無我執 |
| 8 若補特伽羅執棄捨 |
| 9 若即於彼補特伽羅無我執中所執性 |
| 10 若非所執性 |
| 11 若由此故於色等中有情執 |
| 12 若彼假設讚善執 |
| 13 若能假設心語假設讚善執 |

於第三住律儀中，

- | |
|-----------|
| 1 若生上故世間 |
| 2 若捨下故非世間 |
| 3 若三摩地依止 |
| 4 若諸欲依止 |
| 5 若恃舉自尸羅 |
| 6 若輕憊他尸羅 |

於第四住律儀中，

- | |
|------------------|
| 1 若計我尸羅清淨 |
| 2 若由自性、差別分別故分別尸羅 |

如是等諸戲論法，於無漏戒中皆悉寂靜。

又即與此義相應，依清淨三學，應知所說伽陀。

當知為令福德資糧塵垢微薄，攝受善士，無失壞故；智慧資糧，於甚深處起勝解故。

由二因緣，入如來教。

- | |
|------------|
| 1 由法住智深了別故 |
| 2 由真實智善決定故 |

□ 14 如來調伏方便

復次，云何如來調伏方便？

當知此有二種。謂

1 自體同分故

2 勝解同分故

又現同分，為令安住受教心故，及依教授而出離故。

又正清淨加行教導教授，當知復有四種。

1 於雜染、清淨驚怖轉依教導

2 遠離雜染因緣教導

3 遠離於清淨驚怖因緣教導

4 第一現法樂住加行教導

此中雜染因緣有二種。

1 由世俗言說，自性雜染自性執分別故

2 由彼功德、過失差別執分別故

由二種相，應知於清淨道驚怖因緣。

1 由於前後清淨道雜染分別故

2 由雜染遠離分別故

由二種相，應知於涅槃清淨驚怖因緣。

1 由世俗言說自性執故

2 於涅槃增語想中，作心所有想故

又於寂靜心所有想、若增語想遍了知故，
於彼二因緣俱遠離故，當知是第一住加行教導。

□ 15 密意語言

復次，云何名為密意語言？謂無二相智，是能悟入一切密意語言相。

云何無二相？謂

諸名言安足處事，由

1 彼自性無所有故

2 非名言熏習想所行自性有故

說為無二。

於此無二若起二執，名為雜染；若無二執，名為清淨。

又非一切名言安足處事，由

1 彼世俗言說熏習想所行自性無所有故

2 非彼熏習智所行自性有故

說為無二。

於此無二若起二執，名為雜染；若無二執，名為清淨。

由此無二相，應知悟入如來一切密意語言。

此中 1 由五種相名論圓滿；即於教授中，2 由五種相名果圓滿，3 由五種相名果勝利圓滿；當知皆依密意語言。

1 論圓滿

2 果圓滿

3 果勝利圓滿

◆ 論圓滿

云何由五種相名論圓滿？謂

1 若由此相宣說

2 若是宣說

3 若所宣說

4 若如是宣說

5 若彼宣說

如是圓滿。

◆ 果圓滿

云何由五種相名果圓滿？謂

1 無餘依涅槃界

2 若有餘依涅槃界

3 若聖道圓滿

4 若勝內怨

5 若勝外怨

如是圓滿。

◆ 果勝利圓滿

云何由五種相名果勝利圓滿？謂

1 即是供養大師

2 報信施恩

3 越生死苦

4 於福田性無有退轉

5 從法化生名如來子，依止如來

□ 16 勝解勝利

復次，云何於菩薩藏教授中，勝解勝利？
當知由五種相。

1 建立因時即能映蔽感大富貴增上因故
2 由轉依故
3 即於是處作說器故
4 作說者器故
5 於捨身時，得見業清淨故

由五種相，當知映蔽感大富貴增上之因。
所謂此因

1 能引有量、無量果故
2 有盡、無盡法故
3 感非廣大、廣大樂故
4 是智資糧、智自性故
5 由此能引彼故

又由遠離六種過失，應知身行。
何等名為六種過失？

1 愁憂相過失
2 不了知數習過失
3 由二種相，威儀過失
4 由三種相，怖畏相過失
5 由二種相，渴履瑟吒過失
6 身不調柔過失

又於相慶慰時，遠離五種過失，應知語行。
何等名為五種過失？

1 怯怖過失
2 麤獷過失
3 棄捨佛語，作不相應戲論過失
4 不讚歎如來過失
5 於同法者不施諫誨過失

又於記別所解了時，遠離五種過失，應知語行。
何等名為五種過失？

1 於所證得忘念過失
2 前後語言相違過失
3 道理相違過失
4 敬信聖教諸天訶責過失
5 如來訶責過失

又由遠離五種過失，應知意行。
 調依現法義，有前四種；
 依後法義，有第五種。
 何等名為五種過失？

1 不忍過失。 不能忍受現在、過去不饒益事故。	依現法義
2 覆藏過失。 由覆藏故，惡作燒惱故。	
3 貪染過失。 希求諸欲及受用故，希求出離怨故。	
4 忘念過失。 攝受不正見故，於斷、心迷亂故。	
5 期願過失。 由自輕賤，遠離廣大諸佛菩薩之所加被諸佛國土微妙願故； 由微細意樂引發諸佛法故； 於一切法殊勝世間興盛差別起憍慢故； 及願彼故。	依後法義

於分別菩薩藏教授勝解勝利無量標釋中，當知有無量無數勝解勝利。

於此地中餘決擇文，更不復現。

願以此功德，莊嚴佛淨土。 上報四重恩，下濟三途苦。
 若有見聞者，悉發菩提心。 盡此一報身，同生極樂國。